

ყოველდღიური ღოცვის
სახელმძღვანელო
ღოცვის საკითხები წმიდა
წერილის თანახმად

Shepherds Global Classroom არსებობის მიზანია ქრისტეს სხეულის აღჭურვა, სასწავლო გეგმის (კურიკულუმების) მიწოდების გზით, რათა მთელს მსოფლიოში გამოიზარდონ ქრისტიანი ლიდერები. ჩვენ მიზნად ვისახავთ გავამდიდროთ ადგილობრივი სასწავლო პროგრამები 20-კურსიანი კურიკულუმის ინსტრუმენტის გადაცემით სულიერი მასწავლებლების ხელში მსოფლიოს ყველა ქვეყანაში.

ამ წიგნის უფასოდ ჩამოტვირთვა შესაძლებელია ელ მისამართზე: <https://www.shepherdsglobal.org/courses>

წამყვანი ავტორი: დოქტორი ალან ბრაუნის (Dr. Allan Brown)

საავტორო უფლებები © 2012 Shepherds Global Classroom
პირველი გამოცემა, ნათარგმნია ინგლისურიდან ქართულ ენაზე

ყველა უფლება დაცულია.

მესამე მხარის მასალებზე დაცულია მფლობელების საავტორო უფლებები და მათი გავრცელება ხდება შესაბამისი ლიცენზიით.

გამოყენებული ბიბლიები: ახალი გადამუშავებული გამოცემა 2015, სბს-სტოკჰოლმი 2013, სბს-სტოკჰოლმი 2001, სსგ-საქართველოს საპატრიარქო გამოცემა

ნებართვის შეტყობინება:

ეს წიგნი შეიძლება დაიბეჭდოს და გავრცელდეს უფასოდ ბეჭდურ და ციფრულ ფორმატში შემდეგი მითითებების შესაბამისად: (1) წიგნის შინაარსის რაიმე სახით შეცვლა დაუშვებელია; (2) არ შეიძლება წიგნების ასლების გაყიდვა მოგების მიზნით; (3) საგანმანათლებლო დაწესებულებებს შეუძლიათ თავისუფლად და უფასოდ გამოიყენონ/დააკოპირონ ეს წიგნი, მაშინაც კი, თუ ისინი იღებენ სწავლის საფასურს; და (4) წიგნის თარგმნა დაუშვებელია Shepherds Global Classroom-ის ნებართვისა და ზედამხედველობის გარეშე.

სარჩევი

ლოცვითი წერილები	5
ორშაბათი	9
სამშაბათი	19
ოთხშაბათი	29
ხუთშაბათი	39
პარასკევი.....	49
შაბათი	61
კვირა.....	71

ლოცვითი წერილები

ქვემოთ მოცემული ლოცვები მიჰყვება იმ თანმიმდევრობას, რომელიც იესომ მოგვცა ლოცვის ნიმუშში. ისინი შემოთავაზებულია მაგალითებათ, თუ როგორ უნდა მიიღოთ ღვთის სიტყვა და აქციოთ ის პირად ლოცვად. იმისთვის, რომ წერილი უფრო პირადული გახდეს, გამოიყენება პირველი პირის მხოლოდობითი რიცხვის ნაცვალსახელები. ("მე, ჩემი")

ვფიქრობ,თამამად შეგვიძლია ვთქვათ, რომ არცერთი ლოცვა უფრო ზუსტად არ გამოხატავს ღვთის ნებას,როგორც ლოცვები,რომელშიც გამოიყენება ის ენა, რომელიც თავად ღმერთმა მოგვცა. არცერთ თხოვნაზე არ ვიქნებით უფრო დარწმუნებული,რომ უსათუოდ მივიღებთ პასუხს,ვიდრე სათხოვარზე,რომელიც გამოხატავს იმას, რასაც თავად ღმერთი დაგვპირდა, რომ შეასრულებდა. არცერთ შუამდგომლობასა და ვედრებაზე პასუხი არაა უფრო გარანტირებული, ვიდრე იმაზე, რაზეც ღმერთმა უკვე დაგვავალა ლოცვა. “უფლის სიტყვები – წმიდა სიტყვებია, ქურაში გამოდნობილი ვერცხლი, შვიდჯერ გაწმენდილი (ფს. 11:7). ისწავლეთ მისი სიტყვების გამოყენება თქვენს ლოცვებში. ილოცეთ წმინდა წერილის დაპირებებსა და მცნებებზე დაყრდნობით. ღმერთი გვარწმუნებს, რომ როდესაც ჩვენ მისი ნების შესაბამისად ვლოცულობთ, ის გვისმენს და პასუხობს ასეთ ლოცვებს (1 იოანეს 5:14,15).¹

ლოცვის სახელმძღვანელოს გამოყენება

ლოცვის სახელმძღვანელოს გამოყენება თქვენთვის ახალი გამოცდილებაა? თუ ასეა, ალბათ რამდენიმე შემოთავაზება არსებობს. ეს ლოცვის სახელმძღვანელო გათვლილია შვიდ დღეზე. ყოველი დღე იყოფა ექვს მთავარ ნაწილად (ღვთისმსახურება და თაყვანისცემა, შუამდგომლობა, ვედრება, აღსარება, სულიერი ომი და დიდება და მადლიერება), ცხრა ქვეკატეგორიად (ჩვენი ურთიერთობა ღმერთთან, მისი სიდიადე, მისი რეპუტაცია, მისი მეფობა, მისი წესი, მისი რესურსები ჩვენთვის, შერიგების საჭიროება, ღმერთი არის ჩვენი თავშესაფარი და სიხარულის საჭიროება).

დროის გატარება უფალთან

რამდენი დრო გსურთ გაატაროთ უფალთან? თუ, მაგალითად, ცხრა ქვეკატეგორიიდან თითო წუთს დაუთმობთ ფიქრს და ლოცვას, ეს სულ ცხრა წუთი გამოვა. ორი წუთი თითოეულ კატეგორიას, იქნება თვრამეტი წუთი. თითოეულ კატეგორიაში დახარჯული სამი წუთი იქნება ოცდაშვიდი წუთი. რაც შეეხება თქვენს ხელთ არსებულ დროს, ადვილია გაატაროთ

¹ Terry L. Johnson. “Leading in Public Prayer,” *Westminster Theological Journal* 60:2 (Fall, 1998)

განახლებული, მომგებიანი და სასიამოვნო თხუთმეტიდან ოცდაათი წუთი ან მეტი ღმერთთან თქვენი ურთიერთობის განმტკიცებისთვის ყოველდღე.

რამდენ დროს ატარებთ ლოცვაში, თქვენი და სულიწმინდის გადასაწყვეტია. ცხადია, რაც უფრო მეტს ისწავლით ლოცვით სიამოვნების მიღებას, მით უფრო მეტი დროის გატარება გასურთ ღმერთთან. რამაც ყველაზე დიდი შთაბეჭდილება მოახდინა ამ ლოცვის სახელმძღვანელოს გამოყენების შესახებ, არის ის, თუ რამდენად უფრო აზრიანი, სასიამოვნო და ბიბლიური გახდა ჩემი ლოცვის დრო. იმედი მაქვს, ეს თქვენი გამოცდილებაც იქნება. გახსოვდეთ, განვლილი წლების მრავალი სულიერი გიგანტი, მათ შორის მეთიუ ჰენრი და ჯონ ვესლი, ყოველდღიურად იყენებდნენ მას.

ნუ იჩქარებთ ლოცვის სახელმძღვანელოს წაკითხვას

ეს ლოცვის სახელმძღვანელო შექმნილია იმისთვის, რომ დაგეხმაროთ გამოიყენოთ წერილი, როგორც სახელმძღვანელო თქვენი ლოცვისთვის - ღმერთთან საუბრისთვის. დაფიქრდით იმაზე, თუ რას გვასწავლის წმინდა წერილი ღმერთზე, მოყვასის სიყვარულსა და პატიებაზე და საკუთარ თავზე. დაფიქრდით დაპირებებზე. არ დაუშვათ, თქვენი ლოცვის დრო გახდეს მექანიკური ან რუტინული.

ეს ლოცვები არ უნდა იყოს "ნათქვამი" ან "ნალოცი" თქვენი გონების და გულის სრულად ჩართვის გარეშე. სთხოვეთ ღმერთს დაგეხმაროთ, რომ გულდასმით სიწრფელით და სერიოზულობით გაამახვილოთ ყურადღება თითოეულ სიტყვაზე. თავისუფლად შეაჩერეთ სადმე ლოცვა და დაამატეთ საკუთარი აზრები. ისწავლეთ, როგორ გადმოღვაროთ თქვენი გული ღმერთის წინაშე (ფს. 61:8). გახადეთ ის პირადი. თქვენი ლოცვის დრო იყოს დამდაბლებისა და ღმერთთან მიახლოების დრო (იაკობის. 4:6-8). გახსოვდეთ, ჭეშმარიტი თაყვანისმცემლები „თაყვანს სცემენ მამას სულითა და ჭეშმარიტებით; რადგან მამა ასეთ თაყვანისმცემლებს ეძებს“ (იოანეს 4:23). სთხოვეთ ღმერთს, დაგეხმაროთ იმის გაგებაში, თუ როგორ უნდა იყოთ ჭეშმარიტი თაყვანისმცემელი.

შეიმუშავეთ საკუთარი ლოცვის სახელმძღვანელო

რამდენადაც ისწავლით თუ როგორ გამოიყენოთ უფლის ლოცვა, როგორც თქვენი ლოცვის მოდელი, იმდენად შეიძლება სურვილი გაგიჩნდეთ საკუთარი ლოცვის სახელმძღვანელოს შემუშავების. ყოველდღიურად რომ წაიკითხავთ ბიბლიას, ნახავთ ისეთ მუხლებს, რომლებიც გულში განსაკუთრებულად მეტყველებს. აიღეთ ეს მუხლები და გადააქციეთ ისინი ლოცვად და ღმერთის სადიდებლად.

განავითარეთ თქვენი ურთიერთობა ღმერთთან

თქვენი ლოცვის დრო განიხილეთ, როგორც ღმერთთან თქვენი ურთიერთობის განმტკიცების საშუალება. თუ წმინდა წერილს იყენებთ თქვენი ლოცვების ჩამოსაყალიბებლად, დაინახავთ, რომ ეს შეცვლის როგორც თქვენს მიერ ღმერთის აღქმას, ლოცვის დროს, ასევე იმას თუ რას ფიქრობთ მასზე. ცოტა ადამიანს თუ შეუძლია განავითაროს თანმიმდევრული, შინაარსიანი ლოცვითი ცხოვრება სტრუქტურის გარეშე. მოდით, უფლის ლოცვამ უზრუნველყოს სტრუქტურა.

ორშაბათი

ღვთისმსახურება / თაყვანისცემა

„მამაო ჩვენო“ - ჩვენი ურთიერთობა ღმერთთან

[წოდება „მამა“ გულისხმობს მინიმუმ ორ იდეას: (1) სამება - მამა, ძე და სულიწმიდა. ლოცვის მეშვეობით შევდივართ სამების ცხოვრებაში და ურთიერთობაში; და (2) ჩვენი შვილობა ღმერთის ოჯახში.]

მამა - ღმერთის თაყვანისცემა

ძვირფასო ზეციერო მამა:

მე მოვდივარ შენს ღვთიურ თანდასწრებაში იესოს სახელით (ეფესელთა 2:18). მოხარული ვარ, რომ შენ მიმიწვიე შენთან და შენს ძესთან იესოსთან ურთიერთობისთვის (1 იოანეს 1:4), და სულიწმიდასთან (ფილიპელთა 2:1).

შენ გვეპატიუები „თამამად მივეახლოთ მადლის ტახტს, რათა მივიღოთ წყალობა და ვპოვოთ მადლი დროული შემწეობისთვის“ (ებრაელთა 4:16).

მადლობას გიხდის, რომ თანაგრძნობით ხარ სავსე (ფსალმუნის 102:13). „უფლის მადლით არ გავქრით, რადგან მისი გულმოწყალება არ დასრულებულა. განახლდებიან ისინი ყოველ დღით, დიდია შენი ერთგულება“ (გოდება იერემიასი 3:22-23).

წმინდა წერილი ითხოვს, „ვინ ავიდა ზეცაში და ვინ ჩამოვიდა? ვინ შეაგროვა ქარი მუჭებით? ვინ გამოიკრა წყალი კვართში? ვინ დაადგინა მიწის ყველა საზღვარი? რა არის მისი სახელი და რა არის მისი ძის სახელი, თუ იცი?!” (იგავების 30:4).

დიდება შენ მამა, რომ ვიცი, რომ იესო არის შენი ძე. და მე სიამოვნებით ვემორჩილები შენს ბრძანებას, რომ „ყველამ პატივი მიაგოს ძეს, როგორც მამას მიაგებენ პატივს“ (იოანეს 5:23).

ძე - ღმერთის თაყვანისცემა

უფალო იესო, მადლობა შენ, რომ გვერდით გადადე ის დიდება, რომელიც გქონდა მამასთან, სამყაროს შექმნამდე (იოანეს 17: 5) და გახდი ქვეყნიერების მხსნელი. (1 იოანე 4:14)

მადლობა, რომ იმდენად გიყვარვარ, რომ ნებით გადაეცი საკუთარი თავი ჩემი ცოდვების გამოსასყიდ მსხვერპლად, მაგრამ არა მხოლოდ ჩემი, არამედ მთელი ქვეყნიერების ცოდვების (1 იოანეს 2:2).

შენ დაჭრილი იყავი ჩემი დანაშაულების გამო. შენ იყავი ტანჯული ჩემი უსამართლობებისთვის. შენ იყავი ნაცემი, რომ ღმერთთან მშვიდობა მქონოდა. სწორედ შენი წყლულებით ვარ სულიერად განკურნებული (ესაიას 53:5).

გაქებ შენ, უფალო იესო, რადგან სიკვდილსა და ჯოჯოხეთზე გამარჯვებული აღსდექი საფლავიდან (გამოცხადების 1:18). შენთან კავშირის გამო, მეც მკვდარი ვარ ცოდვისთვის და აღვდექი, რომ ვიცხოვრო განახლებული სიცოცხლით. (რომაელთა 6:4).

სულოწმიდა - ღმერთის თაყვანისცემა

თაყვანს გცემ შენ, კურთხეულო სულოწმიდავ.

ამავსე და განმაახლე შენი წმინდა თანდასწრებით (ეფესელთა 5:18).

შენ ანუგეშებ (საქმეების 9:31), აძლიერებ (ეფესელთა 3:16) და უძღვები (წარმართავ) (რომაელთა 8:14) თითოეული ადამიანს, ვისაც სურს აამოს ღმერთს. დამეხმარე გავიგო როგორ ვითანამშრომლო შენთან.

შენ ასევე ამხელ ქვეყნიერებას ცოდვის, ღვთის სამართლიანობისა და მომავალი განკითხვის გამო (იოანეს 16:8).

მასწავლე, რომ შენს მმართველობას დავემორჩილო ჩემი ცხოვრების ყველა სფეროში (გალატელთა 5:24).

განმწმინდე ყველაფრისგან, რაც ხელს უშლის შენს მოქმედებას ჩემს ცხოვრებაში. დაე დღეს ვერაფრით დაგამწუხრო (ეფესელთა 4:30).

„რომელი ხარ ცათა შინა“ - ღვთის მეფური სიდიადე

[ზეცა არის ადგილი, სადაც არის ღვთის ტახტი. ამასთან, არ უნდა ვიფიქროთ, რომ ღმერთის თანდასწრება ზეცით შემოიფარგლება. ის ყველგანმყოფელია „ყველგან იმყოფება“ (ფსალმუნის 138:7-12). თუმცა ამბობენ, რომ ზეცაში ღმერთის თანდასწრება უფრო მეტია, ვიდრე სხვაგან. ის ფაქტი, რომ ღმერთი „ზეცაშია“ ნიშნავს, რომ ის არ შემოიფარგლება მხოლოდ მიწიერი რესურსებით. ის უზენაესია და აქვს შეუზღუდავი რესურსი. გარდა ამისა, „ზეცა“ საუბრობს სრულყოფილებაზე და მახსენებს, რომ ღმერთი არის მამობის სრულყოფილება.]

ზეციერო მამა, გაქებ შენ, რადგან „გაიმზადე შენი ტახტი ზეცაში და შენი სამეფო განაგებს ყოველივეს“ (ფსალმუნის 102:19).

შენ ხარ „უფალი ღმერთია მაღლა ზეცაში და დაბლა მიწაზე, და სხვა არავინაა მის გარდა“ (მეორე რჯულის 4:39; დაბადების 24:3).

„უფლის, შენი ღმერთის, არის ცანი და ცანი ცათანი, მიწა და ყოველივე, რაც მასზეა“ (მეორე რჯულის 10:14). „ვერ გიტევენ შენ ცანი და ცანი ცათანი“ (3 მეფეთა 8:27).

„გადმოიხედე შენი წმიდა სავანიდან, ზეციდან, და აკურთხე შენი ერი“ უფალო (მეორე რჯულის 26:15).

მამაო, შენ თქვი: „ნეტარ არიან ისინი, ვინც მთელი გულით გეძებენ შენ“ (ფსალმუნის 118:2).

„მთელი გულით გეძიებ შენ; ნუ გადამახვევინებ შენს მცნებათაგან! გულში ჩავიმარხე შენი სიტყვები, რომ არ შეგცოდო“ (ფსალმუნის 118:10-11).

შენ ხარ ცათა სამეფოს მეფე და ჩემი ცხოვრების მეფე.

„წმიდა იყოს სახელი შენი“ - ღმერთის რეპუტაცია

[თვით ღმერთის ბუნება (ყველაფერი, რაც ღმერთია და რასაც ის აკეთებს) არის სწმიდა. როდესაც ჩვენ ვაცხადებთ, რომ ქრისტიანები ვართ, ჩვენ ვაცხადებთ მასთან ურთიერთობის შესახებ, იესო ქრისტეს მეშვეობით. ვინაიდან ღმერთი არის წმიდა, ჩვენც უნდა ვიყოთ წმიდა, ჩვენს ყველა ურთიერთობასა და ქმედებაში (1 პეტრეს 1:15,16). ჩვენ გავლენას ვახდენთ იმაზე, თუ რას ფიქრობენ სხვები მასზე. მისი რეპუტაცია ჩვენს ხელშია.]

მამა, ყველაფერი, რაც შენ ხარ და რასაც შენ აკეთებ, წმიდაა. შენი სადარი არავინ არის - „სიწმიდით დიდებული, საკვირველო ხოტბებით, მოქმედო სასწაულებისა“ (გამოსვლის 15:11).

შენ ხარ „მაღალი და აღზევებული, მარადმსუფთვე და წმიდა სახელიანი. შენ სუფევ მაღალში და სიწმიდეში“ (ესაიას 57:15ა).

შენ ასევე ხარ ტანჯულთანაც და სულით გლახაკთანაც, რათა გააცოცხო გლახაკთა სული და გააცოცხო ტანჯულთა გული (ესაიას 57:15ბ).

დამეხმარე რომ ვიყო მომნანიებელი და თავმდაბალი, რათა შენი წმიდა თანდასწრება ჩემთან დამკვიდრდეს და გამიცოცხლოს გული.

მამა, დამეხმარე ვიცხოვრო ისე, რომ არ დავამცირო შენი სიწმიდე. შენი რეპუტაცია ჩემს ხელშია, რადგან მე განვაცხადე, რომ ვარ ქრისტიანი. დამიცავი, რომ არ დავგმო შენი წმიდა სახელი იმით, რასაც ვაკეთებ ან ვამბობ. (რომაელთა 2:14).

დაე, ხალხმა დაინახოს ჩემი სიწმიდე - ქრისტეს მსგავსი დამოკიდებულება და მოქმედება ბრწყინავდეს ჩემს ცხოვრებაში, რადგან მიბრძანე: „იყავით წმიდები ყოველ საქციელში, როგორც წმიდაა იგი, ვინც თქვენ მოგიწოდათ.“ (1 პეტრეს 1:15).

შუამდგომლობა

„მოვიდეს სუფევა შენი“ - ღმერთის მეფობა

[ღმერთის გეგმა მარადისობიდან იყო სიმაღლისა და სიწმინდის სამეფოს დამკვიდრება დედამიწაზე (მათეს 25:34). ღვთის სამეფოს დამყარება ხდება ორ ეტაპად. პირველი ფაზა არის სულიერი. ღმერთი მმართველობს თავისი ხალხის გულებსა და ცხოვრებაში (კოლასელთა 1:13). როდესაც ჩვენ ვლოცულობთ „მოვიდეს სუფევა შენი“, ჩვენ ვლოცულობთ, რომ ადამიანები გადარჩნენ და გახდნენ ღვთის სამეფოს მოქალაქეები (მათეს 9:35). სამეფოს მოსვლის მეორე ეტაპი ფიზიკურია. როდესაც იესო მეორედ მოვა, ის გააუქმებს დედამიწის ყველა მთავრობას და დამკვიდრდება, როგორც მთელი მსოფლიოს მეფე (დანიელის 2:44-45). როდესაც ჩვენ ვლოცულობთ, რომ „მოვიდეს სუფევა შენი“, ამ გაგებით, ჩვენ მოუთმენლად ველოდებით იესოს მეორედ მოსვლას. (გამოცხადების 22:20)]

„უფალი მეფობს; იხაროს ქვეყნიერებამ“ (ფსალმუნის 96:1).

„უფალი მეფობს; შეძრწუნდნენ ხალხები! ქერუბიმებზეა ამხედრებული, შეიძრეს ქვეყანა!“ (ფსალმუნის 98:1).

მამა, თაყვანს გცემ შენ და გაქვ, რადგან უზენაესი ხარ! შენ მეფობ დედამიწის ყველა ხალხზე. შენთვის „მთელი ხალხები, ისე არიან, როგორც ერთი წვეთი სავსე კოკასთან, როგორც სასწორის პინაზე დარჩენილი მტკერი“ (ესაიას 40:15).

მოვიდეს სუფევა შენი! დაე, შენი სამეფო გავრცელდეს, რადგან უფრო და უფრო მეტმა ხალხმა მიგიღოს, როგორც მათი უფალი და მხსნელი.

აკურთხე, განამტკიცე და გაამხნევე ყველა მქადაგებელი, რომლებიც შენთვის მუშაობენ მსოფლიოს სხვადასხვა მისიებში.

შენ თქვი: „თვალი აახილეთ და შეხედეთ ყანებს, როგორ გადათეთრებულან სამკალად“ (იოანეს 4:35). დამეხმარე, გავაკეთო ის, რაც შემიძლია, რათა სხვებს შენკენ წავუძღვე. მე ვლოცულობ, რომ უფრო მეტმა ადამიანმა მოისმინოს შენი მოწოდება და მუშაკები გახდნენ სამკალში. (მათეს 9:38)

შენ დაგვპირდი: „მომიხმე მე და გიპასუხებ და გაუწყებ დიდსა და მიუწვდომელს, რაც არ იცი შენ.“ (იერემიას 33:3)

„ნუთუ აღარ დაგვიბრუნებ სიცოცხლეს, რათა შენმა ხალხმა იხაროს შენით?“ (ფსალმუნის 84:6)

[ლოცვა იმ ადამიანებისთვის, რომლებიც ჯერ არ არიან გადარჩენილნი.]

მამა, მიიზიდე ისინი იესოსკენ (იოანეს 6:44). მიანიჭე მათ მონანიების გული, შექმენი მათში შენდამი შიმშილი და წყურვილი.

ღმერთო, სანამ ისინი ცოდვაში ბედნიერები არიან, ისინი ვერ გრძნობენ შენს საჭიროებას. ამიტომ, ცოდვის სიამოვნება მტვრად და ნაცრად გადააქციე მათ პირში. შემოსაზღვრე ისინი შენი ნებით და შენს გზაზე (ოსიას 2:8, 9).

გთხოვ, მათ ცხოვრებაში მოიყვანო სწორი ადამიანები, რომლებიც მათ დაეხმარებიან გაიგონ, თუ როგორ უნდა მიიღონ ხსნა.

შეკარი ბნელეთის ძალები, რომლებიც მათ ტყვეობაში ამყოფებენ და აუხილე მათ თვალები, რათა დაინახონ საჭიროება შენში.

დაე, მალე მოვიდეს მათი ხსნის დღე.

„იყოს ნება შენი, ვითარცა ცათა შინა, ეგრეცა ქვეყანასა ზედა“ – ღმერთის მმართველობა

[ეს სათხოვარი გვასწავლის, რომ ვიზრუნოთ ღვთის ნების შესრულებაზე ჩვენს ცხოვრებაში უფრო მეტად, ვიდრე ჩვენი გეგმებისა და სურვილების შესრულებაზე. თუ ჩვენი სურვილები არ შეესაბამება მის ნებას, ღმერთს უნდა ვთხოვოთ შეცვალოს ჩვენი სურვილები. მისი ნება ჩვენს მიერ უნდა შესრულდეს, როგორც ამას ანგელოზები აკეთებენ ზეცაში - მონდომებით და სიხარულით. ჩვენ უნდა დავემორჩილოთ მისი სიტყვის ავტორიტეტს.]

მამა დამეხმარე, რომ შენს ნებასთან შესაბამისობაში ვიცხოვრო. შენ გამოხატავ შენს ნებას წმინდა წერილის საშუალებით.

დამეხმარე ჩემი ნება დაუქვემდებარო შენსას. თუ ჩემს ცხოვრებაში არის რამე, რაც არ არის შენთვის მოსაწონი, გთხოვ, მიმითითე და მომეცი შესაძლებლობა მოვახდინო ის ცვლილებები, რაც შენ გსურს.

შენი ნებაა, რომ პატიოსნად ვიცხოვრო და სწორად მოვიქცე. შენ მოითხოვ, რომ გულიდან ვილაპარაკო სიმაართლე (ფსალმუნის 14:2).

მე არ უნდა ვთქვა სხვებზე ისეთი რამე, რაც მათ მახასიათებელს ან გავლენას ზიანს მიაყენებს, ჩემს მეგობრებზე ბოროტი არ უნდა ვილაპარაკო. მე არ უნდა დავადანაშაულო ჩემი მეზობელი (ფსალმუნის 14:3).

დაუყენე გუშაგი ჩემს ენას ისე, რომ ყოველი ჩემი ნათქვამით გაამო (ფსალმუნის 140:3).

მე არ მსურს დღეს რამის გაკეთება შენი ნების საწინააღმდეგოდ. დაე შენი ნება დღეს აღსრულდეს ჩემს ცხოვრებაში.

ვედრება

„პური ჩვენი არსობისა მოგვეც ჩვენ დღეს“ – ჩვენი რესურსები

[ღმერთს აქვს შეუზღუდავი რესურსები. ისინი ხელმისაწვდომია ჩვენთვის. სთხოვეთ დააკმაყოფილოს თქვენი ფიზიკური, ფინანსური, ემოციური და გონებრივი მოთხოვნილებები.]

მვირფასო მამა, შენ თქვი, რომ თუ მე პირველ რიგში მოვძებნი შენს სამეფოს და შენს სიმართლეს - თუ მე პირველ ადგილზე დაგაყენებ ჩემს ცხოვრებაში - შენ აღავსებ ჩემს ყველა მატერიალურ საჭიროებას. (მათეს 6:33)

შენ თქვი: „ნუ ზრუნავთ ხვალინდელ დღეზე, რადგან ხვალინდელი დღე თავად იზრუნებს თავის თავზე. ეყოფა თითოეულ დღეს თავისი საზრუნავი“ (მათეს 6:34).

შენ მიკრძალავ წუწუნს, ბუზღუნს და დრტვინვას (1 კორინთელთა 10:10).

გთხოვ, მაპატიე, რომ მუდამ ვწუწუნებ და ვდრტვინავ ჩემი გარემოებების გამო. შენ ჩემთვის იმაზე უკეთესი იყავი, ვიდრე ვიმსახურებდი.

თუ ფინანსური წარუმატებლობა მექნება და დავზარალდები, დამეხმარე მახსოვდეს, რომ იესოს თავის დასადებად ადგილიც არ ჰქონია (მათეს 8:20), მაგრამ ის მდიდარი იყო შენთან ურთიერთობით.

ნება მომეცი, რომ როდესაც ვლოცულობ და ვკითხულობ შენს სიტყვას, მეც ვიყო მდიდარი შენთან ურთიერთობით.

მაპატიე რომ გაწუხებ.

შენ თქვი: „არაფერზე იზრუნოთ, არამედ მადლობით ყოველ ლოცვასა და ვედრებაში აუწყეთ თქვენი სათხოვარი ღმერთს. და ღმერთის მშვიდობა, რომელიც ყოველგვარ გონებას აღემატება, დაიფარავს თქვენს გულებს და თქვენს ფიქრებს ქრისტე იესოში“ (ფილიპელთა 4:6-7).

შენ დაგვპირდი: „ჩემი ღმერთი კი დააკმაყოფილებს თქვენს ყველა საჭიროებას, თავისი სიმდიდრისამებრ, დიდებით ქრისტე იესოში“ (ფილიპელთა 4:19).

მადლობას გიხდი ყველა იმ კურთხევისთვის, რაც წარსულში მომეცი.

მე მომაქვს შენთან ჩემი დღევანდელი საჭიროებები. (დაასახელეთ ისინი).

დამეხმარე, რომ მახსოვდეს და მადლიერი ვიყო ყველაფრისთვის, რაც შენ გააკეთე!

მე ვლოცულობ... (ადამიანებზე, რომლებიც გაჭირვებულები არიან მთელს მსოფლიოში)

მე ვლოცულობ მათთვის, ვინც თანამდებობებს იკავებს ადგილობრივ, საკანონმდებლო და აღმასრულებელ ხელისუფლებაში. მე ვლოცულობ, რომ მათ შენი სიტყვის პრინციპებით იხელმძღვანელონ. დაუშვი, რომ ისინი პატივს მოგაგებდნენ და სამართლიანობა სუფევდეს. გთხოვ, ჩაშალე ბოროტის მიზნები და გეგმები და შენი ნება აღსრულდეს. გვიწყალობე, რომ „მშვიდად და წყნარად ვიცხოვროთ სრულ ღვთისმოსაობასა და პატიოსნებაში“ (1 ტიმოთეს 2:2).

მე ვლოცულობ, როგორც იაყბეცი ძველად: „ნეტა მაკურთხებდე და საზღვრებს გამიდიდებდე, შენი ხელი ჩემთან იქნებოდეს და ბოროტებისაგან დამიცავდე, რომ არ გავიტანჯო“ (1 ნეშტთა 4:10).

აღსარება / შერიგება

„და მოგვიტევე ჩვენ თანანადებნი ჩვენნი, ვითარცა ჩვენ მივუტევეთ თანამდებთა ჩვენთა“ - შერიგება

[აღსარება თვითდამდაბლების აქტია. ეს არის ღვთის მადლისა და დახმარების საჭიროების აღიარება. როდესაც სწორად არის შეთავაზებული, ის გამოხატავს სულიერად გაუმჯობესების სურვილს. აღსარება არის ღვთის თვალსაზრისი და დამოკიდებულება იმის მიმართ, რაც არასწორია ან საჭიროებს შეცვლას თქვენს ცხოვრებაში. აღსარება იღებს პირად პასუხისმგებლობას თქვენს არჩევანზე და დამოკიდებულებაზე, იმისდა მიუხედავად, თუ როგორ გექცევიან სხვები.]

„გამომცადე, უფალო, და შეიცან გული ჩემი; შემამოწმე და შეიცან აზრები ჩემი. ნახე, ბოროტების გზაზე ხომ არ ვდგავარ, და წამიძეხი მარადიულ გზაზე“ (ფსალმუნის 138: 23-24).

შენ „უფალო, კეთილი და შემბრალე ხარ, და დიდად მოწყალე ყველას მიმართ, ვინც მოგიხმობს“ (ფსალმუნის 85:5).

მე ვადიარებ უფალო, რომ თუ სხვებს არ ვაპატიებ ჩემს წინააღმდეგ ჩადენილ ბოროტებას, მე მათ კი არ ვავნებ, არამედ მოვწყდები შენს პატიებას (მარკოზის 11:26).

მადლობას გიხდი წყალობისა და პატიებისთვის.

როდესაც ნამდვილად მოვინანიებ და ცოდვას უკუვაგდებ, შენ მათ მაშორებ „როგორც აღმოსავლეთია დაშორებული დასავლეთისგან“ (ფსალმუნის 102:12). შენ ზურგს უკან მოისროლე ისინი (ესაიას 38:17), და აღარ გაიხსენებ მათ (იერემიას 31:34). დანაშაულს

ჩამომბან შენივე გულისთვის (ესაიას 43:25) და ყველა მათგანს ზღვის უფსკრულებში მოისვრი (მიქას 7:19).

სულიერი ბრძოლა

„და ნუ შეგვიყვან ჩვენ განსაცდელში, არამედ გვიხსენ ჩვენ ბოროტისაგან“ – ჩვენი დაცვა

მამა, დამიცავი შენი სახელით, რადგან ჩემი თავი იესოს გადაეცა (იოანეს 17:11). ისევე, როგორც იესო იყო ქვეყნიერებაზე, მაგრამ არა ქვეყნიური. დამეხმარე, რომ არ შევერწყა ამ ქვეყნიერებას (რომაელთა 12:2). გთხოვ, დაიცავი ჩემი ნდომები და სურვილები.

შენ თქვი: „სარწმუნოა უფალი, რომელიც განგამტკიცებთ თქვენ და დაგიცავთ ბოროტისაგან“ (2 თესალონიკელთა 3:3).

მიწყალობე დღეს, მამა, რომ შემეძლოს სულიერად ძლიერი ვიყო შენში.

შენ თქვი: „გამაგრდით უფლით და მისი ძალის სიმტკიცით. შეიმოსეთ ღვთის სრული საჭურველი, რათა შეძლოთ წინააღმდეგეთ ეშმაკის მზაკვრობას. რადგან ჩვენი ბრძოლა არ არის სისხლისა და ხორცის წინააღმდეგ, არამედ მთავრობათა წინააღმდეგ, ხელმწიფებათა წინააღმდეგ, ამ სოფლის სიბნელის მპყრობელთა წინააღმდეგ, ცისქვეშეთის ბოროტების სულთა წინააღმდეგ“ (ეფესელთა 6:10-12).

დამეხმარე მამა, რომ დღეს ღვთის სრული საჭურველით შევიმოსო, რათა შევძლო წინააღმდეგობა ბოროტ დღეს და გავუძლო ამას სულიერად“ (ეფესელთა 6:13).

შენ თქვი: „იდექით ჭეშმარიტებით წელშემოსარტყლულნი“ (ეფესელთა 6:14ა). დამეხმარე, რომ ჩემს ყველა ურთიერთობაში ვიყო წრფელი.

შენ თქვი, „სიმათლის ჯავშნით შეიმოსეთ“ (ეფესელთა 6:14ბ). დამეხმარე, რომ მართალი და წმინდა ვიყო ყველაფერში, რასაც ვაკეთებ.

შენ თქვი, რომ ვიყო ფეხშემოსილი მზადყოფნაში მშვიდობის სახარებლად (ეფესელთა 6:15). დამეხმარე, მტკიცედ ვიდგე შენს ჭეშმარიტებაში და გამოვიყენო ყველა შესაძლებლობა იესოს სახარება გავუზიარო სხვებს.

შენ თქვი: „აიღეთ რწმენის ფარი, რომლითაც შეძლებთ ბოროტის გავარვარებული ისრების ჩაქრობას.“ (ეფესელთა 6:16). დღეს, როდესაც ცდუნება მოვა ჩემს ცხოვრებაში, დაე ჩემი რწმენა არ შეირყეს.

მე ხსნის მუზარადი უნდა დავიხურო (ეფესელთა 6:17). დაე, ყველა ჩემი აზრი იქნას დატყვევებული იესო ქრისტეს დასამორჩილებლად (2 კორინთელთა 10:5).

მე უნდა ვისწავლო როგორ გამოვიყენო სულის მახვილი, რომელიც არის ღვთის სიტყვა (ეფესელთა 6:17). დამეხმარე, რომ გულში დავიუნჯო შენი სიტყვები, რათა არ შეგცოდო (ფსალმუნის 118:11).

„შენ განმიმტკიცე ნაბიჯები შენს გზაზე და არ გადაუხვევია ჩემს ტერფებს“ (ფსალმუნის 16:5).

ქება-დიდება და მადლიერება

„რადგან შენია მეფობა, ძალი და დიდება საუკუნეთა მიმართ“ - დაასრულეთ ქება-დიდებით.

[ყურადღება გაამახვილეთ ღმერთის პოზიციაზე, მის ძალაზე, სიდიადეზე და დიდებაზე. გაამხნევეთ თქვენი გული ქება-დიდებით.]

შენია ღმერთო სიდიადე, ძლიერება, დიდება, გამარჯვება და დიდებულება. შენია ყველაფერი ცაში თუ დედამიწაზე, ღმერთო; შენია სამეფო და ყოველივეს სათავე ხარ და ამაღლებული ყოველივეზე (1 ნემტთა 29:11).

მე გთავაზობთ „შესწირეთ სიმართლის შესაწირნი და მიენდეთ უფალს“ (ფსალმუნის 4:5).

შენ თქვი: „გაიხაროს ყველამ, ვინც შენზეა მონდობილი, იმხიარულონ უკუნისამდე; შეიფარე ისინი, რათა გაიხარონ შენი სახელის მოყვარულებმა. რადგან შენ აკურთხებ მართალს, უფალო, და ისე მოსავ შენი წყალობით, როგორც ჯავშნით“ (ფსალმუნის 5:11-12).

დამეხმარე მამა, რომ დავემორჩილო ამ ბრძანებებს.

შენ თქვი, „რადგან მე, უფალი - შენი ღმერთი, შენი მარჯვენის დამკავებელი გეუბნები: „ნუ გეშინია, მე შეგეწევი“ (ესაიას 41:13).

„სიხარულის სისავსეა შენი სახის წინაშე, შენს მარჯვნივ ყოფნა ნეტარებაა უკუნისამდე“ (ფსალმუნის 15:11).

„უმწიკვლოა ღმერთის გზა, ხალასია სიტყვა უფლისა; ფარია იგი ყველასთვის, ვინც მას შეეფარება“ (ფსალმუნის 17:30).

„განა უფლისთვის შეუძლებელია რაიმე?“ (დაბადების 18:14). „ვინაიდან ღმერთთან არცერთი მისი ნათქვამი არ იქნება შეუძლებელი“ (ლუკას 1:37).

იესომ თქვა: „ადამიანთათვის შეუძლებელი, შესაძლებელია ღმერთის მიერ“ (ლუკას 18:27).

ოჰ, უფალო ღმერთო! აჰა, შენ შექმენი ცანი და დედამიწა შენი დიდი ძალითა და გაწვდილი მკლავით, შეუძლებელი არაფერია შენთვის (იერემიას 32:17).

„და აჰა, რა გაბედულება გვაქვს მის მიმართ, რომ როცა რამეს ვთხოვთ მისი ნებისამებრ, იგი გვისმენს. და როცა ვიცით, რომ იგი გვისმენს, რასაც კი ვთხოვთ, ვიცით, რომ გვაქვს, რაც ვითხოვეთ მისგან” (1 იოანეს 5:14, 15).

იესოს სახელით ვლოცულობ ამისთვის, ამინ

სამშაბათი

ღვთისმსახურება / თაყვანისცემა

„მამაო ჩვენო“ - ჩვენი ურთიერთობა ღმერთთან

[წოდება „მამა“ გულისხმობს მინიმუმ ორ იდეას: (1) სამება - მამა, ძე და სულიწმინდა. ღოცვის მეშვეობით შევდივართ სამების ცხოვრებაში და ურთიერთობაში; და (2) ჩვენი შვილობა ღმერთის ოჯახში.]

მამა - ღმერთის თაყვანისცემა

ძვირფასო ზეციერო მამა:

თაყვანს გცემ, რადგან შენ ხარ: „უფალი, უფალი, ღმერთი, შემზრალე და მოწყალე, რისხვაში ნელი, დიდადმოწყალე და ჭეშმარიტი“ (გამოსვლის 34:6).

შენ ხარ ცისა და ქვეყნის შემოქმედი (დაბადების 1:1). ცანი ღაღადებენ ღმერთის დიდებას და მის ხელთა ნამოქმედარს გვამცნობს სამყარო (ფსალმუნის 18:1).

შენ ხარ ყოვლად ბრძენი (დანიელის 2:20; რომაელთა 11:33). შენ არასდროს ცდები (ფსალმუნის 32:11). გონიერება შენი განუზომელია (ფსალმუნის 146:5).

შენ ხარ ყოვლად მოსიყვარულე (1 იოანეს 4:8). არასდროს ხარ ბოროტი, ან სასტიკი (ფსალმუნის 118:68). შენ საუკეთესო გსურს ჩემთვის.

შენ ხარ უსასრულო შენს ძალაუფლებაში (იერემიას 32:17). შენთვის შეუძლებელი არაფერია (მათეს 19:26; ლუკას 1:37).

მინდა მიყვარდე მთელი გულით, გონებით, სულით და ძალით (მარკოზის 12:30). ვლოცულობ, გაზარდო ჩემი შესაძლებლობები, რომ მიყვარდე.

ერთ დღეს წარვსდგები შენი თანდასწრების წინაშე განსასჯელად, იმ ყველაფრისთვის, რაც მითქვამს და გამიკეთებია (მათეს 12:46; 16:27; 2 კორინთელთა 5:10)

მომეცი შესაძლებლობა, თავმდაბლად ვიარო შენს წინაშე და გამოვავლინო ღვთიური მოშიშება, რომელიც გსურს (1 პეტრეს 1:17).

შენ მეუბნები, რომ რადგან მე გავხდი იმ სამეფოს ნაწილი, რომლის შეძგრა შეუძლებელია, მაღლიერება უნდა გამოვხატო, რომ თაყვანისცემითა და ღვთიური შიშით გემსახურო (ებრაელთა 12:28).

შენ თქვი: „ემსახურეთ უფალს მოშიშებით, გიხაროდეთ და თრთოდეთ“ (ფსალმუნის 2:11). დამეხმარე, რომ ასე მოვიქცე.

მე - ღმერთის თაყვანისცემა

მადლობას გიხდის, უფალო იესო, რომ შენ ხარ „მოწყალე და ერთგული მღვდელმთავარი ღვთის წინაშე, ხალხის ცოდვების მისატევებლად“ (ებრაელთა 2:17).

რაკი თვითონ ეტანჯე და გამოიცადა, განსაცდელში მყოფთა დახმარებაც ძალგის (ებრაელთა 2:18).

როგორც ჩემი ზეციერი მღვდელმთავარი, დამეხმარე, რომ ყურადღება გავამახვილო შენზე და შენგან მივიღო ის ძალა, რაც დღეს მჭირდება (ებრაელთა 12:2).

მეფსალმუნე ამბობს: „ვინაიდან იცის ჩვენი აგებულება, ახსოვს, რომ მტვრისგან ვართ“ (ფსალმუნის 102:14).

შენ პირადად მიცნობ და თანამიგრძნობ ჩემს სისუსტეებში. შენც იგივე პრობლემებს და ცდუნებებს აწყდებოდი, რომლებიც დღეს მე მხვდება. შენ მითხარი, რომ ჩემთან ხარ, რომ დამეხმარო და შემაძლებინო, არ ჩავდინო განზრახ ცოდვა (ებრაელთა 4:14-15).

მადლობას გიხდის რომ გიყვარვარ. მანუგეშებს იმის ცოდნა, რომ შენ „ძალგის სრულად გადაარჩინო ყველა, ვინც შენი შუამდგომლობით მიეახლება ღმერთს, ვინაიდან მარად ცოცხალი ხარ, რათა უშუამდგომლო მათ“ (ებრაელთა 7:24-25; რომაელთა 8:34).

უზრუნველჰყავი, რომ იმ ხალხმა, ვისთანაც დღეს შეხება მექნება, გაიგონ, რომ მიყვარხარ, უფალო იესო,, შენი მცნებების მორჩილებიდან გამომდინარე" (იოანეს 14:31).

შენ თქვი: „თუ მე გიყვარვართ, დაიცავთ ჩემს მცნებებს“ (იოანეს 14:15).

სულიწმიდა - ღმერთის თაყვანისცემა

კურთხეულო სულოწმიდა, გმადლობ, რომ ჩემში ცხოვრობ (რომაელთა 8:11).

გამაძლიერე ჩემი შინაგანი არსებით, რომ ქრისტეს ჰქონდეს ჩემს ცხოვრებაში მიმართულების არჩევის სრული უფლება (ეფესელთა 3:16-17).

მე გაძლევ სრულ კონტროლს ჩემს აზრებზე, დამოკიდებულებებსა და მოქმედებებზე. მომეცი შესაძლებლობა ვიარო სულში ამ დღეს (გალატელთა 5:16).

მადლობას გიხდის ქრისტეს სიყვარულში ფესვგადგმისა და დაფუძნებისთვის. მომმადლე, რომ განვიცადო რას ნიშნავს იცოდე ქრისტეს სიყვარულის სიმაღლე და სიღრმე, სიგრძე და სიგანე და ავივსო ღმერთის სრული სისავსით (ეფესელთა 3:17,19).

„რომელი ხარ ცათა შინა“ - ღვთის სამეფო

[ზეცა არის ადგილი, სადაც არის ღვთის ტახტი. ამასთან, არ უნდა ვიფიქროთ, რომ ღმერთის თანდასწრება ზეცით შემოიფარგლება. ის ყველგანმყოფელია „ყველგან იმყოფება“ (ფსალმუნის 138:7-12). თუმცა ამბობენ, რომ ზოგგან ღმერთის თანდასწრება უფრო მეტია, ვიდრე სხვაგან. ის ფაქტი, რომ ღმერთი „ზეცაშია“ ნიშნავს, რომ ის არ შემოიფარგლება მხოლოდ მიწიერი რესურსებით. ის უზენაესია და აქვს შეუზღუდავი რესურსი. გარდა ამისა, „ზეცა“ საუბრობს სრულყოფილებაზე და მახსენებს, რომ ღმერთი არის მამობის სრულყოფილება.]

ზეციერო მამა, მე ვუერთდები მეფსალმუნეს და ვაცხადებ: „ჩემი ღმერთი ხარ შენ და გადიდებ; ღმერთო ჩემო, აგამაღლებ შენ“ (ფსალმუნის 117:28).

„რადგან, შენ უფალო, უზენაესი ხარ მთელ ქვეყნიერებაზე, ფრიად აღზევებული ყველა ღმერთზე“ (ფსალმუნის 96:9).

შენ ზიხარ ზეციურ ტახტზე (ფსალმუნის 122:1). ზურმუხტისფერი ცისარტყელა აკრავს შენს ტახტს (გამოცხადების 4:3). ცისარტყელა მახსენებს, რომ შენ ყოველთვის ერთგული ხარ დანაპირების შესრულებაში.

შენი ტახტიდან გამოდიან ელვანი, ქუხილნი და ხმანი. შენი ტახტის წინ შვიდი ცეცხლოვანი ლამპარი ანთია, რომლებიც შვიდი სულია ღვთისა (გამოცხადების 4:5).

შენ ხარ მეფეთა მეფე და უფალი უზენაესი (გამოცხადების 17:14).

გპირდები, რომ ვიქნები შენი ერთგული და მსურს შენი მადლით ვიყო შენი ერთგული და მორჩილი. შენ ჩემი მეფე ხარ.

„წმიდა იყოს სახელი შენი“ - ღმერთის რეპუტაცია

[თვით ღმერთის ბუნება (ყველაფერი, რაც ღმერთია და რასაც ის აკეთებს) არის წმიდა. როდესაც ჩვენ ვაცხადებთ, რომ ქრისტიანები ვართ, ჩვენ ვაცხადებთ მასთან ურთიერთობის შესახებ, იესო ქრისტეს მეშვეობით. ვინაიდან ღმერთი არის წმიდა, ჩვენც უნდა ვიყოთ წმიდა, ჩვენს ყველა ურთიერთობასა და ქმედებაში (1 პეტრეს 1:15,16). ჩვენ გავლენას ვახდენთ იმაზე, თუ რას ფიქრობენ სხვები მასზე. მისი რეპუტაცია ჩვენს ხელშია.]

მამა, შენ თქვი: „სიბრძნის საწყისი უფლის შიშია და წმიდის შემეცნება - გონიერება“ (იგავების 9:10).

შენ წმიდა ხარ ყველაფერში, რასაც აკეთებ. შენ მართალი ხარ ყველა შენს გზაზე და მოწყალე ყველა შენს საქმეში. (ფსალმუნის 144:17)

ჩემი გული შენით ხარობს, რადგან შენს წმიდა სახელს ვენდობი (ფსალმუნის 32:21).

დაე, ხალხმა დაინახოს ჩემი სიწმიდე - ქრისტეს მსგავსი დამოკიდებულება და მოქმედება ბრწყინავდეს ჩემს ცხოვრებაში, რადგან მიბრძანე: „იყავით წმიდები ყოველ საქციელში, როგორც წმიდაა იგი, ვინც თქვენ მოგიწოდათ” (1 პეტრეს 1:15).

მამა, დამეხმარე ვიცხოვრო ისე, რომ არ დავამცირო შენი სიწმიდე. შენი რეპუტაცია ჩემს ხელშია, რადგან მე განვაცხადე, რომ ვარ ქრისტიანი. დამიცავი, რომ არ დავგმო შენი წმიდა სახელი იმით, რასაც ვაკეთებ ან ვამბობ (რომაელთ 2:14). წარმმართე კეთილი საქმეების გზებზე, რომლებიც განგადიდებენ შენ კაცთა წინაშე (1 პეტრეს 2:12).

შუამდგომლობა

„მოვიდეს სუფევა შენი“ - ღმერთის მეფობა

[ღმერთის გეგმა მარადისობიდან იყო სიმართლისა და სიწმინდის სამეფოს დამკვიდრება დედამიწაზე (მათეს 25:34). ღვთის სამეფოს დამყარება ხდება ორ ეტაპად. პირველი ფაზა არის სულიერი. ღმერთი მმართველობს თავისი ხალხის გულებსა და ცხოვრებაში (კოლასელთა 1:13). როდესაც ჩვენ ვლოცულობთ „მოვიდეს სუფევა შენი“, ჩვენ ვლოცულობთ, რომ ადამიანები გადარჩნენ და გახდნენ ღვთის სამეფოს მოქალაქეები (მათეს 9:35). სამეფოს მოსვლის მეორე ეტაპი ფიზიკურია. როდესაც იესო მეორედ მოვა, ის გააუქმებს დედამიწის ყველა მთავრობას და დამკვიდრდება, როგორც მთელი მსოფლიოს მეფე (დანიელის 2:44-45). როდესაც ჩვენ ვლოცულობთ, რომ „მოვიდეს სუფევა შენი“, ამ გაგებით, ჩვენ მოუთმენლად ველოდებით იესოს მეორედ მოსვლას (გამოცხადების 22:20).]

ზეციერო მამა, შენ შვიდგზის მეფე ხარ. (1) შენ ხარ ებრაელთა მეფე - რასობრივი მეფე (მათეს 2:2); (2) შენ ხარ ისრაელის მეფე - ეროვნული მეფე (იოანეს 1:49); (3) შენ ხარ სიმართლის მეფე - სულიერი მეფე (იერემიას 23:5); (4) შენ ხარ საუკუნეთა მეფე - მარადიული მეფე (1 ტიმოთეს 1:17); (5) შენ ხარ ცათა მეფე - ზეციური მეფე (დანიელის 4:37); (6) შენ ხარ დიდების მეფე - დიდებული მეფე (ფსალმუნის 23:10); (7) შენ ხარ მეფეთა მეფე და უფალთ უფალი - უზენაესი მეფე (გამოცხადების 17:14).

შენ მუდმივად ძლიერი ხარ, მარადის ურყევი და მიუკერძოებლად მოწყალე. შენ ხარ ხსნის კარიბჭე, მშვიდობის გზა, სიმართლის გზა, სიწმინდის გზა და დიდების კარიბჭე.²

შენი სამეფო არის სულიერი სამეფო კაცთა და ქალთა გულებში, რომლებიც ზეციდან იშვნენ. დაე, შენი სამეფო გავრცელდეს, რადგან უფრო და უფრო მეტმა ხალხმა მიგიღოს, როგორც მათი უფალი და მხსნელი.

² Adapted from a prayer by S. M. Lockridge

აკურთხე, გააძლიერე და გაამხნევე ყველა მისიონერი, რომლებიც შენთვის შრომობენ მთელ მსოფლიოში.

შენ თქვი: „აახილეთ თვალები და შეხედეთ ყანებს, როგორ გადათეთრებულან სამკალად“ (იოანეს 4:35). სამკალის უფალო, აღზარდე და გამოაგზავნე მშრომელები სამკალში. დამეხმარე მზად ვიყო იესოს შესახებ კეთილი უწყების გასაზიარებლად ყველა იმ ადამიანისთვის, ვისაც შევხვდები.

შენ თქვი: „მომიხმე და გიპასუხებ, და გაუწყებ დიდსა და მიუწვდომელს, რაც არ იცი შენ“ (იერემიას 33:3).

„ნუთუ აღარ დაგვიბრუნებ სიცოცხლეს, რათა შენში გაიხაროს შენმა ხალხმა?“ (ფსალმუნის 84:6)

[ლოცვა იმ ადამიანებისთვის, რომლებიც ჯერ არ არიან გადარჩენილნი.]

მე ვლოცულობ მათთვის, ... (დაასახელე ისინი, ვინც არ არიან გადარჩენილნი) ... რომ გადარჩნენ.

მამა, მიიზიდე ისინი იესოსკენ (იოანეს 6:44). მიანიჭე მათ მონანიების გული. შექმენი მათში შენდამი შიმშილი და წყურვილი.

ღმერთო, სანამ ისინი ცოდვაში ბედნიერები არიან, ისინი ვერ გრძნობენ შენს საჭიროებას. ამიტომ, ცოდვის სიამოვნება მტვრად და ნაცრად გადააქციე მათ პირში. შემოსაზღვრე ისინი შენი ნებით და შენს გზაზე (ოსიას 2:8,9).

გთხოვ, მათ ცხოვრებაში მოიყვანო სწორი ადამიანები, რომლებიც მათ დაეხმარებიან გაიგონ, თუ როგორ უნდა მიიღონ ხსნა.

შეკარი ბნელეთის ძალები, რომლებიც მათ ტყვეობაში ამყოფებენ (მათეს 12:28-29) და აუხილე მათ თვალები, რათა დაინახონ საჭიროება შენში (საქმეების 26:18).

დაე, მალე მოვიდეს მათი ხსნის დღე.

„იყოს ნება შენი, ვითარცა ცათა შინა, ეგრეცა ქვეყანასა ზედა“ – ღმერთის მმართველობა_

[ეს სათხოვარი გვასწავლის, რომ ვიზრუნოთ ღვთის ნების შესრულებაზე ჩვენს ცხოვრებაში უფრო მეტად, ვიდრე ჩვენი გეგმებისა და სურვილების შესრულებაზე. თუ ჩვენი სურვილები არ შეესაბამება მის ნებას, ღმერთს უნდა ვთხოვოთ შეცვალოს ჩვენი სურვილები. მისი ნება ჩვენს მიერ უნდა შესრულდეს, როგორც ამას ანგელოზები აკეთებენ ზეცაში - მონდომებით და სიხარულით. ჩვენ უნდა დავემორჩილოთ მისი სიტყვის ავტორიტეტს.]

ზეციერო მამა, დამეხმარე უფრო მეტად მსურდეს, რომ შენი ნება აღსრულდეს, ვიდრე ჩემი ნება, ჩემი გეგმები და ჩემი სურვილები.

შენ ხარ მექოთნე, მე ვარ თიხა. მე შენი ხელის ნაკეთობა ვარ (ესაიას 64:8). დამეხმარე, რომ მორჩილი თიხა ვიყო და დამეხმარე მექოთნის მორგვზე დარჩენაში, როცა მაყალიბებ და ფორმას მიქმნი.

ზოგჯერ ფორმირება მტკივნეულია და ზოგიერთი ცვლილებაც, რომლის შეტანაც გსურს ჩემს ცხოვრებაში, შეიძლება იყოს მტკივნეული. ამის მიუხედავად, მთელი გულით მსურს ვიყო საპატიო ჭურჭელი, განწმენდილი და მორგებული ხელმწიფისთვის გამოსაყენებლად (2 ტიმოთეს 2:20-22).

დამეხმარე, რომ გენდო, უკან არ დავიხიო და არ გავექცე შენს მოსიყვარულე ხელებს (ებრაელთა 10:38-39).

[**დაიმახსოვრეთ:** ერთ – ერთი მიზეზი, რის გამოც იესო გვასწავლის ასე ლოცვას - ჩვენი ლოცვის დროის 1/3-ის დათმობას მის მამობაზე, მის ზეციურ პოზიციაზე, მის წმიდა სახელზე, მის სამეფოზე და მის ნებაზე - არის ჩვენი ეგოცენტრიზმისგან თავის დაღწევა ჩვენი პრობლემებით და საჭიროებებით.]

ვედრება

„პური ჩვენი არსობისა მოგვეც ჩვენ დღეს“ – ჩვენი რესურსები

[ღმერთს აქვს შეუზღუდავი რესურსი. ისინი ხელმისაწვდომია ჩვენთვის. სთხოვეთ დააკმაყოფილოს თქვენი ფიზიკური, ფინანსური, ემოციური და გონებრივი მოთხოვნილებები.]

ძვირფასო მამა, შენ თქვი, რომ თუ მე პირველ რიგში მოვძებნი შენს სამეფოს და შენს სიმაღლეს - თუ მე პირველ ადგილზე დაგაყენებ ჩემს ცხოვრებაში - შენ აღავსებ ჩემს ყველა მატერიალურ საჭიროებას (მათეს 6:33).

შენ თქვი: „ნუ ზრუნავთ ხვალინდელ დღეზე, რადგან ხვალინდელი დღე თავად იზრუნებს თავის თავზე. ეყოფა თითოეულ დღეს თავისი საზრუნავი“ (მათეს 6:34).

შენ მიკრძალავ წუწუნს, ბუზღუნს და დრტვინვას (1 კორინთელთა 10:10).

გთხოვ, მაპატიე, რომ მუდამ ვწუწუნებ და ვდრტვინავ ჩემი გარემოებების გამო.

თუ ხალხი უსამართლოდ მექცევა, დამეხმარე, რომ ამის მიღმა შენ დაგინახო და ვიცოდე, რომ შენ დაუშვი ეს ჩემს ცხოვრებაში, რათა უფრო მეტად დავემსგავსო ქრისტეს (რომაელთა 8:28,29).

მაპატიე მატერიალური და ფიზიკური პრობლემების გამო შფოთვა და წუხილი. შენ თქვი, „არაფერზე არ უნდა ვიდარდო, არამედ ყოველგვარ ღოცვასა და ვედრებაში მადლიერებით გაუწყო ჩემი სურვილი ღმერთო“. როდესაც ამას ვასრულებ, შენ დამპირდი, რომ „ღვთის მშვიდობა, რომელიც ყოველგვარ გონებას აღემატება, დაიცავს ჩემს გულსა და ჩემს ფიქრებს ქრისტე იესოში“ (ფილიპელთა 4:6-7).

შენ დაგვპირდი, რომ „ყოველ თქვენს საჭიროებას აღავსებს თავისი სიუხვისამებრ, ქრისტე იესოში დიდებით“ (ფილიპელთა 4:19).

მადლობა! დამეხმარე დავიჯერო ეს დაპირება და ვენდო მას.

მე ვლოცულობ ამისთვის ... (რაც გჭირდებათ, რაც ღვთის ნებაა თქვენი ცხოვრებისთვის).

დამეხმარე, რომ მახსოვდეს და მადლიერი ვიყო ყველაფრისთვის, რაც შენ გააკეთე!

მე ვლოცულობ... (ადამიანებზე, რომლებიც გაჭირვებულები არიან მთელს მსოფლიოში).

მე ვლოცულობ მათთვის, ვინც თანამდებობებს იკავებს ადგილობრივ, საკანონმდებლო და აღმასრულებელ ხელისუფლებაში. მე ვლოცულობ, რომ მათ შენი სიტყვის პრინციპებით იხელმძღვანელონ. დაუშვი, რომ ისინი პატივს მოგაგებდნენ და სამართლიანობა სუფევდეს. გთხოვ, ჩაშალე ბოროტის მიზნები და გეგმები და შენი ნება აღსრულდეს. გვიწყალობე, რომ „მშვიდად და წყნარად ვიცხოვროთ სრულ ღვთისმოსაობასა და პატიოსნებაში“ (1 ტიმოთეს 2:2).

აღსარება / შერიგება

„და მოგვიტევე ჩვენ თანანადებნი ჩვენნი, ვითარცა ჩვენ მიფუტევებთ თანამდებთა ჩვენთა“ - შერიგება

[აღსარება თვითდამდაბლების აქტია. ეს არის ღვთის მადლისა და დახმარების საჭიროების აღიარება. სწორად შეთავაზებული აღსარება გამოხატავს სულიერად გაუმჯობესების სურვილს. აღსარება არის ღვთის თვალსაზრისი და დამოკიდებულება იმის მიმართ, რაც არასწორია ან საჭიროებს შეცვლას თქვენს ცხოვრებაში. აღსარება იღებს პირად პასუხისმგებლობას თქვენს არჩევანზე და დამოკიდებულებაზე, იმისდა მიუხედავად, თუ როგორ გექცევიან სხვები.]

გამოიძიე ჩემი გული, ღმერთო, რადგან შენ თქვი: „იყავით გამოსადეგნი ერთმანეთისთვის, თანაუგრძნეთ და მიუტევეთ ერთმანეთს, როგორც თქვენ მოგიტევათ ქრისტეში ღმერთმა“ (ეფესელთა 4:32).

მადლობა, მამა, რომ მიმიზიდე იესოსთან! (იოანეს 6:44). მადლობა, რომ დამიხსენი და შენს ოჯახში მიმიღე. მადლობა, რომ ჩემში სუფთა გული შექმენი (ფსალმუნის 50:10).

მადლობას გიხდი, რომ შენ „შეუნდობ ბრალს, ურჯულოებას და ცოდვას“ (გამოსვლის 34:7).

არის ვინმე, ვისაც უნდა ვთხოვო, რომ მაპატიოს, რადგან ვერ ვიყავი ისეთი კეთილი ან გულთბილი ან მპატიებელი, როგორც შენ გინდოდა, რომ მათ მიმართ ვყოფილიყავი?

მამა, დამეხმარე, რომ არ ვიწუწუნო შენი სასჯელის გამო. შენ თქვი: „ნეტარია კაცი, რომელსაც წვრთნი უფალო, და ასწავლი შენს რჯულს“ (ფსალმუნის 93:12).

დაე ვისწავლო, რომ შემეძლოს მეფსალმუნე დავითთან ერთად ვთქვა: „კარგია ჩემთვის, რომ ვეტანჯე, რათა ვისწავლო შენი წესები“ (ფსალმუნის 118:71).

„ვიცი უფალო, რომ სამართლიანია შენი განკითხვა, სამართლიანად დავისაჯე“ (ფსალმუნის 118:75)

მამა, შენ მოითხოვ, რომ წმიდა სინდისი მოვიპოვო და შევინარჩუნო. პავლემ თქვა: „ამიტომ ვცდილობ ყოველთვის, ყველაფერში უმწიკვლო სინდისით ვიყო ღვთისა და კაცთა წინაშე“ (საქმეების 24:16).

დამეხმარე დღეს, შევინარჩუნო სინდისი წმიდად. წმიდა სინდისი უზრუნველყოფს შენს მიმართ ნდობას.

შენ მითხარი, რომ მე „მოგიახლოვდე შენ მართალი გულით და სრული რწმენით, ბოროტი სინდისისგან სხურებით გულგაწმედილი და სუფთა წყლით სხეულგანბანილი“ (ებრაელთა 10:22).

სულიერი ბრძოლა

„და ნუ შეგვიყვან ჩვენ განსაცდელში, არამედ გვიხსენ ჩვენ ბოროტისაგან“ – ჩვენი დაცვა

მამა, შენი სიტყვა აცხადებს, რომ იესო მოვიდა, რათა გავეთავისუფლებინე ეგოცენტრიზმისგან, აკვიატებებისგან, იძულებისაგან და ნებისმიერი სხვა რამისგან, რაც ხელს შეუშლის სრულად ქრისტეს მსგავსებას (1 იოანეს 3:8).

შენი მადლით გარდამქმენი იმ უნიკალურ პიროვნებად, რადაც განმისაზღვრე, რომ ვყოფილიყავი.

იესოს სახელით ვითხოვ, შენს ღვთიურ ჩარევას ჩემს ცხოვრებაში, ისე რომ, შემეძლოს გავეთავისუფლდე ყველაფრისგან, რაც ხელს შეუშლის ჩემს ცხოვრებაში შენი ნების აღსრულებას.

მომადღლე დღეს მამა, რომ შემეძლოს სულიერად ძლიერი ვიყო შენში. შენ თქვი: „გამაგრდით უფლით და მისი ძალის სიმტკიცით“ (ეფესელთა 6:10).

დამეხმარე მახსოვდეს, რომ ჩემი ბრძოლა არ არის სისხლისა და ხორცის (ხალხის) წინააღმდეგ, „არამედ მთავრობათა წინააღმდეგ, ხელმწიფებათა წინააღმდეგ, ამ სიბნელის სამყაროს მპყრობელთა წინააღმდეგ, ცისქვეშეთის ბოროტების სულთა წინააღმდეგ“ (ეფესელთა 6:12).

დამეხმარე მამა, რომ დღეს ღვთის სრული საჭურველით შევიმოსო, რათა შევძლო წინააღმდეგობა ბოროტ დღეს და გავუძლო ამას სულიერად“ (ეფესელთა 6:13).

შენ თქვი: „იდექით ჭეშმარიტებით წელშემოსარტყლულნი“ (ეფესელთა 6:14ა). დამეხმარე, რომ ჩემს ყველა ურთიერთობაში ვიყო წრფელი.

შენ თქვი, „სიმათლის ჯავშნით შეიმოსეთ“ (ეფესელთა 6:14ბ). დამეხმარე, რომ მართალი და წმინდა ვიყო ყველაფერში, რასაც ვაკეთებ.

შენ თქვი, რომ ვიყო ფეხშემოსილი მზადყოფნაში მშვიდობის სახარებლად (ეფესელთა 6:15). დამეხმარე, მტკიცედ ვიდგე შენს ჭეშმარიტებაში და გამოვიყენო ყველა შესაძლებლობა იესოს სახარება გავუხიარო სხვებს.

შენ თქვი: „აიღეთ რწმენის ფარი, რომლითაც შეძლებთ ბოროტის გავარვარებული ისრების ჩაქრობას“ (ეფესელთა 6:16). დღეს, როდესაც ცდუნება მოვა ჩემს ცხოვრებაში, დაე ჩემი რწმენა არ შეირყეს.

მე ხსნის მუზარადი უნდა დავიხურო (ეფესელთა 6:17). დაე, ყველა ჩემი აზრი იქნას დატყვევებული იესო ქრისტეს დასამორჩილებლად (2 კორინთელთა 10:5).

მე უნდა ვისწავლო როგორ გამოვიყენო სულის მახვილი, რომელიც არის ღვთის სიტყვა (ეფესელთა 6:17). დამეხმარე, რომ გულში დავიუნჯო შენი სიტყვები, რათა არ შეგცოდო (ფსალმუნის 118:11).

ქება-დიდება და მადლიერება

„რადგან შენია მეფობა, ძალი და დიდება საუკუნეთა მიმართ“ - დაასრულეთ ქება-დიდებით.

[ყურადღება გაამახვილეთ ღმერთის პოზიციაზე, მის ძალაზე, სიდიადეზე და დიდებაზე. გაამხნევეთ თქვენი გული ქება-დიდებით.]

გაქებ უფალო, რადგან შენ ხარ „მარადიულ ღმერთი, უფალი, ქვეყნის კიდეების დამფუძნებელი“ (ესაიას 40:28).

შენ არასოდეს დაიღლები და მოიქნაცები. არც ჩატვლემს და არც დაიძინებ (ფსალმუნის 120:4).

გამოუკვლეველია შენი გონება. შენ დაქანცულს ძალას აძლევ და უძლურს ძლიერებას ჰმატებ (ესაიას 40:29).

„უფლის მომლოდინენი კი ძალას განიახლებენ, არწივივით გაშლიან ფრთებს, გაიქცევიან და არ დაიღლებიან, ივლიან და არ დაიქანცებიან” (ესაიას 40:31).

შენ თქვი: „ნუ გეშინია, რადგან შენთან ვარ, ნუ ფრთხი, რადგან შენი ღმერთი ვარ; განგამტკიცებ, შეგეწევი და მხარს დაგიჭერ ჩემი სამართლის მარჯვენით” (ესაიას 41:10).

შენ თქვი: „ვერ წაგლეკავენ წყლები და მდინარეები, როდესაც მათში გაივლით, რადგან მე ვიქნები თქვენთან. ვერც ცეცხლი დაგწვავთ, როცა მასში გაივლით, ალი ვერ მოგწვდებათ. ვინაიდან მე ვარ უფალი, თქვენი ღმერთი, ისრაელის წმიდა და თქვენი მხსნელი” (ესაიას 43:2-3).

„და აჰა, რა გაბედულება გვაქვს მის მიმართ, რომ როცა რამეს ვთხოვთ მისი ნებისამებრ, იგი გვისმენს. და როცა ვიცით, რომ გვისმენს იგი, რასაც კი ვთხოვთ, ვიცით, რომ გვაქვს, რაც ვთხოვთ მისგან.” (1 იოანეს 5:14,15)

იესოს სახელით ვლოცულობ ამისთვის, ამინ

ოთხშაბათი

ღვთისმსახურება / თაყვანისცემა

„მამაო ჩვენო“ - ჩვენი ურთიერთობა ღმერთთან

[წოდება „მამა“ გულისხმობს მინიმუმ ორ იდეას: (1) სამება - მამა, ძე და სულიწმინდა. ღოცვის მეშვეობით შევდივართ სამების ცხოვრებაში და ურთიერთობაში; და (2) ჩვენი შვილობა ღმერთის ოჯახში.]

მამა - ღმერთის თაყვანისცემა

ძვირფასო ზეციერო მამა:

თაყვანს გცემ შენ, რადგან კეთილი ხარ. „რადგან დიადია ჩემს მიმართ შენი წყალობა და ჭეშმარიტება უფლისა უკუნისამდე“ (ფსალმუნის 116:2).

მე ვუერთდები მეფსალმუნეს, რომელიც ამბობს: „ცოცხალია უფალი! დიდებულია სიმაგრე ჩემი! ამაღლდეს - ჩემი ხსნის ღმერთი“ (ფსალმუნის 17:46).

„მზის ამოსვლიდან მის ჩასვლამდე ქებული იყოს უფლის სახელი“ (ფსალმუნის 112:3).

„განვადიდებ უფალს ყოველჟამს, გამუდმებით იქნება მისი ქება ჩემს ბაგეებზე“ (ფსალმუნის 33:1).

შენ განდიდდები, თუ მე ბევრ ნაყოფს გამოვიღებ (იოანეს 15:8).

მომმადლე სურვილი და ძალა (შენი მადლი), რომ პატივი მოგაგო დღეს ჩემს ცხოვრებაში.

ძე - ღმერთის თაყვანისცემა

თაყვანს გცემ შენ იესო, იმისთვის, ვინც ხარ და მადლობას გიხდი იმისთვის, რასაც ყოველდღე ჩემთვის აკეთებ.

მე ვუერთდები ანგელოზებს და მთავარანგელოზებს და ვუცხადებ: „ღირსია დაკლული კრავი ძალისა და სიმდიდრის, სიბრძნისა და სიმტკიცის, დიდების, პატივისა და კურთხევის მიღებისა“ (გამოცხადების 5:12).

„ამიტომ ღმერთმაც აღამაღლა იგი და მიანიჭა მას ყველა სახელზე უზენაესი სახელი. რათა იესოს სახელის წინაშე მუხლი მოიდრიკოს ყოველმა ზეციერმა, მიწიერმა და მიწისქვეშეთისამ; და ყოველმა ენამ აღიაროს, რომ იესო ქრისტე არის უფალი, მამა ღმერთის სადიდებლად“ (ფილიპელთა 2:9-11).

მადლობას გიხდით, რომ მაპატიე ჩემი ცოდვები. პავლემ თქვა: „მაშასადამე, რაკი რწმენით გავმართლდით, მშვიდობა გვაქვს ღმერთთან ჩვენი უფლის იესო ქრისტეს მეშვეობით, რომელშიც რწმენით მოვიპოვეთ მისადგომი იმ მადლთან, რაშიც ვდგავართ და ვიქადით ღვთის დიდების იმედით. და არა მარტო ამით, არამედ ჭირითაც ვიქადით, რადგან ვიცით, რომ ჭირი ქმნის მოთმინებას, მოთმინება - გამოცდილებას, გამოცდილება კი იმედს, ხოლო იმედი არ არის შემარცხვენელი, ვინაიდან ღვთის სიყვარული ჩაგვეღვარა გულებში, სულიწმიდის მიერ, რომელიც მოგვეცა ჩვენ” (რომაელთა 5:1-5).

გთხოვ დამეხმარო, რომ „მოვიქცე შენს ღირსად და ყველაფერში გასიამოვნო ყოველ კეთილ საქმეში ნაყოფის მოტანით და ღვთის შემეცნებაში ზრდით” (კოლასელთა 1:10).

სულიწმიდა - ღმერთის თაყვანისცემა

მასწავლე რას ნიშნავს ლოცვა „სულში” (იუდას 1:20).

მე მსურს და ვაპირებ დღეს მივყვე შენს მითითებებს და მმართველობას.

მომეცი ყური სასმენად, რათა მოვისმინო, რისი თქმაც გინდა ჩემთვის.

სულიერად გახსენი ჩემი ყურები და ამიხილე თვალები და მომმადლე, რომ არ ვიყო ურჩი და არ დავიხიო უკან შენი ნების შესრულებაში (ესაიას 50:4, 5; ეფესელთა 1:18).

„რომელი ხარ ცათა შინა“ - ღვთის სამეფო

[ზეცა არის ადგილი, სადაც არის ღვთის ტახტი. ამასთან, არ უნდა ვიფიქროთ, რომ ღმერთის თანდასწრება ზეცით შემოიფარგლება. ის ყველგანმყოფელია „ყველგან იმყოფება“ (ფსალმუნის 138:7-12). თუმცა ამბობენ, რომ ზოგჯერ ღმერთის თანდასწრება უფრო მეტია, ვიდრე სხვაგან. ის ფაქტი, რომ ღმერთი „ზეცაშია“ ნიშნავს, რომ ის არ შემოიფარგლება მხოლოდ მიწიერი რესურსებით. ის უზენაესია და აქვს შეუზღუდავი რესურსი. გარდა ამისა, „ზეცა“ საუბრობს სრულყოფილებაზე და მახსენებს, რომ ღმერთი არის მამობის სრულყოფილება.]

„თავის წმიდა ტაძარშია უფალი და ზეცაშია ტახტი მისი; თავისი თვალთ უმზერს ადამის შვილებს და ქუთუთოებით ამოწმებს” (ფსალმუნის 10:4).

„როცა შენს ზეცას ვუმზერ - შენი თითების ნამოქმედარს, მთვარესა და ვარსკვლავებს, რომლებიც დააფუძნე, რა არის კაცი, რომ გახსოვს იგი ან - ადამიანის ძე, რომ ზრუნავ მასზე?” (ფსალმუნის 8:3, 4).

შენ შექმენი ყველა ვარსკვლავი და თითოეულს სახელი დაარქვი (ესაიას 40:26).

მიუხედავად იმისა, რომ შენ ეს ყველაფერი მოიმოქმედე, შენ ეძებ სიახლოვეს ჩემთან და მამლევ ღირსებას და ბედს იესო ქრისტეს მეშვეობით.

მადლობას გიხდის და თაყვანს გცემ შენი უზენაესი მმართველობისა და შენი დიდი სიყვარულისთვის.

„წმიდა იესო სახელი შენი“ - ღმერთის რეპუტაცია

[თვით ღმერთის ბუნება (ყველაფერი, რაც ღმერთია და რასაც ის აკეთებს) არის წმიდა. როდესაც ჩვენ ვაცხადებთ, რომ ქრისტიანები ვართ, ჩვენ ვაცხადებთ მასთან ურთიერთობის შესახებ, იესო ქრისტეს მეშვეობით. ვინაიდან ღმერთი არის წმიდა, ჩვენც უნდა ვიყოთ წმიდა, ჩვენს ყველა ურთიერთობასა და ქმედებაში (1 პეტრეს 1:15,16). ჩვენ გავლენას ვახდენთ იმაზე, თუ რას ფიქრობენ სხვები მასზე. მისი რეპუტაცია ჩვენს ხელშია.]

შენ თქვი: „აღამაღლეთ უფალი, ღმერთი ჩვენი და თაყვანი ეცით მის ფერხთა საყრდენს - წმიდა იგი“ (ფსალმუნის 98:5).

მამა, დამეხმარე, რომ გავიგო, როგორ აგამაღლო შენ ჩემს ცხოვრებაში, ჩემს დამოკიდებულებებში და ჩემს სიტყვებში.

შენ გვიბრძანე: „უძღვენიტ უფალს მისი სახელის დიდება; თაყვანი ეცით უფალს წმიდა ბრწყინვალეობით“ (ფსალმუნის 28:2).

შენ თქვი: „უგალობეთ უფალს, მისო წმიდებო, ადიდეთ მისი წმინდა სახელი“ (ფსალმუნის 29:4).

შენი სიწმიდე დიდებულია (2 ნეშტა 20:21). დაე, ჩემს ცხოვრებაში დღეს არაფერმა დაამციროს შენი სიწმიდე.

შუამდგომლობა

„მოვიდეს სუფევა შენი“ - ღმერთის მეფობა

[ღმერთის გეგმა მარადისობიდან იყო სიმაღლისა და სიწმინდის სამეფოს დამკვიდრება დედამიწაზე (მათეს 25:34). ღვთის სამეფოს დამყარება ხდება ორ ეტაპად. პირველი ფაზა არის სულიერი. ღმერთი მმართველობს თავისი ხალხის გულებსა და ცხოვრებაში (კოლასელთა 1:13). როდესაც ჩვენ ვლოცულობთ „მოვიდეს სუფევა შენი“, ჩვენ ვლოცულობთ, რომ ადამიანები გადარჩნენ და გახდნენ ღვთის სამეფოს მოქალაქეები (მათეს 9:35). სამეფოს მოსვლის მეორე ეტაპი ფიზიკურია. როდესაც იესო მეორედ მოვა, ის გააუქმებს დედამიწის ყველა მთავრობას და დამკვიდრდება, როგორც მთელი მსოფლიოს მეფე (დანიელის 2:44-45).

როდესაც ჩვენ ვლოცულობთ, რომ „მოვიდეს სუფევა შენი“, ამ გაგებით, ჩვენ მოუთმენლად ველოდებით იესოს მეორედ მოსვლას. (გამოცხადების 22:20).]

დაე მახსოვდეს, რომ შენი სამეფო ამჟვენიური არ არის (იოანეს 18:36).

შენ თქვი: „ღვთის სამეფო საჰმელ-სასმელი კი არ არის, არამედ სიმართლე, მშვიდობა და სიხარული სულიწმიდაში“ (რომაელთა 14:17).

შენი სამეფო ამჟამად იმ კაცთა და ქალთა გულებშია, რომლებიც სულიერად ხელახლა იშვნენ.

როგორც ჩემი მეფე, მომეცი შესაძლებლობა, ნებაყოფლობით დავემორჩილო შენს ხელისუფლებას.

დაე შენი მეფობა ჩემს ცხოვრებაში ხილული იყოს, რადგან მე ყოველდღე ვცხოვრობ შენი უფლობის ქვეშ.

ერთგულებას გპირდები შენი და შენი მიზნებისადმი ჩემს ცხოვრებაში, ჩემი ოჯახის წევრებისა და ჩემი მეგობრების ცხოვრებაში.

დაე, შენი სამეფო გავრცელდეს, რადგან უფრო და უფრო მეტმა ხალხმა მიგიღოს, როგორც მათი უფალი და მხსნელი.

აკურთხე, განამტკიცე და გაამხნევე ყველა ქრისტიანი, რომლებიც მუშაობენ საერთო სამსახურებში, რომ ისინი გახდნენ იესოს სიყვარულისა და მშვიდობის მასხივებელი დამმოწმებლები.

შენ თქვი: „აახილეთ თვალები და შეხედეთ ყანებს, როგორ გადათეთრებულან სამკალად“ (იოანეს 4:35). წამოაყენე უფრო მეტი მუშაკი სამკალისთვის და მიანიჭე შრომის ნაყოფები.

შენ დაგვპირდი: „მომიხმე და გიპასუხებ, და გაუწყებ დიდსა და მიუწვდომელს, რაც არ იცი შენ“ (იერემიას 33:3).

„ნუთუ აღარ დაგვიბრუნებ სიცოცხლეს, რათა შენში გაიხაროს შენმა ხალხმა?“ (ფსალმუნის 85:6)

[ლოცვა იმ ადამიანებისთვის, რომლებიც ჯერ არ არიან გადარჩენილნი.]

მე ვლოცულობ მათთვის, ... (დაასახელე ისინი, ვინც არ არიან გადარჩენილნი) ... რომ გადარჩნენ.

მამა, მიიზიდე ისინი იესოსკენ (იოანეს 6:44). მიანიჭე მათ მონანიების გული. შექმენი მათში შენდამი შიმშილი და წყურვილი.

ღმერთო, სანამ ისინი ცოდვაში ბედნიერები არიან, ისინი ვერ გრძნობენ შენს საჭიროებას. ამიტომ, ცოდვის სიამოვნება მტვრად და ნაცრად გადააქციე მათ პირში. შემოსაზღვრე ისინი შენი ნებით და შენს გზაზე. (ოსიას 2:8,9)

გთხოვ, მათ ცხოვრებაში მოიყვანო სწორი ადამიანები, რომლებიც მათ დაეხმარებიან გაიგონ, თუ როგორ უნდა მიიღონ ხსნა.

შეკარი ბნელეთის ძალები, რომლებიც მათ ტყვეობაში ამყოფებენ (მათეს 12:28-29) და აუხილე მათ თვალები, რათა დაინახონ საჭიროება შენში (საქმეების 26:18).

დაე, მალე მოვიდეს მათი ხსნის დღე.

„იყოს ნება შენი, ვითარცა ცათა შინა, ეგრეცა ქვეყანასა ზედა“ – ღმერთის მმართველობა

[ეს სათხოვარი გვასწავლის, რომ ვიზრუნოთ ღვთის ნების შესრულებაზე ჩვენს ცხოვრებაში უფრო მეტად, ვიდრე ჩვენი გეგმებისა და სურვილების შესრულებაზე. თუ ჩვენი სურვილები არ შეესაბამება მის ნებას, ღმერთს უნდა ვთხოვოთ შეცვალოს ჩვენი სურვილები. მისი ნება ჩვენს მიერ უნდა შესრულდეს, როგორც ამას ანგელოზები აკეთებენ ზეცაში - მონდომებით და სიხარულით. ჩვენ უნდა დავემორჩილოთ მისი სიტყვის ავტორიტეტს.]

მამა, მიხარია, რომ გასურს „ავივსო შენი ნების შეცნობით, მთელი სიბრძნითა და სულიერი განსჯის უნარით“ (კოლასელთა 1:9).

შენი ნებაა, რომ ვიყო „მოწიფული და მტკიცედ დაჯერებული ღვთის სრულ ნებაში“ (კოლასელთა 4:12).

„მიწინამძღვრე, უფალო, შენს გზაზე დამაყენე და სწორ კვალზე გამიძეხი, ჩემი მტრების გამო“ (ფსალმუნის 27:11).

შენ დამპირდი, რომ თუკი ჩემი გზები შენთვის მოსაწონი იქნება, ჩემს მტრებსაც კი მოუწევთ ჩემთან შემორიგება (იგავების 16:7).

[დაიმახსოვრეთ: ერთ – ერთი მიზეზი, რის გამოც იესო გვასწავლის ასე ლოცვას - ჩვენი ლოცვის დროის 1/3-ის დათმობას მის წმიდა სახელზე, მის სამეფოზე და მის ნებაზე - არის ჩვენი ეგოცენტრიზმისგან თავის დაღწევა (ჩვენი პრობლემებით და საჭიროებებით).]

ვედრება

„პური ჩვენი არსობისა მოგვეც ჩვენ დღეს“ – ჩვენი რესურსები

[ღმერთს აქვს შეუზღუდავი რესურსები. ისინი ხელმისაწვდომია ჩვენთვის. სთხოვეთ დააკმაყოფილოს თქვენი ფიზიკური, ფინანსური, ემოციური და გონებრივი მოთხოვნილებები.]

მკირფასო მამა, შენ თქვი, რომ თუ მე პირველ რიგში მოვძებნი შენს სამეფოს და შენს სიმართლეს - თუ მე პირველ ადგილზე დაგაყენებ ჩემს ცხოვრებაში - შენ ალავსებ ჩემს ყველა მატერიალურ საჭიროებას (მათეს 6:33).

შენ თქვი: „ნუ ზრუნავთ ხვალინდელ დღეზე, რადგან ხვალინდელი დღე თავად იზრუნებს თავის თავზე. ეყოფა თითოეულ დღეს თავისი საზრუნავი“ (მათეს 6:34).

შენ მიკრძალავ წუწუნს, ბუზღუნს და დრტვინვას (1 კორინთელთა 10:10). დრტვინვის ნაცვლად, ყველა ჩემი პრობლემა უნდა მოგიტანო ლოცვაში.

მაპატიე მატერიალური და ფიზიკური პრობლემების გამო შფოთვა და წუხილი. შენ თქვი, „არაფერზე უნდა ვიდარდო, არამედ ყოველგვარ ლოცვასა და ვედრებაში მადლიერებით გაუწყო ჩემი სურვილი ღმერთო“. როდესაც ამას ვასრულებ, შენ დამპირდი, რომ „ღვთის მშვიდობა, რომელიც ყოველგვარ გონებას აღემატება, დაიცავს ჩემს გულსა და ჩემს ფიქრებს ქრისტე იესოში“ (ფილიპელთა 4:6-7).

გთხოვ, მაპატიე ჩემი წუწუნი და დრტვინვა ჩემი გარემოებების გამო. შენ ჩემთვის იმაზე უკეთესი იყავი, ვიდრე ვიმსახურებდი.

მე მომაქვს შენთან ჩემი დღევანდელი საჭიროებები. (დაასახელეთ ისინი).

დამეხმარე, რომ მახსოვდეს და მადლიერი ვიყო ყველაფრისთვის, რაც შენ გააკეთე!

მე ვლოცულობ... (აღამიანებზე, რომლებიც გაჭირვებულები არიან მთელს მსოფლიოში).

მე ვლოცულობ მათთვის, ვინც თანამდებობებს იკავებს ადგილობრივ, საკანონმდებლო და აღმასრულებელ ხელისუფლებაში. მე ვლოცულობ, რომ მათ შენი სიტყვის პრინციპებით იხელმძღვანელონ. დაუშვი, რომ ისინი პატივს მოგაგებდნენ და სამართლიანობა სუფევდეს. გთხოვ, ჩაშალე ბოროტის მიზნები და გეგმები და შენი ნება აღსრულდეს. გვიწყალობე, რომ „მშვიდად და წყნარად ვიცხოვროთ სრულ ღვთისმოსაობასა და პატიოსნებაში“ (1 ტიმოთეს 2:2).

აღსარება / შერიგება

„და მოგვიტევე ჩვენ თანანადებნი ჩვენნი, ვითარცა ჩვენ მიფუტევებთ თანამდებთა ჩვენთა“ - შერიგება

[აღსარება თვითდამდაბლების აქტია. ეს არის ღვთის მადლისა და დახმარების საჭიროების აღიარება. სწორად შეთავაზებული აღსარება გამოხატავს სულიერი გაუმჯობესების სურვილს. აღსარება არის ღვთის თვალსაზრისი და დამოკიდებულება იმის მიმართ, რაც არასწორია ან საჭიროებს შეცვლას თქვენს ცხოვრებაში. აღსარება იღებს პირად

პასუხისმგებლობას თქვენს არჩევანზე და დამოკიდებულებაზე, იმისდა მიუხედავად, თუ როგორ გექცევით სხვები.]

გამომიკვლიე უფალო და ნახე, ხომ არ არის რაიმე ცოდვა ჩემს ცხოვრებაში. (ფსალმუნის 138:23-24).

„ღმერთი არის სინათლე და არავითარი სიბნელე არ არის მასში“ (1 იოანეს 1:5). შენ თქვი: თუ ვამბობთ, რომ მოზიარება გვაქვს მასთან, მაგრამ სიბნელეში დავდივართ (ცოდვით ვმოქმედებთ), მაშინ ვტყუით და არ ვიქცევით ჭეშმარიტების მიხედვით. ხოლო თუ სინათლეში დავდივართ (ვაკეთებთ იმას, რაც ვიცით, რომ ღმერთს აამებს), როგორც ის (ღმერთი) არის სინათლეში, მაშინ მოზიარება გვაქვს ერთმანეთთან და მისი ძის, იესო ქრისტეს სისხლი გვწმენდს ყოველგვარი ცოდვისგან (1 იოანეს 1:6, 7).

„თუ ვაღიარებთ ჩვენს ცოდვებს, მაშინ ის, ერთგული და მართალი, მოგვითმევს ცოდვებს და გაგვწმენდს ყოველგვარი უმართლობისგან“ (1 იოანეს 1:9).

დამეხმარე იმ სინათლეში ვიარო, რაც შენ მომეცი. მომეცი მაღლი, რომ შენი ნება შევასრულო სიამოვნებით და ხალისით.

მამა, მე ვაღიარებ ჩემს საჭიროებას, რომ მექონდეს უფრო მეტი სურვილი, სითამამე და ეფექტურობა პირადი დამოწმებისა და სულების მოპოვების თვალსაზრისით.

მადლობას გიხდით, მამა „რადგან, კეთილი და მიმტევებელი ხარ შენ, უფალო, და დიდად მოწყალე ყველასთვის, ვინც შენ მოგიხმობს“ (ფსალმუნის 85:5).

მადლობას გიხდით, რომ მპატიობ ჩემს ცოდვებს.

სულიერი ბრძოლა

„და ნუ შეგვიყვან ჩვენ განსაცდელში, არამედ გვიხსენ ჩვენ ბოროტისაგან“ – ჩვენი დაცვა

შენ ბრძანე: „არამედ შეიმოსეთ უფალი ქრისტე და სხეულზე ზრუნვას გულისთქმად ნუ გაიხდით“ (რომაელთა 13:14).

მომეცი მაღლი, რომ თავი ავარიდო ცხოვრების იმ სფეროებს, სადაც მე სუსტი ვარ და შეიძლება გამოვიწვიო შენი უკმაყოფილება.

შენ თქვი: „გამაგრდით უფლით და მისი ძალის სიმტკიცით. შეიმოსეთ ღვთის სრული საჭურველი, რათა შეძლოთ წინააღმდეგეთ ეშმაკის მზაკვრობას. რადგან ჩვენი ბრძოლა არ არის სისხლისა და ხორცის წინააღმდეგ, არამედ მთავრობათა წინააღმდეგ, ხელმწიფებათა წინააღმდეგ, ამ სოფლის სიბნელის მპყრობელთა წინააღმდეგ, ცისქვეშეთის ბოროტების სულთა წინააღმდეგ“ (ეფესელთა 6:10-12).

შენ თქვი: „იდექით ჭეშმარიტებით წელშემოსარტყლულნი“ (ეფესელთა 6:14ა). დამეხმარე, რომ ჩემს ყველა ურთიერთობაში ვიყო წრფელი.

შენ თქვი, „სიმართლის ჯავშნით შეიმოსეთ“ (ეფესელთა 6:14ბ). დამეხმარე, რომ მართალი და წმინდა ვიყო ყველაფერში, რასაც ვაკეთებ.

შენ თქვი, რომ ვიყო ფეხშემოსილი მზადყოფნაში მშვიდობის სახარებლად (ეფესელთა 6:15). დამეხმარე, მტკიცედ ვიდგე შენს ჭეშმარიტებაში და გამოვიყენო ყველა შესაძლებლობა იესოს სახარება გავუზიარო სხვებს.

შენ თქვი: „აიღეთ რწმენის ფარი, რომლითაც შეძლებთ ბოროტის გავარვარებული ისრების ჩაქრობას“ (ეფესელთა 6:16). დღეს, როდესაც ცდუნება მოვა ჩემს ცხოვრებაში, დაე ჩემი რწმენა არ შეირყეს.

მე ხსნის მუზარადი უნდა დავიხურო (ეფესელთა 6:17ა). დაე, ყველა ჩემი აზრი იქნას დატყვევებული იესო ქრისტეს დასამორჩილებლად (2 კორინთელთა 10:5).

მე უნდა ვისწავლო როგორ გამოვიყენო სულის მახვილი, რომელიც არის ღვთის სიტყვა (ეფესელთა 6:17ბ).

ქება-დიდება და მადლიერება

„რადგან შენია მეფობა, ძალი და დიდება საუკუნეთა მიმართ“ - დაასრულეთ ქება-დიდებით.

[ყურადღება გაამახვილეთ ღმერთის პოზიციაზე, მის ძალაზე, სიდიადეზე და დიდებაზე. გაამხნევეთ თქვენი გული ქება-დიდებით.]

შენ, უფალო „შემოგწირავ სიმართლის შესაწირავებს და მოგენდობი“ (ფსალმუნის 4:5).

შენ თქვი: „გაიხაროს ყველამ, ვინც შენზეა მონდობილი, იმხიარულონ უკუნისამდე, რადგან შეიფარე ისინი“ (ფსალმუნის 5:11).

შენ თქვი: „გაიხარონ შენი სახელის მოყვარულებმა. რადგან შენ აკურთხებ მართალს, უფალო, და ისე მოსავ შენი წყალობით, როგორც ჯავშნით“ (ფსალმუნის 5:11-12).

მამა, მე ვირჩევ, ვიყო შენში ბედნიერი და გახარებული.

შენ თქვი: „ნუ გეშინია, რადგან შენთან ვარ, ნუ ფრთხი, რადგან შენი ღმერთი ვარ; განგამტკიცებ, შეგეწევი და მხარს დაგიჭერ ჩემი სამართლის მარჯვენით“ (ესაიას 41:10).

„და აჰა, რა გაბედულება გვაქვს მის მიმართ, რომ როცა რამეს ვთხოვთ მისი ნებისამებრ, იგი გვისმენს. და როცა ვიცით, რომ გვისმენს იგი, რასაც კი ვთხოვთ, ვიცით, რომ გვაქვს, რაც ვითხოვთ მისგან.“ (1 იოანეს 5:14,15).

იესოს სახელით ვლოცულობ ამისთვის, ამინ

ხუთშაბათი

ღვთისმსახურება / თაყვანისცემა

„მამაო ჩვენო“ - ჩვენი ურთიერთობა ღმერთთან

[წოდება „მამა“ გულისხმობს მინიმუმ ორ იდეას: (1) სამება - მამა, ძე და სულიწმინდა. ლოცვის მეშვეობით შევდივართ სამების ცხოვრებაში და ურთიერთობაში; და (2) ჩვენი შვილობა ღმერთის ოჯახში.]

მამა - ღმერთის თაყვანისცემა

ძვირფასო ზეციერო მამა:

„მთელი გულით მადლობას შემოგწირავ, უფალო, ვილაპარაკებ ყველა შენს სასწაულზე“ რამეთუ ღირსი ხარ მთელი ჩემი ქების (ფსალმუნის 9:1).

„ვიმხიარულებ და ვიხარებ შენით, შენს სახელს ვუმღერებ, უზენაესო“ (ფსალმუნის 9:2).

შენ თქვი: „შენ მოგენდობიან შენი სახელის მცნობელნი, ვინაიდან არ მიატოვებ შენს მამიებელს, უფალო“ (ფსალმუნის 9:10).

მადლობა მამა, რომ ვიცნობ შენს სახელს (ხასიათს). სიხარულით მოგენდობი შენ.

ვინაიდან მე გადიარე, როგორც ჩემი მამა, დამეხმარე, პატივი მოგაგო დღეს ჩემი აზრებით, სიტყვებით და საქციელით.

შენ თქვი, რომ უფლის შიში გამოხატავს ჩვენს დამოკიდებულებას ბოროტების მიმართ. მძულს სიამაყე, ქედმაღლობა, ბოროტი გზა და უკუღმართი ბაგე (იგავების 8:13). დამეხმარე ასე მოქცევაში.

დამეხმარე, შენი მორჩილი ვიყო უფლის მოშიშობით სიარულში მუდამ (იგავების 23:17).

დაე, იესოს მშვენიერება გაბრწყინდეს ჩემი ცხოვრებიდან დღეს, რათა ვინც ჩემს გარშემოა, დაინახონ ჩემი კეთილი საქმეები და განგადიდონ შენ, მამა (მათეს 5:16).

დაე შენი მოწონების ღიმილი იყოს ჩემს ცხოვრებაში.

მომმადლე, სხვების მიმართ ვიყო გულმოწყალე, როგორც შენ ხარ ჩემდამი გულმოწყალე (ლუკას 6:36).

მე - ღმერთის თაყვანისცემა

მამა ძალიან მაღლიერი ვარ, რომ შენი მე მოვიდა სამყაროში, რათა მე განვთავისუფლებულიყავი ცოდვისა და ეგოიზმის ტირანიისაგან.

ღმერთმა ნუ ქნას, რომ „მე ნუ დამეკვებნოს, თუ არა ჩვენი უფლის იესო ქრისტეს ჯვრით, რითაც ქვეყნიერება ჩემთვის არის ჯვარცმული, მე კი - ქვეყნიერებისთვის“ (გალატელთა 6:14).

შენთან ერთიანობით, უფალო იესო, ცოდვისთვის მოგვკვდი (რომაელთა 6:2). შენ მითხარი, რომ ახლა ცოდვისგან თავისუფალი ვარ (რომაელთა 6:7).

დაე მახსოვდეს, რომ პიროვნება, რომელიც შენამდე ვიყავი, შენ დამიხსენი, ეგოისტი და ცოდვილი - ქრისტესთან ერთად იქნა ჯვარცმული ჩემი ზეციდან შობის დროს (რომაელთა 6:6ა).

შენი მიზანია ჩემს ცხოვრებაში, რომ ცოდვის კონტროლი გაუქმდეს ჩემს სხეულზე, რათა ამიერიდან ცოდვას აღარ ვემსახურო (რომაელთა 6:6ბ).

შენ მიბრძანე, გამოვიჩინო რწმენა და „ჩავთვალო ჩემი თავი ცოდვისათვის მკვდრად და ღვთისათვის ცოცხლად ქრისტე იესოში“ (რომაელთა 6:11).

მე არ ვარ იმისთვის, რომ „იმეფოს ცოდვამ ჩემს მოკვდავ სხეულში მის გულისთქმათა მორჩილებად“ (რომაელთა 6:12).

ჩემი სხეულის ასოები არ უნდა გადავცე ცოდვას, უმართლობის იარაღად (რომაელთა 6:13).

დამეხმარე დავემორჩილო ამ ბრძანებებს და ვიცხოვრო ქრისტეს ძალაში დღეს.

სულიწმიდა - ღმერთის თაყვანისცემა

მადლობა, მამა, სულიწმიდის საჩუქრისთვის. იესომ თქვა, რომ სულიწმიდა არის „მამაჩემის აღთქმული“ (ლუკას 24:49).

ამავსე დღეს, კურთხეულო სულო, შენი წმიდა თანდასწრებით (ეფესელთა 5:18). მასწავლე, რომ ჩემი ცხოვრების ყველა სფერო დავუქვემდებარო შენს კონტროლს.

განმწმიდე ყველაფრისგან, რაც ხელს უშლის შენს მოქმედებას ჩემს ცხოვრებაში (2 კორინთელთა 7:1).

დაე დღეს არანაირად, არაფრით დაგანადვლიანო (ეფესელთა 4:30).

„რომელი ხარ ცათა შინა“ - ღვთის სამეფო

[ზეცა არის ადგილი, სადაც არის ღვთის ტახტი. ამასთან, არ უნდა ვიფიქროთ, რომ ღმერთის თანდასწრება ზეცით შემოიფარგლება. ის ყველგანმყოფელია „ყველგან იმყოფება“ (ფსალმუნის 138:7-12). თუმცა ამბობენ, რომ ზოგგან ღმერთის თანდასწრება უფრო მეტია, ვიდრე სხვაგან. ის ფაქტი, რომ ღმერთი „ზეცაშია“ ნიშნავს, რომ ის არ შემოიფარგლება მხოლოდ მიწიერი რესურსებით. ის უზენაესია და აქვს შეუზღუდავი რესურსი. გარდა ამისა, „ზეცა“ საუბრობს სრულყოფილებაზე და მახსენებს, რომ ღმერთი არის მამობის სრულყოფილება.]

ზეციერო მამა, მაოცებს ის, რომ შენ, შენს სუვერენულ სიდიადეში, ირჩევ ჩემს შეყვარებას (იოანეს 3:16).

შენი სიყვარული ჩემდამი არის უმიზეზო, სპონტანური და თავისუფალი. ის დაუმსახურებელია, განუზომელი და არასდროს შეწყდება.

შენ არ შეგიყვარებია იმის გამო, რომ მე საყვარელი, ლამაზი ან ჭკვიანი ვიყავი. ჩემს ცოდვაში მე გულმიუვალი, საზიზღარი და სულელი ვიყავი.

შენ გიყვარვარ იმიტომ, რომ გადაწყვიტე გყვარებოდი (ეფესელთა 2:4-5).

ამასთან, შენი სიყვარულით, შენ არ უშვებ, რომ ცოდვა ჩემს ცხოვრებაში დარჩეს.

შენ აქტიურად იღწვი, რომ შესაბამისობაში მომიყვანო „შენი ძის ხატების მსგავსად“ (რომაელთა 8:28-29).

დამეხმარე დღეს, რომ ვუმზერდე შენს დიდებას, უფალო იესო, და ასე, შენი სულით, გარდავისახო დიდებიდან დიდებაში (2 კორინთელთა 3:18).

„წმიდა იყოს სახელი შენი“ - ღმერთის რეპუტაცია

[თვით ღმერთის ბუნება (ყველაფერი, რაც ღმერთია და რასაც ის აკეთებს) არის წმიდა. როდესაც ჩვენ ვაცხადებთ, რომ ქრისტიანები ვართ, ჩვენ ვაცხადებთ მასთან ურთიერთობის შესახებ, იესო ქრისტეს მეშვეობით. ვინაიდან ღმერთი არის წმიდა, ჩვენც უნდა ვიყოთ წმიდა, ჩვენს ყველა ურთიერთობასა და ქმედებაში (1 პეტრეს 1:15,16). ჩვენ გავლენას ვახდენთ იმაზე, თუ რას ფიქრობენ სხვები მასზე. მისი რეპუტაცია ჩვენს ხელშია.]

მამა, მე „ვადიდებ“ შენს სახელს, როდესაც სათანადოდ გამოვხატავ შენს სიწმიდეს, რადგან შენ წმიდა ღმერთი ხარ.

„წმიდაა, წმიდაა, წმიდაა ცაბოთ უფალი! სავსეა მისი დიდებით მთელი დედამიწა!“ (ესაიას 6:3).

მეფსალმუნემ თქვა: „იამაყეთ მისი წმიდა სახელით, გამხიარულდეს უფლის მაძიებელთა გული“ (ფსალმუნის 104:3)

„უფალია ჩვენი ფარი და ისრაელის წმიდა - მეფე ჩვენი“ (ფსალმუნის 89:18).

დამეხმარე, როგორც საგალობელშია

„გამოყავი დრო, რომ წმიდა იყო, ქვეყნიერება ჩქარობს.

მეტი დრო გაატარე დაფარულში იესოსთან პირისპირ.

თუ იესოს უმზერ, მისნაირი გახდები.

შენი მეგობრები შენში მის მსგავსებას შენიშნავენ.

გამოიყენე დრო, რომ წმიდა იყო, დაე ის გაგიძღვეს ამაში.

რაც არ უნდა მოხდეს მის წინ ნუ გაიქცევი,

სიხარულშიც და მწუხარებაშიც გაჰყევი შენს უფალს

და უმზერ რა იესოს, მიენდე მის სიტყვას.”³

შუამდგომლობა

„მოვიდეს სუფევა შენი“ - ღმერთის მეფობა

[ღმერთის გეგმა მარადისობიდან იყო სიმაღლისა და სიწმინდის სამეფოს დამკვიდრება დედამიწაზე (მათეს 25:34). ღვთის სამეფოს დამყარება ხდება ორ ეტაპად. პირველი ფაზა არის სულიერი. ღმერთი მმართველობს თავისი ხალხის გულებსა და ცხოვრებაში (კოლასელთა 1:13). როდესაც ჩვენ ვლოცულობთ „მოვიდეს სუფევა შენი“, ჩვენ ვლოცულობთ, რომ ადამიანები გადარჩნენ და გახდნენ ღვთის სამეფოს მოქალაქეები (მათეს 9:35). სამეფოს მოსვლის მეორე ეტაპი ფიზიკურია. როდესაც იესო მეორედ მოვა, ის გააუქმებს დედამიწის ყველა მთავრობას და დამკვიდრდება, როგორც მთელი მსოფლიოს მეფე (დანიელის 2:44-45). როდესაც ჩვენ ვლოცულობთ, რომ „მოვიდეს სუფევა შენი“, ამ გაგებით, ჩვენ მოუთმენლად ველოდებით იესოს მეორედ მოსვლას. (გამოცხადების 22:20)]

უფალო იესო, შენ მიგვაველინე შენს სამეფოში მსახურებისთვის, არა როგორც ბატონები, არამედ როგორც მსახურები (1 პეტრეს 5:3). შენ აჩვენე მაგალითი, თუ რას ნიშნავს იყო მსახური (ფილიპელთა 2:6,7).

შენ მოხვედი იმის მოსაძებნად და გადასარჩენად, ვინც დაკარგულია (ლუკას 19:10). შენ არ ეძებდი საკუთარ ნებას (იოანეს 6:38), საკუთარი სიამოვნებას (რომაელთა 15:3), არ ამბობდი საკუთარ სიტყვებს (იოანეს 14:10).

³ George Cole Stebbins

დამეხმარე ქრისტეს აზრის მიღებაში, რათა უფრო მეტი სიხარული ვპოვო შენი და სხვების სამსახურში, ვიდრე საკუთარი სიამოვნების, ქონების, ძალაუფლების, საქმიანობის ან პრესტიჟის ძიებაში (ფილიპელთა 2:5).

შენი სამეფო არის სულიერი სამეფო კაცთა და ქალთა გულებში, რომლებიც ზეციდან იშვნენ. დაე, შენი სამეფო გავრცელდეს, რადგან უფრო და უფრო მეტმა ხალხმა მიგიღოს, როგორც მათი უფალი და მხსნელი. გამოაგზავნე ხალხი სამუშაოდ, რათა შემოგირიგონ ისინი, ვინც არ არიან გადარჩენილები.

აკურთხე, განამტკიცე და გაამხნევე ადგილობრივი ეკლესიების ყველა პასტორი, რომ ისინი ერთგულები იყვნენ შენი სიტყვის სწავლებაში, რადგან შენ ერთნაირად ხარ როგორც რისხვის ღმერთი ბოროტების წინააღმდეგ, ისევე შენდობის ღმერთი მათთვის, ვინც აღიარებს ცოდვას.

შენ თქვი: „მომიხმე და გიპასუხებ, და გაუწყებ დიდსა და მიუწვდომელს, რაც არ იცი შენ“ (იერემიას 33:3).

[ლოცვა იმ ადამიანებისთვის, რომლებიც ჯერ არ არიან გადარჩენილნი.]

მე ვლოცულობ მათთვის, ... (დაასახელე ისინი, ვინც არ არიან გადარჩენილნი) ... რომ გადარჩნენ.

მამა, მიიზიდე ისინი იესოსკენ (იოანეს 6:44). მიანიჭე მათ მონანიების გული. შექმენი მათში შენდამი შიმშილი და წყურვილი.

ღმერთო, სანამ ისინი ცოდვაში ბედნიერები არიან, ისინი ვერ გრძნობენ შენს საჭიროებას. ამიტომ, ცოდვის სიამოვნება მტვრად და ნაცრად გადააქციე მათ პირში. შემოსაზღვრე ისინი შენი ნებით და შენს გზაზე (ოსიას 2:8,9).

გთხოვ, მათ ცხოვრებაში მოიყვანო სწორი ადამიანები, რომლებიც მათ დაეხმარებიან გაიგონ, თუ როგორ უნდა მიიღონ ხსნა.

შეკარი ბნელეთის ძალები, რომლებიც მათ ტყვეობაში ამყოფებენ და აუხილე მათ თვალები, რათა დაინახონ საჭიროება შენში.

დაე, მალე მოვიდეს მათი ხსნის დღე.

„იყოს ნება შენი, ვითარცა ცათა შინა, ეგრეცა ქვეყანასა ზედა“ – ღმერთის მმართველობა

[ეს სათხოვარი გვასწავლის, რომ ვიზრუნოთ ღვთის ნების შესრულებაზე ჩვენს ცხოვრებაში უფრო მეტად, ვიდრე ჩვენი გეგმებისა და სურვილების შესრულებაზე. თუ ჩვენი სურვილები არ შეესაბამება მის ნებას, ღმერთს უნდა ვთხოვოთ შეცვალოს ჩვენი სურვილები. მისი ნება

ჩვენს მიერ უნდა შესრულდეს, როგორც ამას ანგელოზები აკეთებენ ზეცაში - მონდომებით და სიხარულით. ჩვენ უნდა დავემორჩილოთ მისი სიტყვის ავტორიტეტს.]

უფალო, დამეხმარე იმის გარკვევაში, თუ რისი გაკეთება სურს სულიწმიდას და რას აკეთებს ის ჩემს ოჯახში, ჩემს ეკლესიაში, ჩემს საზოგადოებაში, ჩემს ერში და ამ სამყაროში.

დაიცავი და წარმართე ჩემი სურვილები და ოცნებები, რადგან შენ გამაფრთხილე: „თვალი ვერ გაძლება ცქერით და ყური ვერ გაივსება სმენით“ (ეკლესიასტეს 1:8). ამ სამყაროს საგნები არასოდეს დააკმაყოფილებს ჩემს გულს. მხოლოდ შენ შეგიძლია და შენს თანდასწრებას შეუძლია ამის გაკეთება.

დამეხმარე, რომ სიამოვნება და კმაყოფილება მივიღო შენთან ურთიერთობიდან. შენ თქვი: „სრულქმნილნი ხართ ქრისტეში“ (კოლასელთა 2:10).

დამეხმარე მადლიერი ვიყო იმაში, რითაც უკვე უზრუნველმყავი.

[**დაიმახსოვრეთ:** ერთ – ერთი მიზეზი, რის გამოც იესო გვასწავლის ასე ლოცვას - ჩვენი ლოცვის დროის 1/3-ის დათმობას მის წმიდა სახელზე, მის სამეფოზე და მის ნებაზე - არის ჩვენი ეგოცენტრიზმისგან თავის დაღწევა. (ჩვენი პრობლემებით და საჭიროებებით).]

ვედრება

„პური ჩვენი არსობისა მოგვეც ჩვენ დღეს“ – ჩვენი რესურსები

[ღმერთს აქვს შეუზღუდავი რესურსები. ისინი ხელმისაწვდომია ჩვენთვის. სთხოვეთ დააკმაყოფილოს თქვენი ფიზიკური, ფინანსური, ემოციური და გონებრივი მოთხოვნილებები.]

ძვირფასო მამა, შენ თქვი, რომ თუ მე პირველ რიგში მოვძებნი შენს სამეფოს და შენს სიმაღლეს - თუ მე პირველ ადგილზე დაგაყენებ ჩემს ცხოვრებაში - შენ ადავსებ ჩემს ყველა მატერიალურ საჭიროებას (მათეს 6:33).

მადლობას გიხდით დაპირებისთვის: „ჩემი ღმერთი კი ყოველ თქვენს საჭიროებას ადავსებს თავისი სიუხვისამებრ ქრისტე იესოში დიდებით“ (ფილიპელთა 4:19).

მადლობას გიხდით ყველა ფიზიკური და მატერიალური კურთხევისთვის, რომელიც მომეცი წარსულში.

და ახლაც მომაქვს ჩემი საჭიროებები ... (დაასახელეთ ისინი).

მე ვლოცულობ ... (სხვებზე, ვინც დაჩაგრულები და გაჭირვებულები არიან მთელს მსოფლიოში).

მე ვლოცულობ მათთვის, ვინც თანამდებობებს იკავებს ადგილობრივ, საკანონმდებლო და აღმასრულებელ ხელისუფლებაში. მე ვლოცულობ, რომ მათ შენი სიტყვის პრინციპებით იხელმძღვანელონ. დაუშვი, რომ ისინი პატივს მოგაგებდნენ და სამართლიანობა სუფევდეს. გთხოვ, ჩაშალე ბოროტის მიზნები და გეგმები და შენი ნება აღსრულდეს. გვიწყალობე, რომ „მშვიდად და წყნარად ვიცხოვროთ სრულ ღვთისმოსაობასა და პატიოსნებაში“ (1 ტიმოთეს 2:2).

მე ვლოცულობ, როგორც იაყბეცი ძველად: „ნეტა მაკურთხეზდე და საზღვრებს გამიდიდებდე, შენი ხელი ჩემთან იქნებოდეს და ბოროტებისაგან დამიცავდე, რომ არ გავიტანჯო“. ღმერთმა დააკმაყოფილა მისი თხოვნა. (1 ნემტა 4:10).

გთხოვ, დააკმაყოფილე ჩემი თხოვნა, ისევე როგორც იაყბეცის თხოვნა დააკმაყოფილე.

აღსარება / შერიგება

„და მოგვიტევე ჩვენ თანანადებნი ჩვენნი, ვითარცა ჩვენ მივუტევეთ თანამდებთა ჩვენთა“ - შერიგება

[აღსარება თვითდამდაბლების აქტია. ეს არის ღვთის მადლისა და დახმარების საჭიროების აღიარება. სწორად შეთავაზებული აღსარება გამოხატავს სულიერად გაუმჯობესების სურვილს. აღსარება არის ღვთის თვალსაზრისი და დამოკიდებულება იმის მიმართ, რაც არასწორია ან საჭიროებს შეცვლას თქვენს ცხოვრებაში. აღსარება იღებს პირად პასუხისმგებლობას თქვენს არჩევანზე და დამოკიდებულებაზე, იმისდა მიუხედავად, თუ როგორ გექცევინ სხვები.]

შენ თქვი: „თუ ჩემი ხალხი, რომელიც ჩემი სახელით იწოდება, ქედს მოიდრეკს, ილოცებს, ჩემს სახეს მოძებნის და შემობრუნდება თავისი ბოროტი გზიდან - მაშინ მოვუსმენ ზეციდან, ცოდვას მივუტევე და განვკურნავ მათ მიწას“ (2 ნემტა 7:14).

მამა, მე ვაღიარებ ჩემს საჭიროებას, მქონდეს უფრო მეტი სიყვარული შენი სიტყვის მიმართ და მეტი დრო დავუთმო წმიდა წერილის დამახსოვრებასა და გააზრებას.

შენ თქვი: „უხვად დამკვიდრდეს უფლის სიტყვა თქვენში სრული სიბრძნით; ასწავლეთ და შთააგონეთ ერთმანეთი ფსალმუნით, გალობით და სულიერი სადიდებლებით, და უგალობეთ ღმერთს თქვენს გულებში მადლიერებით“ (კოლასელთა 3:16).

იოანემ თქვა: „ნახეთ, როგორი სიყვარული მოგვცა მამამ, რომ მის შვილებად ვიწოდებით. ქვეყნიერება იმიტომ არ გვიცნობს, რომ ქვეყნიერებამ ვერ შეიცნო იგი. საყვარელნო! ახლა ღვთის შვილები ვართ, ოღონდ ჯერ არ გამომჟღავნებულა, რანი ვიქნებით. მაგრამ ვიცით, რომ, როცა გამოჩნდება, მისი მსგავსნი ვიქნებით, რადგან ვიხილავთ მას, როგორიც არის.

ყოველმა, ვისაც ეს იმედი აქვს მასში, განიწმიდოს თავი, როგორც ის არის წმიდა”
(1 იოანეს 3:1-3).

იესომ თქვა: „ნეტარ არიან გულით სუფთანი, რადგან ისინი ღმერთს იხილავენ” (მათეს 5:8).
დამეხმარე, რომ დღეს სუფთა ვიყო მოტივებში და აზრებში.

პავლემ თქვა: „ხოლო მცნების მიზანია წმიდა გულით, კეთილი სინდისითა და უპირფერო რწმენით სიყვარული” (1 ტიმოთეს 1:5).

დამეხმარე: „ყმაწვილკაცურ გულისთქმებს გავექცე. მივდიო სიმართლეს, რწმენას, სიყვარულს, მშვიდობას ყველასთან, ვინც სუფთა გულით მოუხმობს უფალს” (2 ტიმოთეს 2:22).

მადლობას გიხდით რომ მპატიობ ცოდვებს.

შენ მომამორე ისინი „როგორც აღმოსავლეთია დაშორებული დასავლეთისგან” (ფსალმუნის 102:12). შენ ზურგს უკან მოისროლე ისინი (ესაიას 38:17), და აღარ გაიხსენებ მათ (იერემიას 31:34).

შენ დანაშაულს ჩამომბან შენივე გულისთვის (ესაიას 43:25) და ყველა მათგანს ზღვის უფსკრულებში მოისვრი (მიქას 7:19).

მადლობას გიხდით წყალობისა და პატიებისთვის.

სულიერი ბრძოლა

„და ნუ შეგვიყვან ჩვენ განსაცდელში, არამედ გვიხსენ ჩვენ ბოროტისაგან” – ჩვენი დაცვა

მამა, გადიდებ შენ, რადგან მიცავ მე.

შენ თქვი: „სარწმუნოა უფალი, რომელიც განგამტკიცებთ და დაგიცავთ ბოროტისგან”
(2 თესალონიკელთა 3:3).

„შენი ნათქვამით განმიმტკიცე ნაბიჯები, ნუ გააბატონებ ჩემზე ნურავითარ უსამართლოს”
(ფსალმუნის 118:133).

დამეხმარე „ყოველგვარ ბოროტ გზას მოვარიდო ფეხი, რათა დავიცვა შენი სიტყვა”
(ფსალმუნის 118:101).

შენ დამპირდი, რომ სანამ შენს სიტყვას დავიცავ, ვივლი ფართოდ და თავისუფლად
(ფსალმუნის 118:44-45).

მამა ინებე, რომ დღეს, სულიერად ძლიერი ვიყო შენში. ეს არის შენი ნება ჩემი ცხოვრებისთვის. შენ თქვი: „გამაგრდით უფლით და მისი ძალის სიმტკიცით“ (ეფესელთა 6:10).

დამეხმარე, მამა, რომ დღეს ღვთის სრული საჭურველით შევიმოსო, რათა მტკიცედ შევეწინააღმდეგო ეშმაკის ყველა სტრატეგიასა და ხრიკს (ეფესელთა 6:11).

მე მჭირდება ჭეშმარიტების სარტყელი, რომ დამიფაროს, სიმართლის ჯავშანი, რომ დამიცვას და ვიყო ფეხშემოსილი მზადყოფნაში მშვიდობის სახარებლად და მორჩილებისთვის (ეფესელთა 6:14, 15).

დამეხმარე ავიღო რწმენის ფარი, რომ დავიცვა თავი ბოროტის გავარვარებული ისრებისგან (ეფესელთა 6:16).

დაე, ხსნის მუზარადმა დაიცვას ჩემი გონება და შევძლო გავიგო, როგორ გამოვიყენო გონივრულად სულის მახვილი, რომელიც ღვთის სიტყვაა. (ეფესელთა 6:17).

ქება-დიდება და მადლიერება

„რადგან შენია მეფობა, ძალი და დიდება საუკუნეთა მიმართ“ - დაასრულეთ ქება-დიდებით.

[ყურადღება გაამახვილეთ ღმერთის პოზიციაზე, მის ძალაზე, სიდიადეზე და დიდებაზე. გაამხნევეთ თქვენი გული ქება-დიდებით.]

„შენია ღმერთო სიდიადე, ძლიერება, დიდება, გამარჯვება და დიდებულება, შენია ყველაფერი ცაში თუ დედამიწაზე, ღმერთო; შენია სამეფო და ყოველივეს სათავე ხარ და ამაღლებული ყოველივეზე“ (1 ნემტთა 29:11).

შენ თქვი: „იხარეთ უფალში მართალნი; გულწრფელებს შეშვენით (შეეფერებათ, ალამაზებთ) შექება“ (ფსალმუნის 32:1).

შენ თქვი: „რადგან მე, უფალი - შენი ღმერთი, შენი მარჯვენის დამკავებელი გეუბნები: „ნუ გემინია, მე შეგეწევი“ (ესაიას 41:13).

შენ თქვი: „მარადის იხარეთ უფალში“ (ფილიპელთა 4:4).

შენ თქვი, „ვერ წაგლეკავენ წყლები და მდინარეები, როდესაც მათში გაივლით, რადგან მე ვიქნები თქვენთან. ვერც ცეცხლი დაგწვავთ, როცა მასში გაივლით, ალი ვერ მოგწვდებათ. ვინაიდან მე ვარ უფალი, თქვენი ღმერთი, ისრაელის წმიდა და თქვენი მხსნელი“ (ესაიას 43:2-3).

გაქებ: „რადგან ღმერთთან ერთად არაფერია შეუძლებელი“ (ლუკას 1:37).

„ოჰ, უფალო ღმერთო! აჰა, შენ შექმენი ცანი და დედამიწა შენი დიდი ძალითა და გაწვდილი მკლავით, შეუძლებელი არაფერია შენთვის” (იერემიას 32:17).

„და აჰა, რა გაბედულება გვაქვს მის მიმართ, რომ როცა რამეს ვთხოვთ მისი ნებისამებრ, იგი გვისმენს. და როცა ვიცით, რომ გვისმენს იგი, რასაც კი ვთხოვთ, ვიცით, რომ გვაქვს, რაც ვითხოვეთ მისგან” (1 იოანეს 5:14,15).

იესოს სახელით ვლოცულობ ამისთვის, ამინ

პარასკევი

ღვთისმსახურება / თაყვანისცემა

„მამაო ჩვენო“ - ჩვენი ურთიერთობა ღმერთთან

[წოდება „მამა“ გულისხმობს მინიმუმ ორ იდეას: (1) სამება - მამა, ძე და სულიწმინდა. ლოცვის მეშვეობით შევდივართ სამების ცხოვრებაში და ურთიერთობაში; და (2) ჩვენი შვილობა ღმერთის ოჯახში.]

მამა - ღმერთის თაყვანისცემა

ძვირფასო ზეციერო მამა:

დიდება შენ, უფალო, რადგან ფარი ხარ ჩემი, ჩემი დიდება და ჩემი თავის ამამალლებელი (ფსალმუნის 3:3).

შენ გიყვარვარ და ზრუნავ ჩემზე უფრო მეტად, ვიდრე ოდესმე გავიგებ. შენს სიტყვაში ნათქვამია: „მრავალი სასწაული მოიმოქმედე უფალო, ღმერთო ჩემო; ჩვენს წინაშეა შენი სასწაულები და ზრახვანი - ვინ შეგედრება შენ! ვიქადაგებ და ვილაპარაკებ მათზე, თუმცა ვერ აღირიცხება სიმრავლის გამო“ (ფსალმუნის 39:5).

დამეხმარე, რომ მიყვარდე, მამა, მთელი გულით, გონებით, სულითა და ძალით, რადგან სიყვარულს იმსახურებ (მათეს 22:37).

მე ვისიამოვნებ უფლის მიერ (ფსალმუნის 36:4), სიხარულით გემსახურები შენ (ფსალმუნის 99:2), მინდა ყველაფერში სასურველი ვიყო შენთვის (2 კორინთელთა 5:9), შენში ვეძებ ბედნიერებას (მათეს 6:33), და მწყურია დღეს, სრული სიხარული შენში (ფსალმუნის 42:1-2).

გარდა იმისა, რომ უნდა შეგიყვარო, შენ მიბრძანე: „გემინოდეს უფლის, შენი ღმერთის“ (მეორე რჯულის 6:2, 13, 24).

მომეცი შესაძლებლობა, „გემინოდეს უფლის, ჩემი ღმერთის. დავდიოდე მისი გზით, მიყვარდეს უფალი ღმერთი და ვემსახურო მას მთელი ჩემი გულით და მთელი ჩემი არსებით“ (მეორე რჯულის 10:12).

გმადლობ დაპირებისთვის, რომ მაკურთხებ, თუ გულმოდგინედ დავიცავ ყველა შენს მცნებას. (მეორე რჯულის 11:12-14).

მე - ღმერთის თაყვანისცემა

მადლობას გიხდით, უფალო იესო, რომ ჩემი ცოდვებისთვის თავი გაწირე (გალატელთა 1:4ა).

შენ შემოიყვარე და შენი სისხლით მიხსენი ჩემი ცოდვებისგან (გამოცხადების 1:5).

შენ დამიხსენი მე სიბნელის ძალაუფლებისგან და გადამიყვანე შენს სამეფოში (კოლასელთა 1:13).

შენი ნებაა, რომ განვთავისუფლდე ახლანდელი ბოროტი ქვეყნიერების გარყვნილების ძალისა და ცოდვილი ჩვევებისგან (გალატელთა 1:4ბ).

მე თაყვანს გცემ შენ, უფალო იესო, რადგან შენ ხარ „გზა, ჭეშმარიტება და სიცოცხლე. მამასთან ვერავინ მიდის, თუ არა შენით“ (იოანეს 14:6).

შენ ხარ ზეციური პური (იოანეს 6:41) და სიცოცხლის პური; შენთან მომსვლელს არ მოშივდება და შენს მორწმუნეს არასდროს მოსწყურდება (იოანეს 6:35).

შენ იმისთვის მოხვედით, რომ სიცოცხლე მქონდეს და უხვად მქონდეს (იოანეს 10:10).

მართალია შენი გზები, უფალო იესო (ფსალმუნის 144:17), შენი სიტყვა მარადიულია (ფსალმუნის 118:89), შენი ნება უცვლელია და შენ ფიქრობ ჩემზე (ფსალმუნის 39:6)!

შენი სიყვარული აკავშირებს (კოლასელთა 3:14), შენი ტვირთი მსუბუქია (მათეს 11:30), და შენი საჩუქარი ჩემთვის არის უხვი სიცოცხლე (იოანეს 10:10).

შენ არასდროს მიმატოვებ (ებრაელთა 13:5), შეცდომაში არ შემოიყვან, არ გამომტოვებ და არ დამივიწყებ.

როდესაც ვეცემი, შენ წამომაყენებ. როდესაც ვმარცხდები, მპატიობ (1 იოანეს 1:9).

როდესაც მე სუსტი ვარ, შენ ძლიერი ხარ (2 კორინთელთა 12:10). როდესაც დაბნეული ვარ, შენ ხარ გზა (იოანეს 14:6).

როდესაც მეშინია, ჩემი გამხსნელება ხარ (ესაიას 41:10). როდესაც მტკივა, მანუგეშებ (2 კორინთელთა 1:3-4).

როდესაც გულგატეხილი ვარ, შენ განმკურნავ (ფსალმუნის 146:3). როდესაც მშოია, შენ საზრდოს მაძლევ (ფსალმუნის 144:16).

როდესაც განსაცდელს ვაწყდები, მამხსნელებ. როდესაც დევნას ვაწყდები, შენ მიცავ.

როდესაც დანაკარგს ვაწყდები, შენ უზრუნველყოფ. და როდესაც სიკვდილის წინაშე დავდგები, სახლში წამიყვან.

შენ ხარ ყველაფერი, რაც მჭირდება და მსურს. მე ვარ შენი და შენ ჩემი. ალილუია, რა დიდებული მხსნელი ხარ!⁴

სულიწმიდა - ღმერთის თაყვანისცემა

ჩემი სურვილი და განზრახვაა დღეს „სულით ვიარო“ (გალატელთა 5:25).

ისევე, როგორც იესო იყო სულით ავსებული (ლუკას 4:1) და დადიოდა სულის ძალით (ლუკას 4:14), ამავე დღეს მეც და გამაძლიერე სულით.

სწორედ სულის სისავსის წყალობით ჩემს ცხოვრებაში, ვარ უფლებამოსილი და აღჭურვილი ძალით, რომლითაც შემიძლია ვიყო იესოს მოწმე, როგორიც მას სურს (საქმეების 1:8).

დამეხმარე, რომ მგრძნობიარე ვიყო შენი მმართველობის მიმართ, კურთხეულო სულო.

მამაო, მეო და სულოწმიდაო, გაქებ შენ. შენ ერთი ღმერთი ხარ, რომელიც სამ პიროვნებაში გამოიხატება.

შენ ხარ სამი ერთში, ყველაზე კურთხეული სამება. და შენ ხარ ყველაფერი, რაც მჭირდება!

შემადლებინე ყოველთვის მახსოვდეს: წმიდა სამება არის ერთი ღმერთი სამებაში და სამება ერთობაში.

შემადლებინე არასდროს შევურიო პიროვნებები და არ გავაცალკეო ღვთაების არსი.

„რომელი ხარ ცათა შინა“ - ღვთის სამეფო

[ზეცა არის ადგილი, სადაც არის ღვთის ტახტი. ამასთან, არ უნდა ვიფიქროთ, რომ ღმერთის თანდასწრება ზეცით შემოიფარგლება. ის ყველგანმყოფელია „ყველგან იმყოფება“ (ფსალმუნის 138:7-12). თუმცა ამბობენ, რომ ზოგჯერ ღმერთის თანდასწრება უფრო მეტია, ვიდრე სხვაგან. ის ფაქტი, რომ ღმერთი „ზეცაშია“ ნიშნავს, რომ ის არ შემოიფარგლება მხოლოდ მიწიერი რესურსებით. ის უზენაესია და აქვს შეუზღუდავი რესურსი. გარდა ამისა, „ზეცა“ საუბრობს სრულყოფილებაზე და მახსენებს, რომ ღმერთი არის მამობის სრულყოფილება.]

ზეციერო მამა, ვხარობ იმით, რომ „ცის მთელი ლაშქარი შენთან დგას, შენს მარჯვნივ და შენს მარცხნივ“ (3 მეფეთა 22:19).

ისინი მზად არიან დაემორჩილონ შენს ბრძანებას (2 ნემტთა 18:18).

⁴ Adapted from a prayer by S. M. Lockridge

შენ მართავ მსოფლიოს ყველა სამეფოს. ძალა და ძლევამოსილება შენს ხელშია და შენს წინააღმდეგ ვერავინ აღდგება (2 ნეშტთა 20:6).

არ არსებობს სიბრძნე, გონება და რჩევა, შენ რომ დაგიპირისპირდეს (იგავების 21:30).

შენ ამხობ და აღადგენ მეფეებს (დანიელის 2:21).

ამაღლება (აღზევება) უფლისგან მოდის (ფსალმუნის 74:7).

„წმიდა იყოს სახელი შენი“ - ღმერთის რეპუტაცია

[თვით ღმერთის ბუნება (ყველაფერი, რაც ღმერთია და რასაც ის აკეთებს) არის წმიდა. როდესაც ჩვენ ვაცხადებთ, რომ ქრისტიანები ვართ, ჩვენ ვაცხადებთ მასთან ურთიერთობის შესახებ, იესო ქრისტეს მეშვეობით. ვინაიდან ღმერთი არის წმიდა, ჩვენც უნდა ვიყოთ წმიდა, ჩვენს ყველა ურთიერთობასა და ქმედებაში (1 პეტრეს 1:15,16). ჩვენ გავლენას ვახდენთ იმაზე, თუ რას ფიქრობენ სხვები მასზე. მისი რეპუტაცია ჩვენს ხელშია.]

შენ თქვი, მამა, რომ „ღვთისმოსავი ამოირჩიე ღმერთო: უფალი მისმენს, როცა მოვუხმობ მას“ (ფსალმუნის 4:3).

მადლობა, რომ ისმენ ჩემს ლოცვებს.

მიწყალობე, რომ დღეს, შენი მადლით, მე ღვთისმოსაობით ვცხოვრობდე შენს წინაშე.

შენ ასევე თქვი, რომ გამოარჩევ მათ, ვისაც შენ უყვარხარ შენი საკუთარი თავისთვის, როგორც განსაკუთრებულ საგანძურს (გამოსვლის 19:5). გაოცებული ვარ, რომ შენ „საგანძურად“ მიმიჩნევ. შემადგენი, არასდროს გაგიცრუო იმედი.

შენ თქვი: „დაე, ასევე ანათებდეს თქვენი სინათლე ადამიანთა წინაშე, რათა ხედავდნენ ისინი თქვენს კეთილ საქმეებს და აღიდებდნენ თქვენს მამას, რომელიც ზეცაშია“ (მათეს 5:16).

შენ თქვი, „ყოველივე, რასაც აკეთებთ, მთელი გულით გააკეთეთ, როგორც ღვთისთვის და არა კაცთათვის. იცოდეთ, რომ მემკვიდრეობას მიიღებთ უფლისგან საზღაურად, ვინაიდან უფალ ქრისტეს ემსახურებით“ (კოლასელთა 3:23, 24).

დამეხმარე ამის გაკეთებაში დღეს.

[**დაიმახსოვრეთ:** ერთ – ერთი მიზეზი, რის გამოც იესო გვასწავლის ასე ლოცვას - ჩვენი ლოცვის დროის 1/3-ის დათმობას მის მამობაზე, მის ზეციურ პოზიციაზე, მის წმიდა სახელზე, მის სამეფოზე და მის ნებაზე - არის ჩვენი ეგოცენტრიზმისგან თავის დაღწევა ჩვენი პრობლემებით და საჭიროებებით.]

„მოვიდეს სუფევა შენი“ - ღმერთის მეფობა

[ღმერთის გეგმა მარადისობიდან იყო სიმართლისა და სიწმინდის სამეფოს დამკვიდრება დედამიწაზე (მათეს 25:34). ღვთის სამეფოს დამყარება ხდება ორ ეტაპად. პირველი ფაზა არის სულიერი. ღმერთი მმართველობს თავისი ხალხის გულებსა და ცხოვრებაში (კოლასელთა 1:13). როდესაც ჩვენ ვლოცულობთ „მოვიდეს სუფევა შენი“, ჩვენ ვლოცულობთ, რომ ადამიანები გადარჩნენ და გახდნენ ღვთის სამეფოს მოქალაქეები (მათეს 9:35). სამეფოს მოსვლის მეორე ეტაპი ფიზიკურია. როდესაც იესო მეორედ მოვა, ის გააუქმებს დედამიწის ყველა მთავრობას და დამკვიდრდება, როგორც მთელი მსოფლიოს მეფე (დანიელის 2:44-45). როდესაც ჩვენ ვლოცულობთ, რომ „მოვიდეს სუფევა შენი“, ამ გაგებით, ჩვენ მოუთმენლად ველოდებით იესოს მეორედ მოსვლას (გამოცხადების 22:20).]

მიწყალობე, რომ შენი მადლით იგივე დამოკიდებულება მქონდეს როგორც ქრისტეს: „ვინაიდან ღვთის ხატება იყო, მტაცებლობად არ ჩათვალა ღვთის თანასწორად ყოფნა, არამედ წარმოიცარიელა თავი მონის ხატება რომ მიეღო, გახდა რა მსგავსი ადამიანებისა. აღმოჩნდა რა ადამიანის სხეულში, თავი დაიმდაბლა და მორჩილი გახდა თვით სიკვდილამდე და თანაც ჯვარცმით სიკვდილამდე“ (ფილიპელთა 2:5-8).

დამეხმარე ყოველდღიურად, რომ ჩემი ნება დაგიქვემდებარო, უფალო, და ვიყო ერთგული, რომ შევასრულო ჩემი პასუხისმგებლობები და გაამო.

შენი სამეფო არის სულიერი სამეფო კაცთა და ქალთა გულებში, რომლებიც ზეციდან იშვნენ (ლუკას 17:21).

დაე, შენი სამეფო გავრცელდეს, რადგან უფრო და უფრო მეტმა ხალხმა მიგიღოს, როგორც მათი უფალი და მხსნელი.

აკურთხე, განამტკიცე და გაამხნევე ყველა ქრისტიანი მასწავლებელი საჯარო და კერძო სკოლებში, რათა მათ შეძლონ ღვთის მადლისა და სიყვარულის დამოწმება.

შენ დაგვპირდი: „მომიხმე და გიპასუხებ, და გაუწყებ დიდსა და მიუწვდომელს, რაც არ იცი შენ“ (იერემიას 33:3).

[ლოცვა იმ ადამიანებისთვის, რომლებიც ჯერ არ არიან გადარჩენილნი.]

მე ვლოცულობ მათთვის, ... (დაასახელე ისინი, ვინც არ არიან გადარჩენილნი) ... რომ გადარჩნენ.

მამა, მიიზიდე ისინი იესოსკენ (იოანეს 6:44). მიანიჭე მათ მონანიების გული. შექმენი მათში შენდამი შიმშილი და წყურვილი.

ღმერთო, სანამ ისინი ცოდვაში ბედნიერები არიან, ისინი ვერ გრძნობენ შენს საჭიროებას. ამიტომ, ცოდვის სიამოვნება მტვრად და ნაცრად გადააქციე მათ პირში. შემოსაზღვრე ისინი შენი ნებით და შენს გზაზე (ოსიას 2:8,9).

გთხოვ, მათ ცხოვრებაში მოიყვანო სწორი ადამიანები, რომლებიც მათ დაეხმარებიან გაიგონ, თუ როგორ უნდა მიიღონ ხსნა.

შეკარი ბნელეთის ძალები, რომლებიც მათ ტყვეობაში ამყოფებენ და აუხილე მათ თვალები, რათა დაინახონ საჭიროება შენში.

დაე, მალე მოვიდეს მათი ხსნის დღე.

„იყოს ნება შენი, ვითარცა ცათა შინა, ეგრეცა ქვეყანასა ზედა“ – ღმერთის მმართველობა

[ეს სათხოვარი გვასწავლის, რომ ვიზრუნოთ ღვთის ნების შესრულებაზე ჩვენს ცხოვრებაში უფრო მეტად, ვიდრე ჩვენი გეგმებისა და სურვილების შესრულებაზე. თუ ჩვენი სურვილები არ შეესაბამება მის ნებას, ღმერთს უნდა ვთხოვოთ შეცვალოს ჩვენი სურვილები. მისი ნება ჩვენს მიერ უნდა შესრულდეს, როგორც ამას ანგელოზები აკეთებენ ზეცაში - მონდომებით და სიხარულით. ჩვენ უნდა დავემორჩილოთ მისი სიტყვის ავტორიტეტს.]

შენ მითხარი რომ „ცოცხალი ქვების მსგავსად, მე უნდა ავშენდე სულიერ სახლად. მე წმიდა სამღვდელოების წევრი ვარ, იესო ქრისტეს მეშვეობით შევწირო ღვთისთვის სასურველი სულიერი მსხვერპლები“ (1 პეტრეს 2:5).

მე უნდა წარგიდგინო შემდეგი სულიერი მსხვერპლი: (1) მადლიერების მსხვერპლი (ფსალმუნის 115:8); (2) ჩემი სხეული, როგორც ცოცხალი მსხვერპლი (რომაელთა 12:1); (3) ქველმოქმედების მსხვერპლი (ებრაელთა 13:16); (4) მსხვერპლი იმის გაზიარებისა, რაც მაქვს სხვებისთვის (ებრაელთა 13:16); და (5) განუწყვეტლივ ღმერთის განდიდების მსხვერპლი, ანუ მისი სახელის აღმსარებელ ბაგეთა ნაყოფი (ებრაელთა 13:15).

მე ვარ „რჩეული მოდგმა, სამეფო სამღვდელოება, წმიდა ერის წარმომადგენელი, წილხვედრილი, რათა გამოვაცხადო მისი სათნოება, ვინც სიბნელიდან თავისი საკვირველი სინათლისკენ გამოგიხმო“ (1 პეტრეს 2:9).

შენ მითხარი: „იხარე მუდამ, ილოცე განუწყვეტლივ, მადლიერი იყავი ყველაფრისთვის, რადგან ეს არის ღმერთის ნება შენთვის ქრისტე იესოში“ (1 თესალონიკელთა 5:16-18).

შენ ასევე თქვი, რომ მე „ვმადლობდე ყოველთვის ყველაფრისთვის ღმერთს და მამას, ჩვენი უფლის იესო ქრისტეს სახელით“ (ეფესელთა 5:20).

დამეხმარე ამის გაკეთებაში დღეს.

ვედრება

„პური ჩვენი არსობისა მოგვეცე ჩვენ დღეს“ – ჩვენი რესურსები

[ღმერთს აქვს შეუზღუდავი რესურსები. ისინი ხელმისაწვდომია ჩვენთვის. სთხოვეთ დააკმაყოფილოს თქვენი ფიზიკური, ფინანსური, ემოციური და გონებრივი მოთხოვნილებები.]

ძვირფასო მამა, შენ თქვი, რომ თუ მე პირველ რიგში მოვძებნი შენს სამეფოს და შენს სიმაღლეს - თუ მე პირველ ადგილზე დაგაყენებ ჩემს ცხოვრებაში - შენ აღავსებ ჩემს ყველა მატერიალურ საჭიროებას (მათეს 6:33).

მამა, მაპატიე ყველა ჩემი წუწუნი და დრტვინვა ჩემს გარემოებებზე.

თუ ხალხს ჩემი არასწორად ესმის ან არაკეთილსინდისიერად მექცევა, დამეხმარე მახსოვდეს, რომ „მსახური არ არის თავის ბატონზე დიდი“ (იოანეს 15:20). იესოსაც არასწორად უგებდნენ და ძალადობრივად ეპყრობოდნენ.

ასევე, მაპატიე უცნობი მომავლის გამო წუხილი.

შენ თქვი: „არაფერზე ვიდარდო, არამედ ყოველგვარ ღოცვასა და ვედრებაში მადლიერებით გაუწყო ჩემი სურვილი შენ“ (ფილიპელთა 4:6).

შენ დამპირდი, თუ ასე მოვიქცევი: „ღვთის მშვიდობა, რომელიც ყოველგვარ გონებას აღემატება, დაიცავს ჩემს გულს და ჩემს ფიქრებს ქრისტე იესოში“ (ფილიპელთა 4:7).

მადლობას გიხდი დაპირებისათვის: „ჩემი ღმერთი კი ყოველ ჩემს საჭიროებას აღავსებს თავისი სიუხვისამებრ ქრისტე იესოში დიდებით“ (ფილიპელთა 4:19).

მადლობას გიხდი იმ ფინანსური კურთხევებისთვის, რომელიც შენ მომეცი.

დამეხმარე, რომ პირველ ადგილზე დაგაყენო, პატივი მოგაგო ჩემი ქონებიდან და მთელი ჩემი მოსავლის პირველნაყოფიდან და ერთგული ვიყო მეათედში (იგავების 3:9, 10).

მე ვლოცულობ ამისთვის ... (რასაც გრძნობთ, რომ გჭირდებათ, ღვთის ნების თანახმად).

დამეხმარე, რომ მახსოვდეს და მადლიერი ვიყო ყველაფრისთვის, რაც შენ გააკეთე!

მე ვლოცულობ ... (სხვებისთვის, რომლებიც გაჭირვებულნი არიან მთელ მსოფლიოში).

მე ვლოცულობ მათთვის, ვინც თანამდებობებს იკავებს ადგილობრივ, საკანონმდებლო და აღმასრულებელ ხელისუფლებაში. მე ვლოცულობ, რომ მათ შენი სიტყვის პრინციპებით იხელმძღვანელონ. დაუშვი, რომ ისინი პატივს მოგაგებდნენ და სამართლიანობა სუფევდეს. გთხოვ, ჩაშალე ბოროტის მიზნები და გეგმები და შენი ნება აღსრულდეს. გვიწყალობე, რომ „მშვიდად და წყნარად ვიცხოვროთ სრულ ღვთისმოსაობასა და პატიოსნებაში“ (1 ტიმოთეს 2:2).

აღსარება / შერიგება

„და მოგვიტევე ჩვენ თანანადებნი ჩვენნი, ვითარცა ჩვენ მიუტევებთ თანამდებთა ჩვენთა“ - შერიგება

[აღსარება თვითდამდაბლების აქტია. ეს არის ღვთის მადლისა და დახმარების საჭიროების აღიარება. სწორად შეთავაზებული აღსარება გამოხატავს სულიერად გაუმჯობესების სურვილს. აღსარება არის ღვთის თვალსაზრისი და დამოკიდებულება იმის მიმართ, რაც არასწორია ან საჭიროებს შეცვლას თქვენს ცხოვრებაში. აღსარება იღებს პირად პასუხისმგებლობას თქვენს არჩევანზე და დამოკიდებულებაზე, იმისდა მიუხედავად, თუ როგორ გექცევინ სხვები.]

„გამომიკვლიე უფალო და შეიცანი ჩემი გული; შემამოწმე და გაიგე ჩემი აზრები. ნახე ზიანის მომტან გზაზე ხომ არ ვდგავარ და მარადიულ გზაზე წამიძეხი“ (ფსალმუნის 138:23, 24).

შენ თქვი: „ვინაიდან, თუ თქვენ მიუტევებთ ადამიანებს მათ შეცოდებებს, თქვენც მოგიტევებთ თქვენი ზეციერი მამა. ხოლო თუ თქვენ არ მიუტევებთ ადამიანებს მათ შეცოდებებს, არც თქვენი მამა მოგიტევებთ თქვენს შეცოდებებს“ (მათეს 6:14, 15).

შენ თქვი: „როცა ღოცულობთ, მიუტევეთ თუ რაიმე გაქვთ ვინმეს წინააღმდეგ, რათა თქვენმა ზეციერმა მამამაც მოგიტევოთ თქვენი ცოდვები“ (მარკოზის 11:25).

მამა, გამახსენე ყველა, ვისაც არ ვაპატიე.

მომანიჭე მადლი, რომ ვაპატიო თითოეულ ადამიანს, ვინც ჩემს წინააღმდეგ შესცოდა, ან დამაზარალა მე ან ისინი, ვინც ძვირფასია ჩემთვის.

განმწმინდე ყოველგვარი სიმწარისგან, არაკეთილმოსურნეობისგან და გულის მოსვლისგან მათ მიმართ.

მამა, მე ვადიარებ, რომ უნდა გაგიცნო უკეთ და განვივითარო სულის მოთხოვნილებებისა და შეზღუდვების სწრაფი მორჩილება.

მადლობას გიხდით, მამა, რომ „კეთილი და მიმტევებელი ხარ შენ, უფალო, და დიდად მოწყალე ყველასთვის, ვინც შენ მოგიხმობს“ (ფსალმუნის 85:5).

„ღმერთო, რომ შემოგენახა ჩვენი ცოდვები, წინ ვინ დაგიდგებოდა, უფალო?“ (ფსალმუნის 129:3)

მადლობას გიხდით, რომ მპატიობ ჩემს ცოდვებს.

შენ მომამორე ისინი „როგორც აღმოსავლეთია დაშორებული დასავლეთისგან“ (ფსალმუნის 102:12).

შენ ზურგს უკან მოისროლე ისინი (ესაიას 38:17), და აღარ გაიხსენებ მათ (იერემიას 31:34).

მადლობას გიხდით შენი წყალობისა და პატიებისთვის.

სულიერი ბრძოლა

„და ნუ შეგვიყვან ჩვენ განსაცდელში, არამედ გვიხსენ ჩვენ ბოროტისაგან“ – ჩვენი დაცვა

მამა, შენ თქვი: „ნეტარ არს, ვისი გზაც უბიწოა და ვინც უფლის რჯულით დადის. ნეტარ არიან მისი მცნებების შემნახველნი, მთელი გულით რომ ეძებენ მას“ (ფსალმუნის 118:1, 2).

დამეხმარე დღეს, მოგძებნო შენ მთელი გულით.

შენ თქვი, რომ ვინც მთელი გულით მოგძებნის, ისინი, „უმართლობას არ სჩადიან, შენი გზით დადიან“ (ფსალმუნის 118:3).

ინებე მამა, რომ დღეს სულიერად ძლიერი ვიყო შენში. ეს არის შენი ნება ჩემი ცხოვრებისთვის.

დამეხმარე თავი შორს დავიჭირო იმ რაღაცეებისგან, რაც ვიცი, რომ სულიერად მაზარალებს (2 ტიმოთეს 2:22).

ჩემს სუსტ სფეროებში დამიცავი ცდუნებებისგან, რომლებიც მომართულნი არიან ჩემს დასამარცხებლად.

შენ თქვი: „გამაგრდით უფლით და მისი ძალის სიმტკიცით“ (ეფესელთა 6:10).

დაე მახსოვდეს რომ, ჩემი ბრძოლა არ არის სისხლისა და ხორცის წინააღმდეგ, არამედ მთავრობათა წინააღმდეგ, ხელმწიფებათა წინააღმდეგ, სიბნელის სამყაროს მპყრობელთა წინააღმდეგ, ცისქვეშეთის ბოროტების სულთა წინააღმდეგ“ (ეფესელთა 6:11,12).

დამეხმარე მამა, რომ დღეს ღვთის სრული საჭურველით შევიმოსო, რათა მტკიცედ შევეწინააღმდეგო ეშმაკის ყველა სტრატეგიასა და ხრიკს (ეფესელთა 6:13).

შენ თქვი, „მაშ, იდექით ჭეშმარიტებით წელშემოსარტყლულნი“ (ეფესელთა 6:14ა). დამეხმარეთ, რომ დღეს ჩემს ყველა ურთიერთობაში ვიყო წრფელი.

შენ თქვი, „სიმართლის ჯავშნით შეიმოსეთ“ (ეფესელთა 6:14ბ). დამეხმარე ვიყო მართალი და წმიდა ყველაფერში, რასაც ვაკეთებ.

შენ თქვი, ვიყო ფეხშემოსილი მზადყოფნაში მშვიდობის სახარებლად (ეფესელთა 6:15). დამეხმარე მყარად ვიდგე შენს ჭეშმარიტებაში და შემეძლოს განვსაზღვრო, როდის გსურს, რომ სხვებს გავუზიარო იესოს სახარება.

შენ თქვი, „აიღეთ რწმენის ფარი, რომლითაც შეძლებთ ბოროტის გავარვარებული ისრების ჩაქრობას“ (ეფესელთა 6:16). დღეს, როდესაც ცდუნება მომიწევს, მიწყალობე, რომ ჩემი რწმენა არ შეირყეს.

მე ხსნის მუზარადი უნდა დავიხურო (ეფესელთა 6:17). დაე, ჩემი ყოველგვარი აზრი დავატყვევო იესო ქრისტესთვის დასამორჩილებლად (2 კორინთელთა 10:5).

მე უნდა ვისწავლო როგორ გამოვიყენო სულის მახვილი, რომელიც არის ღმერთის სიტყვა. (ეფესელთა 6:17). დამეხმარე გულში დავიუნჯო შენი სიტყვები, რათა არ შევცოდო (ფსალმუნის 118:11).

ქება-დიდება და მადლიერება

„რადგან შენია მეფობა, ძალი და დიდება საუკუნეთა მიმართ“ - დაასრულეთ ქება-დიდებით.

[ყურადღება გაამახვილეთ ღმერთის პოზიციაზე, მის ძალაზე, სიდიადეზე და დიდებაზე. გაამხნევეთ თქვენი გული ქება-დიდებით.]

გადიდებ, უფალო, რადგან „მარადიული ღმერთი ხარ უფალი, ქვეყნის კიდეების დამფუძნებელი, არც ილღები და არც იქანცები, გამოუკვლეველია შენი გონება“ (ესაიას 40:28).

„შენ დაქანცულს ძალას აძლევ და უძლურს ძლიერებას ჰმატებ“ (ესაიას 40:29).

„უძლურდებიან ყმაწვილნი და იქანცებიან ჭაბუკნი, ირყევიან და ბორძიკდებიან. უფლის მომლოდინენი კი ძალას განიხლებენ, არწივივით გაშლიან ფრთებს, გაიქცევიან და არ დაიღლებიან, ივლიან და არ დაიქანცებიან“ (ესაიას 40:30,31).

შენ თქვი: „ნუ გეშინია, რადგან შენთან ვარ, ნუ ფრთხი, რადგან შენი ღმერთი ვარ; განგამტკიცებ, შეგეწევი და მხარს დაგიჭერ ჩემი სამართლის მარჯვენით“ (ესაიას 41:10).

შენ თქვი, „ადამიანთათვის შეუძლებელი, ღმერთისთვის შესაძლებელია“ (ლუკას 18:27).

„და აჰა, რა გაბედულება გვაქვს მის მიმართ, რომ როცა რამეს ვთხოვთ მისი ნებისამებრ, იგი გვისმენს. და როცა ვიცით, რომ გვისმენს იგი, რასაც კი ვთხოვთ, ვიცით, რომ გვაქვს, რაც ვითხოვეთ მისგან” (1 იოანეს 5:14,15).

იესოს სახელით ვლოცულობ ამისთვის, ამინ

შაბათი

ღვთისმსახურება / თაყვანისცემა

„მამაო ჩვენო“ - ჩვენი ურთიერთობა ღმერთთან

[წოდება „მამა“ გულისხმობს მინიმუმ ორ იდეას: (1) სამება - მამა, ძე და სულიწმინდა. ლოცვის მეშვეობით შევდივართ სამების ცხოვრებაში და ურთიერთობაში; და (2) ჩვენი შვილობა ღმერთის ოჯახში.]

მამა - ღმერთის თაყვანისცემა

ძვირფასო ზეციერო მამა:

მადლობას გიხდის დაპირებისთვის, რომ იქნები ჩემთვის ყველაფერი, რაც მჭირდება (კოლასელთა 2:10).

შენ თქვი: „თუნდაც მიმატოვოს ჩემმა დედ-მამამ, უფალი მიმიღებს მე“ (ფსალმუნის 26:10).

როგორც მამაჩემი, შენ ხარ ჩემი უზრუნველყოფელი, ჩემი დამცველი, ჩემი შემანარჩუნებელი, ჩემი ნუგეშისმცემელი, ჩემი გამომსყიდველი, ჩემი მეგობარი, ჩემი ღმერთი და ჩემი ხსნის კლდე (ფსალმუნის 88:26).

შენ ხარ ანი და ჰაე, დასაწყისი და დასასრული (გამოცხადების 1:8).

შენი სახელი მარადიულია (ესაიას 63:16).

„ყოველი კეთილი მისაცემელი და ყოველი სრულყოფილი ნიჭი გადმოდის მაღლიდან, შუქთა მამისგან, რომელთანაც არც ცვლილებაა და არც ჩრდილი ცვალებადობის“ (იაკობის 1:17).

გმადლობ, რომ გუშინ, დღეს და უკუნისამდე იგივე ხარ (ებრაელთა 13:8).

შემაძლებინე ვაცნობიერებდე, ვაფასებდე, ვიყო მადლიერი და მიხაროდეს ყოველდღე უფრო მეტად, ის რომ შენ ხარ ყველაფერი, რაც მჭირდება!

ძე - ღმერთის თაყვანისცემა

მე თაყვანს გცემ უფალო იესო, რადგან შენ ის ხარ ვისზეც ესაიამ თქვა: „რადგან ვაჟი შეგვემინა, ძე მოგვეცა; მის მხრებზე დაივანებს მმართველობა და ეწოდება მას სახელად საკვირველი მრჩეველი, ძლიერი ღმერთი, საუკუნო მამა და მშვიდობის მთავარი“ (ესაიას 9:6).

შენ ხარ ღვთის წმიდა (მარკოზის 1:24), უზენაესი ძე (ლუკას 1:32).

შენ ხარ ღვთის კრავი (იოანეს 1:29) და მწყემსმთავარი შენი ცხვრისთვის (1 პეტრეს 5:4).

შენ ხარ სიცოცხლის წინამძღვარი (საქმეების 3:15), და ჩვენი რწმენის წინამძღოლი და სრულმყოფელი (ებრაელთა 12:2).

შენ ხარ უფალი ღმერთი, ყოვლისმპყრობელი (გამოცხადების 15:3), მეფეთა მეფე და უფალთა უფალი (გამოცხადების 19:16).

შენ ხარ სინათლე ქვეყნისა (იოანეს 8:12), ცისკრის კაშკაშა ვარსკვლავი (გამოცხადების 22:16).

შენ ხარ ყველაფერი, რაც მჭირდება!

შენ დაგვპირდი, უფალო იესო, რომ თუ შენში დავრჩები და შენ ჩემში, ბევრ ნაყოფს გამოვიღებ. შენს გარეშე ვერაფერს გავაკეთებ (იოანეს 15:5).

დაე დღეს, განდიდდი ჩემს ცხოვრებაში, ჩემს აზრებში, ჩემს დამოკიდებულებებსა და ჩემს მოქმედებებში.

სულოწმიდა - ღმერთის თაყვანისცემა

კურთხეულო სულოწმიდა, მიწყალობე, რომ დღეს მე არ ავჯანყდე შენი ხელმძღვანელობის წინააღმდეგ და არანაირად დაგამწუხრო (ესაიას 63:10).

შენ თქვი: „ნუ დაანადვლიანებთ ღვთის წმიდა სულს, რომლითაც დაიბეჭდეთ თქვენი გამოსყიდვის დღისთვის“ (ეფესელთა 4:30).

მადლობას გიხდით, სულოწმიდა, რომ ხარ ჩემი მასწავლებელი და ჩემი ნუგეშისმცემელი (იოანეს 14:26).

შენ ხარ ჭეშმარიტების სული (იოანეს 14:17).

დამეხმარე ჭეშმარიტება მიყვარდეს და ყოველთვის სიმართლე ვილაპარაკო სიყვარულით (ეფესელთა 4:15).

შენ ხარ სული სიბრძნისა და გონიერებისა, სული რჩევისა და ძლიერებისა, სული ცოდნისა და უფლის მოშიშებისა“ (ესაიას 11:2).

შენ ადიდებ იესოს იმით, რომ აიღე ის, რაც ქრისტეს ეკუთვნის და ჩემთვის რეალური გახადე (იოანეს 16:14).

„რომელი ხარ ცათა შინა“ - ღვთის სამეფო

[ზეცა არის ადგილი, სადაც არის ღვთის ტახტი. ამასთან, არ უნდა ვიფიქროთ, რომ ღმერთის თანდასწრება ზეცით შემოიფარგლება. ის ყველგანმყოფელია „ყველგან იმყოფება“

(ფსალმუნის 138:7-12). თუმცა ამბობენ, რომ ზოგჯერ ღმერთის თანდასწრება უფრო მეტია, ვიდრე სხვაგან. ის ფაქტი, რომ ღმერთი „ზეცაშია“ ნიშნავს, რომ ის არ შემოიფარგლება მხოლოდ მიწიერი რესურსებით. ის უზენაესია და აქვს შეუზღუდავი რესურსი. გარდა ამისა, „ზეცა“ საუბრობს სრულყოფილებაზე და მახსენებს, რომ ღმერთი არის მამობის სრულყოფილება.]

„აკურთხე, სულო ჩემო, უფალი; უფალო, ღმერთო ჩემო, დიდი ხარ ფრიად, მშვენებით და ბრწყინვალეებით ხარ მოსილი“ (ფსალმუნის 103:1).

„მოსასხამივით გმოსავს სინათლე და ცა ფარდასავით გადაჭიმე“ (ფსალმუნის 103:2).

„წყლებზე იშენებს ზედა ოთახებს, ეტლად იხდის ღრუბლებს, ქარის ფრთებით მიმოდის“ (ფსალმუნის 103:3).

გაქეხ, მამა, იმისთვის, რომ შენ ხარ დიდებული და ამაღლებული, რადგან აირჩიე ჩემთან პირადი ურთიერთობა. შენ „მუდამ ჩემთან ხარ. შენ გიჭირავს ჩემი მარჯვენა“ (ფსალმუნის 72:23).

„შენი რჩევით მიმიძღვი წინ და დიდებამდე მიგყავარ. ვინ არის ჩემთვის ზეცაში? და შენ გარდა არაფერი მსურს დედამიწაზე“ (ფსალმუნის 72:24,25).

„წმიდა იყოს სახელი შენი“ - ღმერთის რეპუტაცია

[თვით ღმერთის ბუნება (ყველაფერი, რაც ღმერთია და რასაც ის აკეთებს) არის წმიდა. როდესაც ჩვენ ვაცხადებთ, რომ ქრისტიანები ვართ, ჩვენ ვაცხადებთ მასთან ურთიერთობის შესახებ, იესო ქრისტეს მეშვეობით. ვინაიდან ღმერთი არის წმიდა, ჩვენც უნდა ვიყოთ წმიდა, ჩვენს ყველა ურთიერთობასა და ქმედებაში (1 პეტრეს 1:15,16). ჩვენ გავლენას ვახდენთ იმაზე, თუ რას ფიქრობენ სხვები მასზე. მისი რეპუტაცია ჩვენს ხელშია.]

შენს სიტყვაში ნათქვამია: „მომიძღვნით თავები და იყავით წმიდა, რადგან მე ვარ უფალი, თქვენი ღმერთი (ლევიალების 20:7).

მამა, დამეხმარე ვიცხოვრო ისე, რომ არ დავამცირო შენი სიწმიდე. შენი რეპუტაცია ჩემს ხელშია, რადგან მე განვაცხადე, რომ ვარ შენი შვილი.

დაე არ დაიგმოს შენი წმიდა სახელი იმით, რასაც ვაკეთებ ან ვამბობ (რომაელთა 2:14).

დაე ხალხმა დაინახოს შენი სიწმიდე, რომელიც ანათებს ჩემი ცხოვრებიდან, რადგან შენ მიბრძანე: „წმიდანი იყავით ყოველ საქციელში“ (1 პეტრეს 1:15).

შუამდგომლობა

„მოვიდეს სუფევა შენი“ - ღმერთის მეფობა

[ღმერთის გეგმა მარადისობიდან იყო სიმაღლისა და სიწმინდის სამეფოს დამკვიდრება დედამიწაზე (მათეს 25:34). ღვთის სამეფოს დამყარება ხდება ორ ეტაპად. პირველი ფაზა არის სულიერი. ღმერთი მმართველობს თავისი ხალხის გულებსა და ცხოვრებაში (კოლასელთა 1:13). როდესაც ჩვენ ვლოცულობთ „მოვიდეს სუფევა შენი“, ჩვენ ვლოცულობთ, რომ ადამიანები გადარჩნენ და გახდნენ ღვთის სამეფოს მოქალაქეები (მათეს 9:35). სამეფოს მოსვლის მეორე ეტაპი ფიზიკურია. როდესაც იესო მეორედ მოვა, ის გააუქმებს დედამიწის ყველა მთავრობას და დამკვიდრდება, როგორც მთელი მსოფლიოს მეფე (დანიელის 2:44-45). როდესაც ჩვენ ვლოცულობთ, რომ „მოვიდეს სუფევა შენი“, ამ გაგებით, ჩვენ მოუთმენლად ველოდებით იესოს მეორედ მოსვლას (გამოცხადების 22:20).]

შენ გვასწავლე, უფალო, რომ უნდა მოველოდეთ, „ნეტარების იმედით ჩვენი დიადი ღვთისა და ჩვენი მაცხოვრის, ქრისტე იესოს დიდების გამოჩენას“ (ტიტეს 2:13).

შენ დაპირდი მათ, ვისაც უყვარხარ და შენს ჭეშმარიტებაში დადის, რომ როდესაც იესო გამოჩნდება, „მისი მსგავსნი ვიქნებით, რადგან ვიხილავთ მას, როგორიც არის“. შემდეგ მოგვიწოდებ: „ყოველმა, ვისაც ეს იმედი აქვს მასში, განიწმიდოს თავი, როგორც ის არის წმიდა“ (1 იოანეს 3:2, 3).

დამეხმარე, რომ დღეს სუფთა ვიყო ფიქრებში, სიტყვებში და მოტივებში.

შენი სამეფო არის სულიერი სამეფო კაცთა და ქალთა გულებში, რომლებიც ზეციდან იზადებიან.

დაე, შენი სამეფო გავრცელდეს, რადგან უფრო და უფრო მეტმა ხალხმა მიგიღოს, როგორც მათი უფალი და მხსნელი.

აკურთხე, განამტკიცე და გაამხნევე ყველა მახარებელი, ვინც მთელ მსოფლიოში შრომობს შენთვის.

[ლოცვა იმ ადამიანებისთვის, რომლებიც ჯერ არ არიან გადარჩენილნი.]

მე ვლოცულობ მათთვის, ... (დაასახელე ისინი, ვინც არ არიან გადარჩენილნი) ... რომ გადარჩნენ.

ღმერთო, სანამ ისინი ცოდვაში ბედნიერები არიან, ისინი ვერ გრძნობენ შენს საჭიროებას. ამიტომ, ცოდვის სიამოვნება მტვრად და ნაცრად გადააქციე მათ პირში. შემოსაზღვრე ისინი შენი ნებით და შენს გზაზე (ოსიას 2:8,9).

გთხოვ, მათ ცხოვრებაში მოიყვანო სწორი ადამიანები, რომლებიც მათ დაეხმარებიან გაიგონ, თუ როგორ უნდა მიიღონ ხსნა.

შეკარი ბნელეთის ძალები, რომლებიც მათ ტყვეობაში ამყოფებენ და აუხილე მათ თვალები, რათა დაინახონ საჭიროება შენში.

დაე, მალე მოვიდეს მათი ხსნის დღე.

„იყოს ნება შენი, ვითარცა ცათა შინა, ეგრეცა ქვეყანასა ზედა” – ღმერთის მმართველობა

[ეს სათხოვარი გვასწავლის, რომ ვიზრუნოთ ღვთის ნების შესრულებაზე ჩვენს ცხოვრებაში უფრო მეტად, ვიდრე ჩვენი გეგმებისა და სურვილების შესრულებაზე. თუ ჩვენი სურვილები არ შეესაბამება მის ნებას, ღმერთს უნდა ვთხოვოთ შეცვალოს ჩვენი სურვილები. მისი ნება ჩვენს მიერ უნდა შესრულდეს, როგორც ამას ანგელოზები აკეთებენ ზეცაში - მონდომებით და სიხარულით. ჩვენ უნდა დავემორჩილოთ მისი სიტყვის ავტორიტეტს.]

შენ თქვი, რომ მე ყველაფერი ფრთხილად უნდა გამოვცადო და მხოლოდ კეთილს ჩავეჭიდო სწრაფად (1 თესალონიკელთა 5:21).

თავი უნდა შევიკავო ბოროტების ყველა ფორმისგან და ბოროტების გამოვლენისგანაც კი (1 თესალონიკელთა 5:22).

მე უნდა მივცე უფლება თავად მშვიდობის ღმერთს, რომ მან სრულად განმწყმიდოს (სრულად და მთლიანად), რათა ჩემი სული, სამშვიდობო და სხეული დაცულ იქნეს უბიწოდ ჩვენი უფლის იესო ქრისტეს მოსვლისთვის (1 თესალონიკელთა 5:23).

შენ დამპირდი, რომ ერთგული ღმერთი, რომელიც მთლიანად განწყმენდისკენ მომიწოდებს, ამას გააკეთებს, თუ მასთან ვითანამშრომლებ (1 თესალონიკელთა 5:24).

დაე, სრულიად იყოს განწყმენილი ჩემი ცხოვრება ყოველდღე, რადგან მე სრულად ვემორჩილები შენს ნებას.

[**დაიმახსოვრეთ:** ერთ – ერთი მიზეზი, რის გამოც იესო გვასწავლის ასე ლოცვას - ჩვენი ლოცვის დროის 1/3-ის დათმობას მის მამობაზე, მის ზეციურ პოზიციაზე, მის წმიდა სახელზე, მის სამეფოზე და მის ნებაზე - არის ჩვენი ეგოცენტრიზმისგან თავის დაღწევა (ჩვენი პრობლემებით და საჭიროებებით).]

ვედრება

„პური ჩვენი არსობისა მოგვეც ჩვენ დღეს” – ჩვენი რესურსები

[ღმერთს აქვს შეუზღუდავი რესურსები. ისინი ხელმისაწვდომია ჩვენთვის. სთხოვეთ დააკმაყოფილოს თქვენი ფიზიკური, ფინანსური, ემოციური და გონებრივი მოთხოვნილებები.]

მკირფასო მამა, შენ თქვი, რომ თუ მე პირველ რიგში მოვძებნი შენს სამეფოს და შენს სიმაღლეს - თუ მე პირველ ადგილზე დაგაყენებ ჩემს ცხოვრებაში - შენ ალავსებ ჩემს ყველა მატერიალურ საჭიროებას (მათეს 6:33).

შენ თქვი: „თუ ქრისტესთან ერთად აღსდევით, ეძიეთ რაც მაღლაა, სადაც ქრისტე ზის ღმერთის მარჯვნივ“ (კოლასელთა 3:1).

მე უნდა ვიფიქრო ზეციერზე და არა იმაზე რაც დედამიწაზეა (კოლასელთა 3:2). დამეხმარე, რომ ასე მოვიქცე.

მამა, გთხოვ მაპატიე, რომ მუდამ ვწუწუნებ და ვდრტვინავ ჩემი გარემოებების გამო. შენ ჩემთვის იმაზე უკეთესი იყავი, ვიდრე ვიმსახურებდი.

მადლობას გიხდი დაპირებისთვის: „ჩემი ღმერთი კი ყოველ თქვენს საჭიროებას ალავსებს თავისი სიუხვისამებრ დიდებით ქრისტე იესოში“ (ფილიპელთა 4:19).

მადლობას გიხდი ემოციური, ფსიქიკური, ფიზიკური და სულიერი ჯანმრთელობისთვის, რომლითაც მაკურთხე.

მე ვლოცულობ ამისთვის ... (რაც გჭირდებათ, რაც ღვთის ნებაა თქვენი ცხოვრებისთვის).

დამეხმარე, რომ მახსოვდეს და მადლიერი ვიყო ყველაფრისთვის, რაც შენ გააკეთე!

მე ვლოცულობ ... (სხვებისთვის, რომლებიც გაჭირვებულნი არიან მთელ მსოფლიოში).

მე ვლოცულობ მათთვის, ვინც თანამდებობებს იკავებს ადგილობრივ, საკანონმდებლო და აღმასრულებელ ხელისუფლებაში. მე ვლოცულობ, რომ მათ შენი სიტყვის პრინციპებით იხელმძღვანელონ. დაუშვი, რომ ისინი პატივს მოგაგებდნენ და სამართლიანობა სუფევდეს. გთხოვ, ჩაშალე ბოროტის მიზნები და გეგმები და შენი ნება აღსრულდეს. გვიწყალობე, რომ „მშვიდად და წყნარად ვიცხოვროთ სრულ ღვთისმოსაობასა და პატიოსნებაში“ (1 ტიმოთეს 2:2).

აღსარება / შერიგება

„და მოგვიტევე ჩვენ თანანადებნი ჩვენნი, ვითარცა ჩვენ მიფუტევებთ თანამდებთა ჩვენთა“ - შერიგება

[აღსარება თვითდამდაბლების აქტია. ეს არის ღვთის მადლისა და დახმარების საჭიროების აღიარება. სწორად შეთავაზებული აღიარება გამოხატავს სულიერად გაუმჯობესების სურვილს. აღსარება არის ღვთის თვალსაზრისი და დამოკიდებულება იმის მიმართ, რაც არასწორია ან საჭიროებს შეცვლას თქვენს ცხოვრებაში. აღსარება იღებს პირად

პასუხისმგებლობას თქვენს არჩევანზე და დამოკიდებულებაზე, იმისდა მიუხედავად, თუ როგორ გექცევით სხვები.]

„გამომიკვლიე უფალო და შეიცანი ჩემი გული; შემამოწმე და გაიგე ჩემი აზრები. ნახე, ზიანის მომტან გზაზე ხომ არ ვდგავარ და მარადიულ გზაზე წამიძეხი“ (ფსალმუნის 138:23, 24).

შენ გვითხარი: „ჩვენ ყველანი ბევრს ვცოდავთ. ვინც სიტყვით არ ცდება, სრულყოფილი ადამიანია. მას შეუძლია ალაგმოს მთელი სხეულიც“ (იაკობის 3:2).

ჩემი ენა ჩემი სხეულის პატარა ასოა, მაგრამ მას შეუძლია უზარმაზარი ზიანის მიყენება. შენ თქვი, რომ ენა ცეცხლს ჰგავს (იაკობის 3:5,6).

დამეხმარე, რომ არ გამოვიყენო ჩემი ენა საზიანოდ, ან ისეთი ხერხებით, რომლებიც არ იქნება შენთვის მოსაწონი.

შენ გვითხარი: „აღიარეთ ცოდვები (შეცდომები) ერთმანეთის წინაშე და ილოცეთ ერთმანეთისთვის, რათა განიკურნოთ, რადგან ბევრი რამ შეუძლია მართლის გაძლიერებულ ლოცვას“ (იაკობის 5:16).

მამა, მე ვაღიარებ ჩემს საჭიროებას, რომ მქონდეს მეტი მგრძნობელობა სხვა ადამიანების მიმართ და უფრო მეტი უნარი, გამოვხატო ქრისტესმიერი სიყვარული მათ მიმართ.

მადლობას გიხდით, მამა, „რადგან, კეთილი და მიმტევებელი ხარ შენ, უფალო, და დიდად მოწყალე ყველასთვის, ვინც შენ მოგიხმობს“ (ფსალმუნის 85:5).

მადლობას გიხდით ჩემი ცოდვების პატიებისთვის.

მე ვუერთდები მეფსალმუნეს და ვაცხადებ: „აკურთხე, სულო ჩემო, უფალი და მთელო შიგნეულობავ ჩემო - მისი წმიდა სახელი. აკურთხე, სულო ჩემო, უფალი და არ დაივიწყო მთელი მისი სიკეთე; ის არის შემნდობი ყველა შენი ბრალისა, მკურნალი ყველა შენი სნეულებისა. საფლავისგან დამხსნელი შენი სიცოცხლისა, წყალობისა და სიკეთის გვირგვინის დამდგმელი; სიკეთით აღმვსები შენი სიცოცხლისა, არწივივით განმაახლებელი შენი სიჭაბუკისა“ (ფსალმუნის 102:1-5).

სულიერი ბრძოლა

„და ნუ შეგვიყვან ჩვენ განსაცდელში, არამედ გვიხსენ ჩვენ ბოროტისაგან“ – ჩვენი დაცვა

დამეხმარე გენდო შენ, მთელი გულით და არ ვიყო დამოკიდებული ჩემს საკუთარ გონიერებაზე. დამეხმარე, რომ ყველა ჩემს გზებზე გიცნობდე (ვიცოდე შენი აზრი - რას ფიქრობ თითოეულ იმ სიტუაციაზე, რომელსაც მე ვაწყდები) და დღეს შენს გზებზე ვიარო. შენ დამპირდი, რომ თუ ამას გავაკეთებ, ჩემს გზებს შენ წარმართავ (იგავების 3:5-6).

გთხოვ მომეცი სიბრძნე, რომელიც მაღლიდან არის ჩამომავალი „პირველ რიგში, წმიდა, მერე მშვიდობიანი, თავმდაბალი (გულისხმიერი), მორჩილი (გონივრული), წყალობითა და კეთილი ნაყოფით სავსე, მიუკერძოებელი და უთვალთმაქცო (გულწრფელი) (იაკობის 3:17).

შენ თქვი: „ნეტარ არიან გულით სუფთანი, რადგან ისინი ღმერთს იხილავენ“ (მათეს 5:8). შემადლებინე, რომ ჩემი აზრები და მოტივები დღეს სუფთა იყოს შენს წინაშე.

დამეხმარე მამა, რომ დღეს ღვთის სრული საჭურველით შევიმოსო. შემადლებინე, რომ შენში სულიერად ძლიერი ვიყო.

შენ თქვი: „იდექით ჭეშმარიტებით წელშემოსარტყლულნი“ (ეფესელთა 6:14ა). დამეხმარე, რომ დღეს ჩემს ყველა ურთიერთობაში ვიყო წრფელი.

შენ თქვი, „სიმართლის ჯავშნით შემოსილები“ (ეფესელთა 6:14ბ). დამეხმარე, რომ მართალი და წმინდა ვიყო ყველაფერში, რასაც ვაკეთებ.

შენ თქვი, რომ ვიყო ფეხშემოსილი მზადყოფნაში მშვიდობის სახარებლად (ეფესელთა 6:15). დამეხმარე, მტკიცედ ვიდგე შენს ჭეშმარიტებაში და გამოვიყენო ყველა შესაძლებლობა იესოს სახარება გავუზიარო სხვებს.

შენ თქვი: „აიღეთ რწმენის ფარი, რომლითაც შეძლებთ ბოროტის გავარვარებული ისრების ჩაქრობას“ (ეფესელთა 6:16). დღეს, როდესაც ცდუნება მოვა ჩემს ცხოვრებაში, დაე ჩემი რწმენა არ შეირყეს.

მე ხსნის მუზარადი უნდა დავიხურო (ეფესელთა 6:17ა). დაე, ყველა ჩემი აზრი იქნას დატყვევებული იესო ქრისტეს დასამორჩილებლად (2 კორინთელთა 10:5). დამეხმარე სწრაფად აღმოვაჩინო აზრები, რომლებსაც მტერი ათავსებს ჩემს გონებაში და მივმართო იესოს სისხლს დასაცავად (გამოცხადების 12:11).

მიწყალობე, რომ ვისწავლო როგორ გამოვიყენო სულის მახვილი, რომელიც არის ღვთის სიტყვა (ეფესელთა 6:17ბ). დამეხმარე, რომ გულში დავიუნჯო შენი სიტყვები, რათა არ შეგცოდო (ფსალმუნის 118:11).

ქება-დიდება და მაღლიერება

„რადგან შენია მეფობა, ძალი და დიდება საუკუნეთა მიმართ“ - დაასრულეთ ქება-დიდებით.

[ყურადღება გაამახვილეთ ღმერთის პოზიციაზე, მის ძალაზე, სიდიადეზე და დიდებაზე. გაამხნევეთ თქვენი გული ქება-დიდებით.]

„შენია ღმერთო სიდიადე, ძლიერება, დიდება, გამარჯვება და დიდებულება, შენია ყველაფერი ცაში თუ დედამიწაზე, ღმერთო; შენია სამეფო და ყოველივეს სათავე ხარ და ამაღლებული ყოველივეზე“ (1 ნემტოა 29:11).

„შენ აკურთხებ მართალს, უფალო, და ისე მოსავ შენი წყალობით, როგორც ჯავშნით“ (ფსალმუნის 5:12).

„ვიმხიარულებ და ვიხარებ შენით, შენს სახელს ვუმღერებ, უზენაესო“ (ფსალმუნის 9:2).

„ვუგალობებ უფალს, ჩემს კეთილისმყოფელს“ (ფსალმუნის 12:6).

„მუდამ ჩემს წინ წარმოვიდგენ უფალს; რადგან ჩემს მარჯვნივ არის, არ წავბორძიკდები“ (ფსალმუნის 15:8).

„ისმინა უფალმა ჩემი ვედრება; უფალი მიიღებს ჩემს ლოცვას“ (ფსალმუნის 6:9).

„ხოლო მას, ვისაც ჩვენში მოქმედი ძალით შეუძლია განუზომლად მეტის კეთება, ვიდრე ჩვენ ვთხოვთ ან ვფიქრობთ, მას დიდება ეკლესიაში, ქრისტე იესოში და ყველა თაობაში უკუნითი უკუნისამდე, ამინ“ (ეფესელთა 3:20, 21).

იესოს სახელით ვლოცულობ ამისთვის, ამინ

კვირა

ღვთისმსახურება / თაყვანისცემა

„მამაო ჩვენო“ - ჩვენი ურთიერთობა ღმერთთან

[წოდება „მამა“ გულისხმობს მინიმუმ ორ იდეას: (1) სამება - მამა, ძე და სულიწმინდა. ღოცვის მეშვეობით შევდივართ სამების ცხოვრებაში და ურთიერთობაში; და (2) ჩვენი შვილობა ღმერთის ოჯახში.]

მამა - ღმერთის თაყვანისცემა

ძვირფასო ზეციერო მამა:

მეფსალმუნე კითხვას სვამს: „ვინ ავა უფლის მთაზე ან ვინ დადგება მის წმიდა ადგილზე?“ (ფსალმუნის 23:3)

პასუხიც აქვია: „ვისაც ხელები სუფთა აქვს და გული სპეტაკი, ვინც ამო კერპებს არ წაპოტინებია და ყალბად არ დაუფიცია“ (ფსალმუნის 23:4).

მომმადლე, რომ დღეს ჩემი ხელები სუფთა და გული წმინდა იყოს. არ გამოვიდეს ჩემი ბაგეებიდან ტყუილი და სიცრუე.

შენ ხარ „ქეშმარიტების ღმერთი“ (მეორე რჯულის 32:4). „გამიძეხე შენი ქეშმარიტებით და მასწავლე, რადგან შენ ხარ ჩემი ხსნის ღმერთი“ (ფსალმუნის 24:5).

„გამოგზავნე შენი შუქი და ქეშმარიტება, რათა გამიძღვნენ და მიმიყვანონ შენს წმიდა მთასა და სამკვიდრებელთან“ (ფსალმუნის 42:3).

შენი ნებაა, რომ მე არა მხოლოდ სიმართლე ვილაპარაკო, არამედ ჩემს შინაგან არსებაშიც მართალი ვიყო (ფსალმუნის 50:6). დამეხმარე, რომ დღეს გულწრფელი, კეთილგანწყობილი და ყურადღებიანი ვიყო.

„დაე, სასურველი იყოს შენთვის, სიტყვანი ჩემი პირისა და ფიქრები ჩემი გულისა, უფალო, ბურჯო და გამომსყიდველო ჩემო“ (ფსალმუნის 18:14).

ძე - ღმერთის თაყვანისცემა

მადლობას გიხდის, უფალო იესო, რადგან მაღლიდან ხარ და არ ხარ ამქვეყნიური (იოანეს 8:23).

შენ ხარ მწყემსი კეთილი, რომელიც სიცოცხლეს დებს ცხვრისთვის (იოანეს 10:11). შენ იცნობ შენს ცხვრებს და შენი ცხვრებიც ისმენენ შენს ხმას და მოგყვებიან (იოანეს 10:27).

დამეხმარე, როგორც ერთმა შენმა ცხვართაგანმა, მოგისმინო და დავემორჩილო შენს ხმას. მსურს გამოგყვე იქ, სადაც მიმიძღვი, რადგან ყოველთვის სიმართლის გზებზე მიგყევარ (ფსალმუნის 22:3).

შენ მისცემ ცხვრებს, რომლებიც ერთგულად გისმენენ, გემორჩილებიან და მოგყვებიან, საუკუნო სიცოცხლეს. ისინი არასოდეს დაიღუპებიან და ვერავინ წაგგლეჯს მათ ხელიდან (იოანეს 10:28).

მადლობას გიხდის სულიერი უსაფრთხოებისათვის, რომელსაც შენ იძლევი.

მე თაყვანს გცემ, უფალო იესო, რადგან შენ ხარ „აღდგომა და სიცოცხლე! ჩემი მორწმუნე, კიდევ რომ მოკვდეს, იცოცხლებს“ (იოანეს 11:25).

შენ ხარ ვაზი ჭეშმარიტი, ხოლო მამა - მევენახე. „ყოველ უნაყოფო ღერწს შენში, ის მოაშორებს და ყოველ ნაყოფიერს კი გაწმედს, რათა მეტი ნაყოფი გამოიღოს“ (იოანეს 15:1-2).

დამეხმარე, რომ დავინახო ჩემს ცხოვრებაში ისეთი რამეები, რასაც მოკვეთა ან შეცვლა სჭირდება და წინააღმდეგობა არ გავუწიო და არ გავექცე შენს მოსიყვარულე ხელს, მაშინაც კი, როდესაც ის მტკივნეულია.

სულიწმიდა - ღმერთის თაყვანისცემა

კურთხეულო სულოწმიდა, მადლობა შენ, რომ „ღვთის სიყვარული ჩაგვიღვარე გულებში“ (რომაელთა 5:5).

შენ ხარ ჩვენი სულის ზეციერი მეზალე, რომელიც ჩვენს ცხოვრებაში ნაყოფს მოიტანს. დაე, სულის ნაყოფები „სიყვარული, სიხარული, მშვიდობა, სულგრძელობა, სახიერება, სიკეთე, ერთგულება, სიმშვიდე, თავშეკავება“ გაიზარდოს და განვითარდეს ჩემს ცხოვრებაში (გალატელთა 5:22, 23).

დამეხმარე მახსოვდეს, რომ ჩემი „სხეული ტამარია ჩემში მყოფი სულიწმიდისა, რომელიც ღვთისგან მაქვს და რომ ჩემს თავს არ ვეკუთვნი ვინაიდან ფასით ვარ ნაყიდი. ამიტომ ვადიდებ ღმერთს ჩემს სხეულსა და ჩემს სულში, რომელიც ღმერთს ეკუთვნის“ (1 კორინთელთა 6:19, 20).

დამეხმარე, რომ განგადიდო ჩემი სხეულით, იმით თუ როგორ ვაცემვ და როგორ ვიყენებ მას, ასევე ჩემს სულში, იმით თუ როგორ ვფიქრობ და გამოვხატავ საკუთარ თავს.

წმინდა წერილში ნათქვამია: „თუ სულით ვცოცხლობთ, სულითვე უნდა ვიაროთ“ (გალატელთა 5:25).

გთხოვ დამეხმარე ვიყო მგრძნობიარე და მორჩილი შენი ხელმძღვანელობის მიმართ.

„რომელი ხარ ცათა შინა“ - ღვთის სამეფო

[ზეცა არის ადგილი, სადაც არის ღვთის ტახტი. ამასთან, არ უნდა ვიფიქროთ, რომ ღმერთის თანდასწრება ზეცით შემოიფარგლება. ის ყველგანმყოფელია „ყველგან იმყოფება“ (ფსალმუნის 138:7-12). თუმცა ამბობენ, რომ ზოგგან ღმერთის თანდასწრება უფრო მეტია, ვიდრე სხვაგან. ის ფაქტი, რომ ღმერთი „ზეცაშია“ ნიშნავს, რომ ის არ შემოიფარგლება მხოლოდ მიწიერი რესურსებით. ის უზენაესია და აქვს შეუზღუდავი რესურსი. გარდა ამისა, „ზეცა“ საუბრობს სრულყოფილებაზე და მახსენებს, რომ ღმერთი არის მამობის სრულყოფილება..]

მეფსალმუნემ თქვა: „უზენაესის საფარქვეშ დამკვიდრებული ყოვლისშემძლის ჩრდილქვეშ ისვენებს“ (ფსალმუნის 90:1).

იმის გამო, რომ შენ ხარ მეფეთა მეფე, უსაზღვრო ცოდნით და ძალით, მე არ მაქვს მომავლის შიში.

„ვეტყვი უფალს: ჩემი თავშესაფარი და სიმაგრე ხარ, ჩემი ღმერთი ხარ, შენ გენდობი!“ (ფსალმუნის 90:2).

„რადგან ის დაგიხსნის მონადირის ხაფანგიდან, მომაკვდინებელი ჭირისგან“ (ფსალმუნის 90:3).

„თავის ბუმბულს გადაგაფარებს და მის ფრთებქვეშ პოვებ თავშესაფარს; ფარი და ბურჯი იქნება მისი ჭეშმარიტება შენთვის“ (ფსალმუნის 90:4).

მე ვიცი, ვისიც ვირწმუნე და დარწმუნებული ვარ, რომ შენ შეგიძლია შეინარჩუნო (დაიცვა) ის, რაც მოგანდე, შენი გამოჩენის დღემდე (2 ტიმოთეს 1:12).

„წმიდა იყოს სახელი შენი“ - ღმერთის რეპუტაცია

[თვით ღმერთის ბუნება (ყველაფერი, რაც ღმერთია და რასაც ის აკეთებს) არის წმიდა. როდესაც ჩვენ ვაცხადებთ, რომ ქრისტიანები ვართ, ჩვენ ვაცხადებთ მასთან ურთიერთობის შესახებ, იესო ქრისტეს მეშვეობით. ვინაიდან ღმერთი არის წმიდა, ჩვენც უნდა ვიყოთ წმიდა, ჩვენს ყველა ურთიერთობასა და ქმედებაში (1 პეტრეს 1:15,16). ჩვენ გავლენას ვახდენთ იმაზე, თუ რას ფიქრობენ სხვები მასზე. მისი რეპუტაცია ჩვენს ხელშია.]

ზეციერო მამა, შენ თქვი: „ჭამთ, სვამთ, თუ სხვა რამეს აკეთებთ, ყველაფერი აკეთეთ ღვთის სადიდებლად“ (1 კორინთელთა 10:31).

შენი დიდება არის შენი უნიკალური თვისებებისა და სრულყოფილებების ამაღლებული გამოხატულება.

მომმადლე, რომ ჩემმა ცხოვრებამ დიდება მოგიტანოს, რადგან დღეს შენთან ერთად დავდივარ.

დაე, არაფერი გავაკეთო, რაც შეურაცხყოფს შენს წმიდა სახელს (ლევიალების 22:32).

მაქციე წმიდად, როგორც შენ ხარ წმიდა.

[**დაიმახსოვრეთ:** ერთ – ერთი მიზეზი, რის გამოც იესო გვასწავლის ასე ლოცვას - ჩვენი ლოცვის დროის 1/3-ის დათმობას მის მამობაზე, მის ზეციურ პოზიციაზე, მის წმიდა სახელზე, მის სამეფოზე და მის ნებაზე - არის ჩვენი ეგოცენტრიზმისგან თავის დაღწევა (ჩვენი პრობლემებით და საჭიროებებით).]

შუამდგომლობა

„მოვიდეს სუფევა შენი“ - ღმერთის მეფობა

[ღმერთის გეგმა მარადისობიდან იყო სიმაღლისა და სიწმინდის სამეფოს დამკვიდრება დედამიწაზე (მათეს 25:34). ღვთის სამეფოს დამყარება ხდება ორ ეტაპად. პირველი ფაზა არის სულიერი. ღმერთი მმართველობს თავისი ხალხის გულებსა და ცხოვრებაში (კოლასელთა 1:13). როდესაც ჩვენ ვლოცულობთ „მოვიდეს სუფევა შენი“, ჩვენ ვლოცულობთ, რომ ადამიანები გადარჩნენ და გახდნენ ღვთის სამეფოს მოქალაქეები (მათეს 9:35). სამეფოს მოსვლის მეორე ეტაპი ფიზიკურია. როდესაც იესო მეორედ მოვა, ის გააუქმებს დედამიწის ყველა მთავრობას და დამკვიდრდება, როგორც მთელი მსოფლიოს მეფე (დანიელის 2:44-45). როდესაც ჩვენ ვლოცულობთ, რომ „მოვიდეს სუფევა შენი“, ამ გაგებით, ჩვენ მოუთმენლად ველოდებით იესოს მეორედ მოსვლას (გამოცხადების 22:20).]

„სიმაღლეს და მართლმსაჯულებას შენი ტახტის საფუძველი, წყალობა და ჭეშმარიტება დგანან შენს წინაშე“ (ფსალმუნის 88:14).

ყველაფერი რასაც შენ აკეთებ არის სწორი და სამართლიანი. მიუხედავად იმისა, რომ მე არ მესმის, რატომ უშვებ ჩემს ცხოვრებაში გარკვეულ რამეებს, შემადღებინე ყოველთვის მახსოვდეს, რომ შენ ძალიან მოსიყვარულე ხარ იმისთვის, რომ სასტიკი იყო და ძალიან ბრძენი, შეცდომები რომ დაუშვა.

„ჩემი პირით განვადიდე უფალს; აკურთხოს ყოველმა ხორციელმა მისი წმიდა სახელი უკუნითი უკუნისამდე“ (ფსალმუნის 144:21).

დაე მოვიდეს შენი მეფობა!

აკურთხე, განამტკიცე და გაამხნევე ყველა მქადაგებელი, მისიონერი, მასწავლებელი, პასტორი და მახარებელი - ყველა ვინც შრომობს მთელს მსოფლიოში შენთვის.

„არ აყოვნებს უფალი აღთქმულს, ზოგიერთებს რომ დაყოვნებად ეჩვენებათ; არამედ სულგრძელია თქვენდამი, რადგან ის კი არ სურს, რომ ვინმე დაიღუპოს, არამედ ის, რომ ყველამ მოინანიოს“ (2 პეტრეს 3:9).

[ლოცვა იმ ადამიანებისთვის, რომლებიც ჯერ არ არიან გადარჩენილნი.]

მე ვლოცულობ მათთვის, ... (დაასახელე ისინი, ვინც არ არიან გადარჩენილნი) ... რომ გადარჩნენ.

ღმერთო, სანამ ისინი ცოდვაში ბედნიერები არიან, ისინი ვერ გრძნობენ შენს საჭიროებას. ამიტომ, ცოდვის სიამოვნება მტვრად და ნაცრად გადააქციე მათ პირში. შემოსაზღვრე ისინი შენი ნებით და შენს გზაზე (ოსიას 2:8,9).

გთხოვ, მათ ცხოვრებაში მოიყვანო სწორი ადამიანები, რომლებიც მათ დაეხმარებიან გაიგონ, თუ როგორ უნდა მიიღონ ხსნა.

შეკარი ბნელეთის ძალები, რომლებიც მათ ტყვეობაში ამყოფებენ და აუხილე მათ თვალები, რათა დაინახონ საჭიროება შენში.

დაე, მალე მოვიდეს მათი ხსნის დღე.

„იყოს ნება შენი, ვითარცა ცათა შინა, ეგრეცა ქვეყანასა ზედა“ – ღმერთის მმართველობა

[ეს სათხოვარი გვასწავლის, რომ ვიზრუნოთ ღვთის ნების შესრულებაზე ჩვენს ცხოვრებაში უფრო მეტად, ვიდრე ჩვენი გეგმებისა და სურვილების შესრულებაზე. თუ ჩვენი სურვილები არ შეესაბამება მის ნებას, ღმერთს უნდა ვთხოვოთ შეცვალოს ჩვენი სურვილები. მისი ნება ჩვენს მიერ უნდა შესრულდეს, როგორც ამას ანგელოზები აკეთებენ ზეცაში - მონდომებით და სიხარულით. ჩვენ უნდა დავემორჩილოთ მისი სიტყვის ავტორიტეტს.]

„შენ გვიხსენი ჩვენ და მოგვიხმე წმიდა მოწოდებით, არა ჩვენი საქმეების მიხედვით, არამედ შენი განზრახვითა და მადლით, რომელიც მოგვეცი ქრისტე იესოში საუკუნეთა უწინ“ (2 ტიმოთეს 1:9).

შენი ნებაა, რომ ჩემი ცხოვრება მივუსადაგო შენს წმინდა სიტყვას. მომეცი მადლი, რომ ვიცხოვრო მორჩილებით ყველაფრის მიმართ, რაც მაჩვენე. შენ თქვი, „თუ სინათლეში

დავდივარ, როგორც შენ ხარ სინათლეში, მაშინ მოზიარეობა გვაქვს შენთან და შენი ძის, იესო ქრისტეს სისხლი გვწმენდს ყოველგვარი ცოდვისგან” (1 იოანეს 1:7).

შემადლებინე, არასდროს გადავუხვიო სინათლეში სიარულიდან და ამით ტკივილი არ მოგაყენო (ფსალმუნის 77:14).

პავლეს მსგავსად, მე ვარჩევ: „ყველაფერი წაგებად მივიჩნიო ჩემი უფლის იესო ქრისტეს შეცნობის უპირატესობის გამო.” შემადლებინე ყოველთვის აგირჩიო შენ და შენი ნება, ჩემი ნებისა და სურვილების ნაცვლად. (ფილიპელთა 3:8).

ვედრება

„პური ჩვენი არსობისა მოგვეც ჩვენ დღეს” – ჩვენი რესურსები

[ღმერთს აქვს შეუზღუდავი რესურსები. ისინი ხელმისაწვდომია ჩვენთვის. სთხოვეთ დააკმაყოფილოს თქვენი ფიზიკური, ფინანსური, ემოციური და გონებრივი მოთხოვნილებები.]

ძვირფასო მამა, შენ თქვი, რომ თუ მე პირველ რიგში მოვძებნი შენს სამეფოს და შენს სიმაღლეს - თუ მე პირველ ადგილზე დაგაყენებ ჩემს ცხოვრებაში - შენ აღავსებ ჩემს ყველა მატერიალურ საჭიროებას (მათეს 6:33).

დამეხმარე მახსოვდეს, რომ ერთ-ერთი გზა, რომლითაც პირველ ადგილზე დაგაყენებ ჩემს ცხოვრებაში, არის დაგიბრუნო შენ მეათედი (10%) ჩემი შენაძენიდან (ლევიაანების 27:30). მე ამას ვაკეთებ, უფალო, რათა ვაღიარო ჩემი ნდობა შენდამი და დამოკიდებულება შენზე, როგორც ჩემს უზრუნველმყოფელზე.

თუ მე ვერ შევძლებ პატივი მოგაგო ჩემი მეათედით, შენ მეუბნები, რომ მე გმარცვავ და გართმევ იმას, რაც კანონიერად გეკუთვნის (მალაქიას 3:8). შენ მაფრთხილებ, რომ თუ მეათედს არ მოვიტან, ნებას დართავ მჭამელს, რათა გაანადგუროს ჩემი შემოსავალი (მალაქიას 3:10).

დამეხმარე, რომ ვიყო შენი ერთგული და მორჩილი ჩემს ფინანსებში.

მამა, მაპატიე, რომ მუდამ ვწუწუნებ და ვდრტვინავ ჩემი გარემოებების გამო.

მე ვიცი, რომ ჩემს ცხოვრებას არაფერი ეხება, გარდა იმისა, რაც პირველად გადის შენს ხელში (კოლასელთა 3:3). დამეხმარე გენდობოდე ყველაფერში, რაც ვარ და რაც მაქვს. შენ ჩემთვის იმაზე უკეთესი იყავი, ვიდრე ვიმსახურებდი.

მაპატიე მატერიალური და ფიზიკური პრობლემების გამო შფოთვა და წუხილი.

შენ თქვი, რომ: „არაფერზე ვიდარდო, არამედ ყოველგვარ ღოცვასა და ვედრებაში მადლიერებით გაუწყო ჩემი სურვილი შენ, და ღვთის მშვიდობა, რომელიც ყოველგვარ გონებას აღმატება, დაიცავს ჩემს გულს და ჩემს ფიქრებს ქრისტე იესოში“ (ფილიპელთა 4:6-7).

მადლობას გიხდის დაპირებისათვის: „ჩემი ღმერთი კი ყოველ თქვენს საჭიროებას აღავსებს თავისი სიუხვისამებრ დიდებით ქრისტე იესოში“ (ფილიპელთა 4:19).

მე ვლოცულობ ... (თქვენი ამჟამინდელი საჭიროებები).

დამეხმარე, რომ მახსოვდეს და მადლიერი ვიყო ყველაფრისთვის, რაც შენ გააკეთე!

მე ვლოცულობ ... (სხვებისთვის, რომლებიც გაჭირვებულნი არიან მთელ მსოფლიოში).

მე ვლოცულობ მათთვის, ვინც თანამდებობებს იკავებს ადგილობრივ, საკანონმდებლო და აღმასრულებელ ხელისუფლებაში. მე ვლოცულობ, რომ მათ შენი სიტყვის პრინციპებით იხელმძღვანელონ. დაუშვი, რომ ისინი პატივს მოგაგებდნენ და სამართლიანობა სუფევდეს. გთხოვ, ჩაშალე ბოროტის მიზნები და გეგმები და შენი ნება აღსრულდეს. გვიწყალობე, რომ „მშვიდად და წყნარად ვიცხოვროთ სრულ ღვთისმოსაობასა და პატიოსნებაში“ (1 ტიმოთეს 2:2).

აღსარება / შერიგება

„და მოგვიტევე ჩვენ თანანადებნი ჩვენნი, ვითარცა ჩვენ მიუტევეთ თანამდებთა ჩვენთა“ - შერიგება

[აღსარება თვითდამდაბლების აქტია. ეს არის ღვთის მადლისა და დახმარების საჭიროების აღიარება. სწორად შეთავაზებული აღსარება გამოხატავს სულიერად გაუმჯობესების სურვილს. აღსარება არის ღვთის თვალსაზრისი და დამოკიდებულება იმის მიმართ, რაც არასწორია ან საჭიროებს შეცვლას თქვენს ცხოვრებაში. აღსარება იღებს პირად პასუხისმგებლობას თქვენს არჩევანზე და დამოკიდებულებაზე, იმისდა მიუხედავად, თუ როგორ გექცევიან სხვები.]

მეფსალმუნემ თქვა: „ცოდვა ჩემი ვაღიარე და ბრალი ჩემი არ დამიმალავს. ვთქვი: ვაღიარებ ჩემს ცოდვებს უფლის წინაშე და შენ მომიტევე დანაშაული ჩემი ცოდვისა.“ (ფსალმუნის 31:5)

უფალო დამეხმარე არ დავუშვა, რომ სიმწარემ ვინმეს წინააღმდეგ ჩემი სულის ნიადაგი მოწამლოს, რადგან შენ თქვი, რომ რაიმე მწარე ფესვი თუ აღმოცენდა ჩემს გულში, შეიძლება ზიანი მოიტანოს ბევრის ცხოვრებაში და ამით შეიბილწონ (ებრაელთა 12:15).

შენ თქვი: „ნეტარია, ვისაც ეპატია დანაშაული, ვისი ცოდვებიც დაიფარა. ნეტარია კაცი, ვისაც არ ჩაუთვლის ცოდვას უფალი და ვის სულშიც არ არის სიცრუე” (ფსალმუნის 31:1, 2).

მომეცი ძალა, რომ დღეს ვუთხრა „არა“ ცდუნებებს.

თუ არსებობს ვინმე, ვისაც მე არ მოვექეცი სიკეთითა და ჭეშმარიტი ქრისტიანული სიყვარულით, გთხოვ, გამახსენო ისინი და გამბედაობა და მადლი მომეცი, რომ თავი დავიმდაბლო და პატიება ვთხოვო მათ.

შენ თქვი, რომ ეწინააღმდეგები ამპარტავნებს, ხოლო თავმდაბლებს მადლს ანიჭებ (იაკობის 4:6). შემადლებინე თავი დავიმდაბლო, რათა შენი მადლი მივიღო.

სულიერი ბრძოლა

„და ნუ შეგვიყვან ჩვენ განსაცდელში, არამედ გვიხსენ ჩვენ ბოროტისაგან” – ჩვენი დაცვა

შენ თქვი: „ტანჯვაშიც ეზიარე, როგორც იესო ქრისტეს კეთილმა მეომარმა.” არც ერთი მეომარი არ შეიბორკება ცხოვრებისეული საქმეებით - მას სურს ასიამოვნოს მხედართმთავარს (2 ტიმოთეს 2:3, 4).

იესო არის ჩემი მხედართმთავარი. დამეხმარე, რომ დავემორჩილო მის ყველა ბრძანებას.

მიწყალობე მამა, რომ დღეს შევძლო სულიერად ძლიერი ვიყო შენში.

შენ თქვი: „გამაგრდით უფლით და მისი ძალის სიმტკიცით. შეიმოსეთ ღვთის სრული საჭურველი, რათა შეძლოთ წინააღმდეგ ეშმაკის მზაკვრობას. რადგან ჩვენი ბრძოლა არ არის სისხლისა და ხორცის წინააღმდეგ, არამედ მთავრობათა წინააღმდეგ, ხელმწიფებათა წინააღმდეგ, ამ სოფლის სიბნელის მპყრობელთა წინააღმდეგ, ცისქვეშეთის ბოროტების სულთა წინააღმდეგ” (ეფესელთა 6:10-12).

დამეხმარე მამა, რომ დღეს ღვთის სრული საჭურველით შევიმოსო, რათა შევძლო წინააღმდეგობა ბოროტ დღეს და გავუძლო ამას სულიერად” (ეფესელთა 6:13).

შენ თქვი: „იდექით ჭეშმარიტებით წელშემოსარტყლულნი” (ეფესელთა 6:14ა). დამეხმარე, რომ ჩემს ყველა ურთიერთობაში ვიყო წრფელი.

შენ თქვი, „სიმართლის ჯავშნით შეიმოსეთ” (ეფესელთა 6:14ბ). დამეხმარე, რომ მართალი და წმინდა ვიყო ყველაფერში, რასაც ვაკეთებ.

შენ თქვი, რომ ვიყო ფეხშემოსილი მზადყოფნაში მშვიდობის სახარებლად (ეფესელთა 6:15). დამეხმარე, მტკიცედ ვიდგე შენს ჭეშმარიტებაში და გამოვიყენო ყველა შესაძლებლობა იესოს სახარება გავუზიარო სხვებს.

შენ თქვი: „აიღეთ რწმენის ფარი, რომლითაც შეძლებთ ბოროტის გავარვარებული ისრების ჩაქრობას“ (ეფესელთა 6:16). დღეს, როდესაც ცდუნება მოვა ჩემს ცხოვრებაში, დაე ჩემი რწმენა არ შეირყეს.

მე ხსნის მუზარადი უნდა დავიხურო (ეფესელთა 6:17). დაე, ყველა ჩემი აზრი იქნას დატყვევებული იესო ქრისტეს დასამორჩილებლად (2 კორინთელთა 10:5).

მე უნდა ვისწავლო როგორ გამოვიყენო სულის მახვილი, რომელიც არის ღვთის სიტყვა (ეფესელთა 6:17). დამეხმარე, რომ გულში დავიუნჯო შენი სიტყვები, რათა არ შეგცოდო (ფსალმუნის 118:11).

ქება-დიდება და მადლიერება

„რადგან შენია მეფობა, ძალი და დიდება საუკუნეთა მიმართ“ - დაასრულეთ ქება-დიდებით.

[ყურადღება გაამახვილეთ ღმერთის პოზიციაზე, მის ძალაზე, სიდიადეზე და დიდებაზე. გაამხნევეთ თქვენი გული ქება-დიდებით.]

„შენია ღმერთო სიდიადე, ძლიერება, დიდება, გამარჯვება და დიდებულება, შენია ყველაფერი ცაში თუ დედამიწაზე, ღმერთო; შენია სამეფო და ყოველივეს სათავე ხარ და ამაღლებული ყოველივეზე“ (1 ნემტთა 29:11).

შენ თქვი: „იხარეთ უფალში მართალნი; გულწრფელებს შეშვენით შექება“ (ფსალმუნის 32:1).

„უფალი ღმერთი შუქია ჩემი და გადარჩენა - ვის შევუშინდე? ჩემი სიცოცხლის ბურჯია უფალი - ვინ შემადრწუნებს?“ (ფსალმუნის 26:1).

„უფალი ძალაა ჩემი და ფარი ჩემი. მას მიენდო ჩემი გული და დამეხმარა. ზეიმობს ჩემი გული და ჩემი სიმღერით ვაქებ მას“ (ფსალმუნის 27:7).

„უფალი ზის წარღვნაზე, მარადიულ ხელმწიფედ ზის უფალი. უფალი ძალას მისცემს თავის ხალხს, უფალი აკურთხებს თავის ხალხს მშვიდობით“ (ფსალმუნის 28:10, 11).

„ვილხენ და ვიმხიარულებ შენი წყალობით, რადგან იხილე ჩემი გაჭირვება და იცი ჩემი ტანჯვა“ (ფსალმუნის 30:7).

„შენ ხარ ჩემი თავშესაფარი, გაჭირვებისგან მიფარავ და ხსნის სიხარული შემომარტყი გარს“ (ფსალმუნის 31:7).

შენ თქვი: „გამხნევდით და გული გაიმაგრეთ ყველამ, ვისაც უფლის მოლოდინი გაქვთ“ (ფსალმუნის 30:24).

„უფალმა მაკურთხოს და დამიცვას! უფალმა მომანათოს თავისი სახის შუქი და შემიწყალოს. უფალმა მომხედოს თავისი სახით და მშვიდობა მომცეს” (რიცხვთა 6:24-26).

„და აჰა, რა გაბედულება გვაქვს მის მიმართ, რომ როცა რამეს ვთხოვთ მისი ნებისამებრ, იგი გვისმენს. და როცა ვიცით, რომ გვისმენს იგი, რასაც კი ვთხოვთ, ვიცით, რომ გვაქვს, რაც ვითხოვეთ მისგან.” (1 იოანეს 5: 14,15)

იესოს სახელით ვლოცულობ ამისთვის, ამინ